







# অদৃষ্ট-বিজয়

(মহাকাব্য ।)

---

মুকুট-উদ্ধার, যোগিনী, জীবন-সঙ্গীত প্রভৃতি গ্রন্থপ্রণেতা

কবিবর শ্রীযুক্ত হরিমোহন কবিভূষণ

বিরচিত ।

---

THE  
TRIUMPH OVER FATE,  
An Epic Poem,

BY

HARIMOHAN MUKHARJI, KABIBHUSHAN,

*Author of Mukut-Uddhar, Yogini, Jiban-Sangit, &c.*

EDITED BY

U. N. BASU, M. A., B. L.,

*Munsiff, Maimansingh.*

---

CALCUTTA:

G. C. BOSE & CO., PRINTERS, BOSE PRESS,  
309, BOW-BAZAR STREET.

1881.



W. W. HUNTER Esq., B.A., C.S., L.L.D., C.I.E.,

*Director-General of Statistics to Govt. of India, One of the Council  
of the Royal Asiatic Society, Honorary or Foreign Member  
of the Royal Institute of Netherlands India at the Hague,  
One of the Institute Vasco Da Gama of Portuguese  
India, of the Dutch Society in Java and of the  
Ethnological Society, London ; Honorary  
Fellow of the Calcutta University,  
Ordinary Fellow of the Royal  
Geographical Society,  
&c., &c.*

SIR,

You have always been very kind to us, and our family is deeply indebted to you : but you are not the friend of one solitary family only—you are one of the most sincere friends of India—a friend who is jealous of her liberty and regardful of the welfare of her children. It was you who pointed out to the British public at home what England had done for India and what she still ought to do.

For all this kindness, I beg most respectfully to dedicate to you this humble production of mine as a token of gratitude, respect and admiration.

I beg to remain,

Sir,

Your most humble and obedient Servant

GORAKHPUR, }  
1st Nov. 1881.

HARIMOHAN MUKHARJI.



## : ভূমিকা ।



এই কাব্যের গুণাগুণ বিচার করা আমার অভিপ্রায় নয়, সে কাজ কাব্যরসজ্ঞ বিজ্ঞপাঠকগণের ; তবে বিজ্ঞাপন স্থলে হরিমোহন বাবুর কথা গুলিই অবিকল উদ্ধৃত করিয়া দিলাম। পাঠকগণ এতদ্বারা বিবেচনা করিবেন কষ্টে না পড়িলে কেহ কবি হয় না। প্রকৃত কবিগণ প্রায়ই নানা প্রকার কষ্ট পাইয়া থাকেন।

“আমি জন্মিয়া অবধি অসহ্য যন্ত্রণা পাইতেছি ; অথবা যখন চারি পাঁচ বৎসর বয়সে পিতৃ মাতৃহীন হইয়াছি, তখন সুখের আশাই দুরাশামাত্র, কিন্তু যদ্যপি কালভূজঙ্গ হৃদয়ে জড়াইয়া তীব্র বিষদন্ত দ্বারা নিরন্তর এক্রপে না দংশিত তাহা হইলে দুষ্ট দুর্দৃষ্টকে জিনিবার জন্য আজ এ চেষ্টা, এ সহিষ্ণুতা অথবা এ কল্পনাই বা কোথায় পাইতাম ? বঙ্গে সংপ্রতি কবিকাব্যের প্রবল প্রবাহ—কিন্তু মহাপ্রলয়ে একমাত্র আরারাত পর্ষতই নিমগ্ন হয় নাই। কি ছোট—কি বড়—বঙ্গের সকলকেই বলি তোমরা এক এক বার এই গরিবের কাব্যখানি পড়—চক্ষু অবশ্যই ফুটিবে। কিরূপে শব সাধন করিলে—ষড়চক্রভেদ করিলে—সাধনা সিদ্ধ



হইতে পারে, মনুষ্য অদৃষ্টজয়ী হইতে পারে, অসার চাটুৰুত্তি ও ধনলালসা ত্যজিয়া এক্ষণে সকলে তাহাই শিখ। এ সংসারের দুঃখে দেহ গঠিত, অসার লোকের নিন্দা বা প্রশংসায় আর টলিব না !

উপসংহারে এই কাব্য দৰ্পণে একদিবসে জীবাত্মার প্রতিমূর্ত্তি দেখিয়া “তিনদিবসে” না হউক তিন শত বর্ষেও যদি এই পতিত মানবজাতি “আত্মজ্ঞান” লাভ করিতে পারেন, তাহা হইলেই আমি এ জন্মের এই পাপ ছোট জন্ম সার্থক জ্ঞান করিব।”

প্রকাশক।

# অদৃষ্ট-বিজয়।

[ মহাকাব্য ]

## প্রথম সর্গ।

সাধিয়া সাধনা কোন—মধুর গম্ভীর,—  
মধুর গম্ভীর ভীম গিরিশৃঙ্গ হতে,—  
যে ধ্বনি শ্রবণে পশি তান মান লয়ে  
নাচার হৃদয়ে, প্রাণে ; উঠে উছলিয়া  
শিরানুশিরাতে দ্রুত শোণিত-প্রবাহ ;  
নিশ্চল শারীর-যন্ত্র হয় সঞ্চালিত,  
নভুয়ে অথচ আত্মা কাঁপে শিহরিয়া ;—  
বিপুল সলিল-স্রোত উদ্‌গীরিত হয়ে,  
ব্রহ্মা-কমণ্ডলু হতে নিস্তারিণী যথা,  
যে স্বরে আছাড়ি পড়ে পাষাণে পাষাণে,—  
বাজায়ে ত্রিদিব-বীণা, সরোজ-বাসিনী,  
গাও, মা বাগ্‌দেবি ! জয় প্রাক্তনে করিয়া  
উঠিল কেমনে পুনঃ পতিত মানব । •

কেবা সে ধীমান্, দেবি ! যোগাসনে বসি  
 বিসর্জি সংসার-সুখে, ছিঁড়ি মায়াজাল,  
 কঠোরে কঠোর ব্রত উদ্‌ঘাপন করি  
 লভি যোগবল, আহা, একতা-শৃঙ্খলে  
 বাঁধিলা মানবজাতি ; সে সঙ্গে কেমনে  
 ত্যজিয়া পাতালপুরী ঘোর কুস্তীপাক,  
 উঠিলা দহুজরাজ ! মানব-গৌরব  
 অক্ষয় সুকীৰ্ত্তি-স্তম্ভে শোভিল কিরূপ  
 রবিরে বিরূপ করি ; মণি-মেখলার  
 মণ্ডিত মানব কটি ; মানব প্রভাব -  
 মানব মহিমা ভবে হইল প্রকাশ ;  
 কেমনে জানিল লোক অজর অমর  
 নরলোক ? গাও, মাতঃ ! স্বপ্নর মধুরে  
 মিলায়ে গম্ভীর তান বিস্তারি মহিমা  
 বিশ্বতত্ত্ব-কথা ! বৈজয়ন্তে হৈমগিরি  
 চালে সুধা-স্রোত যথা, ঝরুক অমৃত ।  
 কেমনে অদৃষ্টজরী হইল মানব,  
 জাহ্নুক অজ্ঞান লোক ; করুক সকলে  
 সে বিধি বিধান ভবসিন্ধু তরিবারে ।

গাইব অদ্ভুত গীত , করি উদ্‌ঘাটন  
 ভবিতবা দ্বার লোকে দেখাব এবার  
 মানব অদৃষ্ট-পট নিজ নিজ করে ;  
 নূতন সঙ্গীত, সুর, নূতন রাগিণী,

## প্রথম সর্গ ।

শিখাব মানবে পণ প্রতিজ্ঞা ভীষণ ।  
কি খেদে সতত কাঁদে জ্বলি ছতাশনে  
শ্বেতপদ্ম-নিবাসিনি ! জীবন আমার  
কব তা কেমনে ? ভাগ্যহীম আমি অতি ;  
দিগ্‌ভ্রান্ত পাস্থের মত এ ভবকান্তারে  
শূন্যমনে শূন্যপ্রাণে, নিরাশা-সাগরে,  
ঘুরিতেছি, ভাসিতেছি ; সম্পদ সহায়  
হীনবন্ধু—লালায়িত উদরান্ন তরে ।  
বাদী দুর্ঘ্যোধন, মাতঃ ; নির্বাসিলা বনে !  
দিব্‌ সুরেশ্বরী ! এই নশ্বর শরীরে  
যতেক যাতনা দিবে বৈরী মহাশয় ;  
পাষণ হৃদয় মন জীবন জনম  
পাষণ প্রতিজ্ঞা পণ ; অটল অচল  
উন্নত হিমাঙ্গি সম অভভেদী প্রাণ  
টলিবে না ; ঝড় বৃষ্টি নাহি অন্ধকার  
সতত সেখানে দীপ্ত ভান্ন হ্যতিমান !  
যে শোণিত স্তভাষিণি ! জীবন-জীবন,  
জড়িত এ দেহ যাহে, সে শোণিত যদি  
আপনি গরল হয়ে আপনা বিনাশে,  
কে রক্ষে তাহারে ? না বিলাপি, বিশ্বরমে !—  
ভুঞ্জুক আনন্দে সবে বিষয় বিভব ;  
নশ্বর ঐশ্বর্যে নাই বাসনা কিঞ্চিত !  
বিরিঞ্চি-বাহিত নিধি, ক'র না বঞ্চিত

এ চির সঙ্কিত আশা—রাঙা পদ তব—  
 রূপা করি, রূপাময়ি ! সে রাঙা চরণে  
 রূপা বিতরিয়া দাসে দিও স্থান দান ।  
 পাশরি সংসার হুঁথ, হয় মা শীতল  
 আশীবিষ-বিষদাহ, নিশ্চল অঙ্গরে  
 উঠে শত ইন্দ্রধনু ভুবন ভূলায়ে,  
 বিমল স্বর্গীয় সুখ করি উপভোগ,  
 যখন জননি ! তব কাব্য কুঞ্জবনে  
 দিনান্তে কল্লনা দূতী প্রিয়সখী সনে  
 অবচয়ি মধুময় পুষ্প অভিনব  
 পূজি তব পা ছুখানি ! শেষ ক্রমে দিন  
 মম, দীন আমি, দীন-দয়াময়ি মাতঃ,  
 ( হুঃখের নিশ্চিত ফল অকাল সংহার )  
 জীবনের ব্রত তব পদ-আরাধনা,  
 কবিতা জড়িত আত্মা, হও মা বারেক  
 অধিষ্ঠান হৃদিপদ্মে, হউক সফল  
 জীবন জনম ; বসি কোন্ শ্মশানেতে  
 নির্দয় নিয়তি পান করিছে কৌতুকে  
 কপালে রুধির ধারা গরল মিলায়ে  
 মনশ্চক্ষে একবার দেখিতে কামনা ;—  
 দেহ তাহে দেবশক্তি, অদৃষ্ট অদৃষ্ট  
 নাশি হুঁষ্ট হুরদৃষ্টে এ কষ্ট সংহারি  
 প্রতিকার পদতল দেখাই প্রাক্তন ।

জানি মা দরিদ্র নহে সম্মানের ভাগী  
 হয় যদি গুণী সেত ; এ কাল কলিতে  
 সকলি সম্পদ পদ ! গুণগ্রাহী লোক  
 কিংবা কোথা পাব ; মূঢ় আমি অকিঞ্চন,  
 উকীল, হাকিম নই রাজ-সভাসদ !  
 কিন্তু মা যে মহাসিদ্ধু সিঞ্চিয়া যতনে  
 গাঁথিব রতন মালা, অপূর্ব অদ্ভুত,  
 অক্ষয় উজ্জ্বল যথা ধর্ম্মের প্রতিমা,  
 শোভিবে গম্ভীর ভাবে রবে যত কাল  
 ব্রহ্মাণ্ড মণ্ডল ; হবে এক দিন যবে  
 জন্মিবে মানবজাতি বুঝিবে প্রভাব ;  
 হাসি এবে উপহাসে অসার প্রলাপে ।

নৈমিষ অরণ্যে পর্ণ-কুটীর সম্মুখে  
 আসীন স্মৃখী সতী বিষাদে ব্যাকুলা  
 লয়ে ফল নিক্ত জল ; পুষ্প আহরণে  
 গিয়াছেন সত্যব্রত, দ্বাদশ-বর্ষীয়  
 •পুত্র তাঁর । চিন্তাকুল চিত্ত জননীর,—  
 অন্ধের নয়ন সে যে ! শুষ্ক পত্রে যদি  
 শুনেন মর্ম্মর ধ্বনি, চমকি চাহিয়া  
 দেখেন অভাগী, ভাবি পুত্রনিধি তাঁর  
 আসিলা তুলিয়া পুষ্প । প্রভাতে তনয়  
 গিয়াছে, হইল বেলা প্রহর গগনে,  
 নাহি দেখা ; আর কত জননীর মন•

মানিবে প্রবোধ ? কভু উঠি পাগলিনী  
 দেখেন বাহিরে, আসি বসেন আসনে  
 পুনর্ব্বার ; তারাকারা নীরধারা ঝরে  
 নীরবে নয়নে ! ক্রমে দেব দিবাকর  
 মস্তক উপরে উঠি ঢালিতে লাগিল  
 প্রদীপ্ত ময়ূখমালা ; এখনো ফিরিয়া  
 আসিল না প্রাণাধিক ! হতাশা-সাগরে  
 দেখিলা জননী ডুবি অঁধার ধরণী  
 শূন্যময় ! জ্ঞানশূন্য—প্রায় প্রাণশূন্য  
 হয়ে, ভূমিতলে সতী শায়িত—বিবশা ।  
 হেন কালে “মা মা” ধ্বনি পশিল মধুর  
 শ্রবণকুহরে ; সঞ্জীবনী মন্ত্রে যথা  
 “কেরে বৎস প্রাণাধিক ?” জ্ঞানশূন্য দেহ  
 চৈতন্য পাইয়া উঠি এতেক কহিয়া  
 আদরে গলিত নেত্রে তনয় রতনে  
 কোলে করি, মুখচন্দ্র করিলা চুম্বন ।  
 “এলি, বৎস প্রাণাধিক ! এতক্ষণ পরে,—  
 পড়িল কি মায়ে মনে ? ফুল তোলা তোর  
 হইল কি এতক্ষণে ? কোথা ছিলি, বাপ !  
 কিংবা এতক্ষণ ? আহা ! না জানি ক্ষুধায়  
 পেয়েছ বেদনা কত ! মুখচন্দ্র তোর  
 গিয়াছে শুকায়ে ! মার প্রাণে, প্রাণাধিক !  
 এ যাতনা নয় কভু ? আর বৎস ! ধর—

কর রে ভক্ষণ কিছু । একিরে বয়স—  
 তুইত অবোধ শিশু,—কঠিন কঠোরে  
 করিতে সাধনা, পূজা ?—অথবা কুমার,  
 কি কাজ পূজিয়া দেবে ? মিথ্যা তপ, মিথ্যা  
 জপ, দয়া, ধর্ম, ব্রতকর্ম, মিথ্যা বেদ,  
 যাগ, যজ্ঞ ; মিথ্যা বৎস ! দেব-আরাধনা ।  
 বিদরে হৃদয়, বাছা, মনের সন্তাপে ;—  
 করেছি প্রতিজ্ঞা স্থির—রমণী-প্রতিজ্ঞা,  
 দেখিবে জগত,—ভুলে তপ, জপ, হোম,  
 ব্রতকর্ম, দেবপূজা, এ জন্মে কখন—  
 করিব না আর আমি—শিখেছি ঠেকিয়া—  
 কিংবা জন্ম, জন্মান্তরে ! কাঁপে ডরে হিয়া  
 দেখে তোরে কারমনে পূজায় নিরত,  
 না জানি এখনো বিধি ভাবিয়া ললাটে  
 লিখিয়াছে কত হুঃখ ! অথবা কি কাজ  
 জানায়ে সে সব কথা ? নিবেধি তোমায়  
 পুণ্যকর্ম—পুণ্যকর্ম ! পুণ্য পরিণাম  
 তবে কি দারুণ বিধি, অরণ্যে নিবাস,—  
 রাজানাশ !—যাহা ইচ্ছা, বৎস প্রাণাধিক !  
 কর তুমি ; কিন্তু যেন থাকে মনে তব  
 তুই রে নগ্ন-তারা জীবন-জীবন ।”

নীরবিনা এত বলি অভাগী জননী  
 মনস্তাপে । স্মৃতিপটে পূর্ব কথা সব



সমুদিত একে একে ; নয়ন-পঙ্কজে  
 ধীরে ধীরে নীববিন্দু লাগিল ঝরিতে ,  
 কুমারে করিয়া কোলে যতনে আবার  
 চুম্বিলা বদনচন্দ্র । কতক্ষণ শিশু  
 নীরবে নিশ্চলনেত্রে মার মুখ পানে  
 চাহি থাকি উত্তরিলা ; সে স্বরলহরী  
 মরমে মরমে পশি মারের হৃদয়  
 ভাসাইল সুখনীরে । “কেন মা কাঁদিলে ?  
 তোমা ভিন্ন, মা আমার, এ ভব-ভবনে  
 নাহি জানি অন্য জনে,—কি ব্যথা দিয়াছি  
 প্রাণে তব ? কেন মা নিন্দিলে দেবতায়,  
 অকারণ ? দ্বিজবংশে দ্বিজঅংশে, দেবি !  
 জন্ম পরিগ্রহ করি যে জন না করে  
 দেবপূজা, তপ, জপ, ত্রতাদি ত্রিসঙ্ক্যা,  
 শুনেছি ঋষির মুখে বৃথা জন্ম তার,  
 দেহান্তে অনন্ত তাপ ! কেন মা আমারে  
 নিষেধিলে পুণ্যকর্মে ? কেন বা নিরত  
 নিরখি তনয়ে নিত্য সমাধি-সাধনে  
 ভয় এত ? পূজি দেবে, বল মা জননী,  
 কি হুঃখ পেয়েছ তুমি ? ঋষিদারা তুমি,  
 আমি ঋষিপুত্র, হুঃখ কিবা বনবাসে  
 সুখস্থান ? বল দেবি ! একান্ত বাসনা  
 হইয়েছে শুনিতে, বল শুনি, বল মাতঃ,

নিগূঢ় কাহিনী ।” নীরবিলা পুত্রনিধি ।

“কি আর, শুনিবে, বৎস !” কহিলা স্নমুখী  
মলিন স্নমুখচন্দ্র, ত্যজিয়া নিশ্বাস,  
নিবারি অঞ্চলে বারি, “কি আর শুনিবে  
পুত্র প্রাণোপম ? শুনিবার তোর নহে  
সে সকল কথা । কেন নিন্দিলাম আমি  
পুণ্যকর্মে, কেন ঘেষ মম দয়া ধর্ম্মে,  
কেন বা সভয়ে কাঁপি অন্তর-অন্তরে  
এ বয়সে দেখে তোরে এরূপ কঠোরে  
পূজায় ব্যাপ্ত, কাজ নাই, প্রিয়তম,  
শুনিয়া সে সব । ওরে নিদারুণ বিধি !  
পূরে নাই মনোসাধ এখনো তোমার ?”

কি বুঝিবে এর ? কোতুহলাক্রান্ত নেত্রে  
রহিলা চাহিয়া শিশু ; কিন্তু সে হৃদয়ে  
ভাবের তরঙ্গ কত বিচিত্র অদ্ভুত  
উঠিল উন্মত্ত ভাবে আন্দোলিত হয়ে  
কেমনে বুঝিবে কবি—বুঝিয়া বর্ণিবে ?  
বুঝিল না তার কিছু শিশুই আপনি ।  
“ না মা বৃথা তুমি আর দিতেছ প্রবোধ,  
শুনিব সে সব কথা ; কি হুঃখে ও চক্ষে,  
মাতঃ বল জলধারা ? দিব জলাঞ্জলি  
ব্রত পূজা ধর্ম্মকর্মে, তুষিতে তোমায় ;—  
কি চিন্তা তাহাতে ? কিন্তু দেবি ! বল শুনি

কি জন্য এ ঘেঁষ তব ।” “বৎস ! প্রাণাধিক !  
 কাজ নাই শুনে তোর,—কি ফল শুনিয়া ?  
 কি জানি কি ঘটে তায় ।” “নিশ্চয় শুনিব”  
 দ্রুতগতি কোল হতে উঠিয়া কুমার  
 কহিলা “ নিশ্চয়, মাতঃ ! শুনিব সে কথা ।  
 আরাধনা করি দেবে কি ব্যথা পেয়েছ  
 নিদারুণ, রাজ্যনাশ কিংবা কিবা, বল,  
 কেন বা সতত তোমা হেরি চিন্তাকুল ?  
 পারি ত করিব তার, করিছু প্রতিজ্ঞা,  
 প্রতিকার ।” নীরবিলা নৃপতি-কুমার ।

উথলিল মার মনে কি সুখ পরম  
 পুত্রমুখে হেন বাণী করিয়া শ্রবণ—  
 কিরূপে বর্ণিবে কবি ? খেলিল বিজলী-  
 বিভা নিরমল মুখচন্দ্রে ; নীলোজ্জ্বল  
 ছটা কিবা চকিতের প্রায় বিভাসিল  
 বিশাল নয়নে ; ধীরে ধীরে প্রভাকর  
 প্রকাশিল স্নানবিড় হৃদয়-গগনে  
 তমোময় ; হাসি আশা ত্রিভঙ্গ ভঙ্গিমা  
 নিরাশা নাশিয়া আসি দিলা দরশন  
 সুলোচনা । “হাঁরে, বৎস !” কহিলা জননী  
 “একান্ত লালসা যদি শুনিতে তোমার  
 হৃৎথের কাহিনী মম, শুন তবে মন  
 দিয়া ; কিন্তু মিছা, বাছা, অশুখী করিবি

আপনারে । \*নহি আমি, পুত্র প্রাণাধিক !

বনবাসী ঋষিপত্নী, নহে বাস মম

বনে ভয়ঙ্কর ; নহ তুমি ঋষিপুত্র ।

মনে হলে পূর্বকথা হৃদয় বিদরে ।

প্রাচীন পবিত্র বংশ—রাজর্ষি আপনি

বিষ্ণুযশঃ নাম, সদা বিষ্ণু-পরায়ণ ;—

সত্য, ধর্ম, দয়া, পুণ্য মূর্তিমান যেন !

তেজস্বী তপন সম ; কিন্তুরে তনয়

বিচিত্র বিধির লিপি—অদৃষ্ট কঠিন,

জীবন করিয়া ক্ষয় দেব-আরাধনে,

আহরিয়া পুণ্যরাশি, আরন্তিলা পরে

মহাযজ্ঞ, ফল যার প্রকাশিত বেদে

সনাতন । সশঙ্কিত বৈজয়ন্ত ধামে

হইলা মহেন্দ্র, হায়, দেবের হৃদয়

কে বলে সরল ? ছলে ছলিলা রাজেন্দ্রে

ক্রুরমতি । মহাক্রোধে জনক তোমার

মহাতেজী, দিলা অভিশাপ সুররাজে—

নরে দেবে, বৎস ! নাহি কিঞ্চিৎ প্রভেদ ;

না ধরি দেবেন্দ্র-দোষ, অমর-সমাজ

উঠিলা হুঙ্কারি ; অগ্নিমূর্তি অগ্নিদেব ।

মাতি প্রভঞ্জন সনে বেড়িলা চৌদিক

ভীমোচ্ছ্বাসে ; পরশিল গভীর গজ্জনে

পর্বতপ্রমাণ শিখা—লক লক জিহি •

কালান্তক সর্পরাজি, — মহা তেজস্কর  
 গগনে ! পুড়িল দাবানলে মহারণ্য ;  
 উড়িল বাতাসে । আচ্ছাদিল নভস্তল  
 মেঘপুঞ্জ ঘন ঘোর নিনাদ ভৈরবে,  
 ডুবাতে পৃথিবী, বরষিল বারিধারা  
 অজস্র ; হায়রে বিশ্ব হল আকুলিত !  
 দেখিলা গম্ভীর ভাবে ভূপতি-ভূষণ  
 পিতা তব, তুমি বৎস ! পঞ্চ মাস গর্ভে  
 মম সে সময়ে । বিস্তারিয়া মহাকাল  
 উত্তাল তরঙ্গমালা দীপ্ত বারিশ্রোত—  
 তরল অনল শ্রোত বৈবস্বত পুরে—  
 আসিছে গ্রাসিতে দেখি কাঁপিয়া হৃদয়ে  
 মহাতক্ষে, উর্দ্ধশ্বাসে যাইলু ছুটিয়া  
 পতিপাশে—এলোকেশী—উন্মাদিনী প্রায়  
 জ্ঞানশূন্য, “কি হবে প্রাণেশ !” পড়ি বৎস,  
 পদতলে কহিলু কাতরে দুটি চক্ষে  
 বারিধারা ; “আর কেন, দেবার্চ্চনা-ফল  
 পেলে ভাল, প্রাণকান্ত ! চল পলাইয়া ;  
 দেখ চেয়ে মত্তভাবে উত্তুঙ্গ তরঙ্গ  
 আসিছে গ্রাসিতে !” করে ধরি উঠাইয়া  
 স্তভাবে স্তবায়ী ‘ভয় নাই, রাজরাণি !’  
 কহিয়া আমারে, একবস্ত্রে পদব্রজে  
 চলিলা, চলিল চক্ষু যেদিকে তাহার ।

অভাগিনী চলিল পশ্চাতে । কত দিন  
 চলি বৎস ! দেখিছু সম্মুখে মহারণ্য ;  
 সে বনে পশিলা পতি, পশিছু আপনি,  
 নিতান্ত কাতর পথশ্রমে, পিপাসায়  
 কণ্ঠাগত প্রাণ ; প্রবোধিলা কত কথা  
 কয়ে নরমণি ; কাঁদিলাম দুই জনে  
 কত যে মনের খেদে, জানে তা, তনয়,  
 বনলতা, তরুরাজী, —তারাও কাঁদিল  
 দুঃখী মম দুঃখে ! আনি দিলা নৃপনাথ,  
 নির্ঝরিণী-বারি, বনফল,—বনবাসী  
 সে দিন অবধি । হয়েছিছু ক্লান্ত অতি  
 করিছু শয়ন রাখি উরুদেশে তাঁর  
 মস্তক—ভূতল শয্যা ; অবিলম্বে আসি  
 হরিলা চৈতন্য মম, চৈতন্যহারিণী  
 নিদ্রাদেবী । কতক্ষণ —জানি না তনয়,—  
 কতক্ষণ অভিভূত ছিছু নিদ্রাঘোরে ।  
 জাগরিত হয়ে দেখি হাস্যময়ী উষা  
 হিরণ্য কিরণে করি কনক-ভূধর  
 বিমণ্ডিত, হাসিছেন মৃদু মৃদু, কণ্ঠে  
 বক্ষে চারু পুষ্পদাম হেলিছে হুলিছে  
 কাল কবরীতে । বসি শাখে পাখিকুল  
 ডাকিছে সুস্বরে ;—দুখদাহে কিন্তু হায় !  
 দৃষ্ট দেহ মন, প্রীতি কভু কি সম্ভব .

এ সবে সে অভাগীর ? নয়ন উন্মীলি  
 দেখিলাম একাকিনী শায়িত ভূতলে  
 বনমাঝে ! অন্তরাত্মা উঠিল শিহরি  
 মহাভয়ে ! সমুদিত বিদর্ভ-নন্দিনী  
 চিত্তাকাশে , বন ঘন ঘুরিল মন্তক ;  
 ঘুরিল পৃথিবী, শূন্য, বন, বৃক্ষ, লতা  
 ঘুরিল ভূধর ; শূন্যাকার ত্রিসংসার  
 দেখিছু নয়নে ; থর থর হস্ত পদ  
 কাঁপিল সর্ব্বাঙ্গ, ছিন্নমূল মহীরুহ, —  
 জড়িত লতিকা কেন ছিন্নভিন্ন হয়ে  
 কাঁপিবে না তার সহ ? — পড়িলাম ভূমে  
 জ্ঞানহারা ! অন্তর্হিত না হত যদ্যপি  
 মুচ্ছা জ্ঞানহর, তবে আর এইরূপে  
 • হত না দারুণ ক্রেশে ভ্রমিতে কাননে  
 কাঙালিনী প্রায় ; মৃত্যু যদি সেই দিনে—  
 সাধিছু কত যে, — দিত স্থান ছুখিনীরে  
 জুড়াইত মনজালা । দেবের বাসনা  
 তাহে পূর্ণ হয় কই ? কিন্তু, রে কুমার,  
 জীবনে এ জড় দেহ দিতাম অঞ্জলি  
 পারি নাই তোরে জন্যে । কত যে কাঁদিছু  
 বসি সে বিজন বনে, অভাগিনী আমি,  
 না হেরে নাথের পাশে, কি আর কহিব  
 আজ.তাহা ! জানিলাম সে দিন অবধি—

কাঁদি নাই ঘূর্ষে কভু, হুঃখ কারে বলে  
 কে জানিত ?—জানিলাম সে দিন অবধি,  
 বৎস ! কাঁদিবারে, হায়, জন্ম আমাদের, —  
 ভাগ্যহীন নর ! পাগলিনীবেশে শেষে  
 লাগিছু ভ্রমিতে বনমাঝে, যুথহারা  
 কুররী যেমতি ; মত্ত বনহস্তী, সিংহ,  
 ক্ষুধার্ত শার্দূল, শৃঙ্গী, ভয়াল ভল্লুক,  
 কুণ্ডলী পাকায়ে ফণী বিস্তারিয়া ফণা,  
 চরিছে, গর্জিছে পার্শ্বে, অতাগিনী দেখে  
 তারাও ভুলিল নিজধর্ম ! করযোড়ে  
 সাধিছু কত যে ‘আয়, সিংহ, আয় ব্যাঘ্র,  
 ভুজঙ্গ ! দশনাঘাতে বিদার হৃদয় ;’  
 সাধনা বিফল, শুনিল না কথা কেহ ।  
 জিজ্ঞাসিছু তরুবরে, কহ বনস্পতি !  
 এ মিনতি সতী করে, জান পতি তার  
 কোন্ পথগামী ! বনলতে ! কহ সতি !  
 পতিধন মম, এই পথে, সাধে তোমা  
 রাজরাণী, জান তুমি গেছেন চলিয়া ?  
 হে পবন ! সর্বব্যাপী তুমি, গতি তব  
 সর্ব স্থান, জাগরিত তুমি সদা, কহ  
 সাধে দাসী, দেব ! দেখেছ কি মহারাজে  
 বনবাসী ? হে আকাশ ! তুমি ত সতত  
 নীরব গ্রহরীক্ষণে দেখিছ সকলি,



পতির সংবাদ মম পার বলিবারে  
 শব্দবহ ? হায়, শুনিল না কথা কেহ  
 অভাগীর ! ক্লান্ত হয়ে বসিছু আবার—  
 কাঁদিছু বসিয়া । ক্রমে দিবা অবসান ;  
 পরিশ্রান্ত ক্লান্ত অতি অস্তাচলগামী  
 দিনদেব । কিন্তু বৃথা নিশির ভাবনা ;  
 হৃদয়ে যামিনী যার কি যাতনা তার  
 বিভাবরী সমাগমে ? তিমির-অর্ণবে  
 ডুবিল ধরণী ক্রমে ; ভীষণা পিশাচী  
 বেশে, হাসি অট্ট হাসি মহামায়া জাল  
 বিস্তারিলা আসি বলে ভূতলে শরীরী  
 কালরূপা ! অঁচল পাতিয়া ধরাতলে  
 করিছু শয়ন ; চিন্তাবিষে জ্বর জ্বর  
 হৃদয় জীবন মন, ঘুমাব কেমনে ?  
 বিষাদে মনের থেদে মুদিয়া নয়ন  
 অদৃষ্টের ভোগাভোগ লাগিছু ভাবিতে ।

“নীরব প্রকৃতি । ঘুমায়েছে ঘোর ঘুমে  
 জীবজন্তু, স্রুধুমাত্র জাগরিত আমি ।  
 কি জানি কি ভেবে বুঝি দয়া উপজিল,  
 নিশীথিনী নিশা, আসি নিদ্রা মায়াবিনী  
 বসিলা নয়নে । এইরূপে নিদ্রাবশে  
 আছি অচেতন যবে, শুনিছু স্বপনে  
 বামা-কণ্ঠে যেন কেবা শিয়রে বসিয়া

কহিল ‘বিপদে যার চিত্ত বিচলিত  
না হয়, ভূতলে ধন্য, সেজন, সুনন্দরি !’  
শিহরি সভয়ে যেন চাহিয়া দেখিলু  
প্রভাতে অরুণোদয়ে পূর্বাচল যথা  
আলো করি অপরূপ রূপে সুরূপসী  
বসিয়া শিয়রে, পড়িতেছে ঝরি সৌর  
মাধুরী সর্বক্ষে । ‘ভয় নাই রাজরাণি !’  
কহিল নিরখি ভীত আমারে বালিকা  
হাসি মুহু, ‘ভয় নাই, তব রাজকুল-  
লক্ষ্মী আমি, কমলাক্ষি ! বিধির নির্বন্ধে,  
এ বিপদ আজ, দেবি ! চির নাহি রবে  
হেন দিন ; সাজি পুন রত্ন অলঙ্কারে  
হৃদয়-আকাশে রবি দিবে দরশন  
অংশুমালী ; ধৈর্য্য ধরি থাক কিছুকাল  
রাজকুল-কমলিনি ! জন্মিবে তোমার  
সর্ব-স্বলক্ষণ-যুত পুত্রনিধি এক,  
পালিবে যতনে তারে, তা হতে উদ্ধার  
হবে কুলমান, সতি ! ভবিতব্য কথা  
দিহু বলি, যাও চলি যথা ইচ্ছা তব  
নাহি ভয়, সদা আমি রক্ষিব তোমারে  
অদৃশ্যে ।’ উঠিলু জাগি চমকি বিশ্বয়ে ;  
কোথা রাজলক্ষ্মী ? শূন্য ঘোর বনস্থলী  
নীরব, নিশ্চল ; দুৰু দুৰু করি বুক

কাঁপিল সঘনে । পূজিব না দেবে আর  
 করেছি প্রতিজ্ঞা, স্মধুমাত্র মনে মনে  
 কহিছু 'মায়াবি' ! ভুলিব না আর তোর  
 মায়াজালে, কেন আর এসেছ ছলিতে ?  
 এ চিত্ত-হরিণী দেখে মায়া-মরীচিকা  
 আর কি ভুলিবে ভ্রমে ভাবি জলাশয় ?

“প্রভাতিল বিভাবরী । কিন্তু স্বপ্ন কথা  
 ক্ষোদিত রহিল হৃদে ; সে সঙ্গে কত যে  
 আশার প্রকাশ মনে, কহিব কেমনে ?  
 ত্যজি সে কানন, বৎস ! জটাচির পরি  
 ভ্রমিতে যোগিনীবেশে লাগিছু ভুবন—  
 কিরূপে মাগিব ভিক্ষা ? রাখিয়া জীবন  
 বন ফল মূলে, পিয়া নির্ঝরিণী-নীর  
 স্মশীতল । যথাকালে হেরি তব মুখ,  
 আঁধার হৃদয়ে চারু চাঁদের উদয়  
 স্মধাময়, ভুলিলাম পূর্ব হুঃখ যত ।  
 ডাকি নাই কভু ভুলে, ক্ষণকাল তরে  
 দেবে, নরে ; করি নাই শিব স্বস্ত্যয়ন  
 শুভ আশে ; থাকে আয়ু, থাকিবি বাঁচিয়া  
 নিজ তেজে । ত্যজি লোকালয় পশি পুনঃ  
 গহন বিপিনে নিরমিয়া পর্ণ গেহ  
 এই স্থানে, লাগিছু পালিতে তোমাধনে  
 প্রাণপণে । কোথা গেলু নৃপমণি ত্যজি

কান্তারে আমারে ; ছিল একান্ত কল্পনা  
 পর্য্যটব ত্রিভুবন তাঁর অন্বেষণে ;  
 তোর জন্যে, প্রাণাধিক, নারিহু পুরাতে  
 সে কামনা । অজ্ঞান অবোধ, তুই বৎস !  
 বলি নাই এ নিমিত্তে এত দিন তোরে  
 এ সকল কথা । দেখি তোরে কায়মনে  
 মগ্ন দেব-আরাধনে, কেন যে সতত  
 কাঁপে এ হৃদয় শুনিলেত প্রাণাধিক ।  
 পাছে রে তোরেও বৎস ! হারাই আবার  
 ভাগ্যহীনা আমি, এই ভয় নিরন্তর  
 হয় মনে । শুনিলে ত দেবপূজা-ফল  
 বিষময় ; তাই বৎস ! করি মানা কাজ  
 নাই ব্রতকর্ম্মে পূজি দেবতার পদ  
 কুসুমচন্দনে ; পাপ পুণ্য স্বর্গ আদি  
 নিশার স্বপন ।” এত কহি রাজরাণী  
 সুদীর্ঘ নিশ্বাস ত্যজি হইলা নীরব ।

দ্বাদশ-বর্ষীয় শিশু, এ দীর্ঘ কাহিনী  
 নীরব গম্ভীর ভাবে করিলা শ্রবণ ;—  
 প্রত্যেক বচন মার পশিল মরমে ;  
 নীরবে শুনিল শিশু, শুনিল নীরবে  
 রহিল দণ্ডায়মান ; অংসে গণ্ডে ভালৈ  
 খেলিল অপূর্ব বিভা ; লাগিল ঘুরিতে,—  
 যোজন যোজন দূর দূর নভস্তলে

প্রলয়ে তরণী যথা,—বরষি বরষি—  
 বরষি লোহিত নীল ছটা ভরষর  
 বিশাল লোচনদ্বয় ; লাগিল ফুটিতে,  
 ( বোধ হল ) ধমনীতে শোণিত-প্রবাহ !  
 একুপে নীরবে শিশু নিশ্চল নয়নে  
 মাতৃমুখ পানে চাহি থাকি ক্ষণকাল  
 কহিলা “জননি ! কর শোক সম্বরণ ;  
 কাঁদা’ও না কাঁদি আর তনয়ে তোমার  
 ভাগ্যহীন । কি সাধ্য—অসাধ্য গুনি বেদে—  
 খণ্ডে বিধি-লিপি লেখা নিয়তির—ক্ষুদ্র  
 নর ; বৃথা চেষ্টা ! ধৈর্য্য ধরি ভোগাভোগ  
 অবশ্য ভুগিবে নর ; পালিয়াছ, মাতঃ !  
 দাসে করাইয়া স্তনপান, অসম্ভব  
 পারিব শোধিতে কভু সে ঋণ তোমার,  
 মুঢ় আমি । পালিয়াছ, দেবি ! বৃথা আশা  
 এতদিন ; আশার আশ্বাসে বাঁচে জীব !  
 সেত মা, নিশার স্বপ্ন দেখেছ নিশিতে !  
 করিব উদ্ধার আমি—এ ত উপহাস—  
 কুলমান ! দেবসঙ্গে করে কি বিবাদ  
 বুদ্ধিমান ? কাজ নাই নশ্বর বিভবে ;  
 বিবম বিষয়-আশা ত্যজিয়া কান্তারে  
 একান্তে বসিয়া স্থখে পর্ণের কুটীরে  
 সেই হৈম নিকেতন, পূজিব জননি !

ইষ্টদেব তুমি, ভুক্তি ভাবে দিবানিশি  
 পাদপদ্ম তব মোক্ষধাম, সেইত মা  
 পরম সম্পদ ! হবে প্রজা পাখিকুল,  
 হরিণ হরিণী, সিংহ ; হিংসা, দ্বেষ, আশা,  
 নারিবে পোড়াতে মর্ম ; চিত্তের সন্তোষ  
 রবে চির সমভাবে ;—মুছ আঁখি জল ।  
 কিন্তু এক ভিক্ষা মাগো ওপদ-পঙ্কজে  
 মাগে দাস, কৃপময়ি কৃপা করি পূর  
 তার মনসাধ ; যাব পিতৃ-অন্বেষণে,—  
 কি ভয়, জননি ! ত্যজ হুঃখ ; ধরি পায়,  
 কর না নিষেধ,—যাব পিতৃ-অন্বেষণে,  
 বিদায় সদয় হয়ে, কর দীনে দান,  
 এই ভিক্ষা মাগি ।” উত্তরিল রাজরাণী  
 সজল নয়নে “মানা কেন প্রাণাধিক !  
 করিব তোমারে যেতে পিতৃ-অন্বেষণে ;  
 কিন্তু কোথা যাবি ? কার সঙ্গে তোরে  
 দিব পাঠাইয়া ? ছুঙ্কপোষা শিশু তুই ;  
 ক্ষুধা পেলে বল বাছা খাদ্য দ্রব্য আনি  
 দেবে কেবা মুখে তুলে, তৃষ্ণা পেলে বারি ?  
 এ ভব-ভবনে তোর কে আছে আপন  
 যাবি কার কাছে ; কেবা বাছা দিবে কয়ে  
 কোথা রাজ-ঋষি ? তোর মুখ চেয়ে, আছি  
 প্রাণ ধরি ; কোন্ প্রাণে বলিব, কুমার,

যাও পিতৃ-অন্বেষণে ? যাস প্রাণাধিক !  
করিব না মানা, আরো কিছু দিন পরে ;  
রাখ এ মায়ের কথা ।”

“এখনি যাইব”

উত্তরিলে শিশু, “মাতঃ ! পিতৃ-অন্বেষণে ;  
যাতনা যাতনা দেহে কি দিবে জননি ?  
ভূমিত কহিলে জানিয়াছ কাঁদিবারে  
জন্ম মনুষ্যের, তবে কেন বৃথা তায়  
এত যত্ন ? কত ক্লেশ, কত ব্যথা, হবে  
নিরবধি সহিতে এ দেহে, তবে কেন  
ভরি পথ-ক্লেশে ? এই বেলা হতে করি  
অভ্যস্ত তাহারে তাহে হবে যাহা, দেবি,  
সহিবারে চিরকাল । এই স্থানে তুমি  
থাকিও, জননি ! পিতৃসনে আসি পুনঃ  
পূজিব রাজীবপদ । দেহ অনুমতি  
করি আশীর্বাদ ; হবে পূর্ণ মন আশা  
ওপদপ্রসাদে ; নিরাপদে এই বনে  
আসিব সম্বর । মুছ মাতঃ ! আঁখি-জল ।”

শিশুমুখে শুনি সতী বৃদ্ধের বচন  
কত যে লভিলা সুখ ; কহিলা আদরে  
“নিতান্ত যদ্যপি পুত্র ! রাখি একাকিনী  
অভাগীরে হেথা যাবি পিতৃ-অন্বেষণে,  
যাসু তুই কাল প্রাতে, নিবারণ আর

করিব না তোরে ; এত সয়ে আজো আমি  
 বিদায় করিতে দান সক্ষম অনাসে  
 একমাত্র পুত্রে, পুত্র ! দেখুক জগৎ ।  
 তবে যে হারায় তোরে, সাগর-তরঙ্গে  
 তৃণপ্রায়, প্রাণাধিক ! অসুখ-অর্ণবে  
 ভাসিব ডুবিব সদা, মরে রব বেঁচে,  
 বলে প্রয়োজন ? দশ মাস দশ দিন  
 কঠোরে জঠরে ধরি, স্তন-দুগ্ধ দিয়া  
 করেছি পালন যারে, শিরাতে শিরাতে  
 আত্মাসনে গ্রস্থে গ্রস্থে যে নিধি অমূল  
 গ্রস্থিত স্নদৃঢ়রূপে, কেন না কাঁদিলে  
 ছিঁড়িলে সে প্রস্থন, প্রাণ ? কিন্তু যাও  
 বৎস ! পার যদি কর যত্ন শোধিবারে  
 মাতৃঋণ, উদ্ধারিতে পিতৃকুল, জেন  
 নহে শুধু নীরধারা যে ছঞ্জে তোমাতে  
 পালিয়াছি ; যেও সাবধানে, শিশু তুমি  
 অবোধ, অধিক আর নাই বলিবার ;  
 অভাগী মায়েরে যেন যেও না ভুলিয়া ।”

প্রণমি জননীপদে প্রভাতে উঠিয়া  
 কহিলেন পুত্রনিধি “যাই তবে মাতঃ !  
 আশীষি বিদায় দেহ প্রফুল্ল হৃদয়ে,  
 পূরে যেন মনোরথ ।” সজল নয়নে  
 কহিল জননী “করি আশীর্বাদ, বৎস !



সিদ্ধকাম হয়ে, আসি ত্বর। পুনর্বার  
 মা বলে মায়ের প্রাণে কর প্রাণ দান ।  
 কল্যাণ করুন কালী—দেবের প্রসাদে  
 নাহি প্রয়োজন, নিজ বলে অরিজয়ী  
 হও পুত্র অরিন্দম ; কীর্তি-মেখলায়  
 অলঙ্কৃত কর কুল ; কনক মুকুটে  
 মস্তক মণ্ডিত কর করি আশীর্বাদ ।  
 আর এক কথা, বৎস ! শুন মন দিয়া,  
 রাখিবে স্মরণ, দেখে নাই মহারাজে ;  
 কি রূপে চিনিবে তাঁরে ? কিঞ্চিৎ লক্ষণ  
 শুন বলি ; “ দেবদেহ পবিত্র নিশ্চল  
 সমুন্নত ; অনলের তেজঃ, পবনের  
 প্রবল প্রতাপ, বিক্রমেতে ত্রিবিক্রম ;  
 প্রভাবে মরীচিমালী, জ্ঞানে অজ্ঞযোনি,—  
 অথবা তনয় এই মানব জগতে  
 নাহি তাঁর সমতুল, দেখিলে চিনিবে । ”

মাতৃপদধূলি লয়ে চলিল কুমার  
 চলিল মায়ের মন পশ্চাতে তাহার ।  
 গিরি-তরঙ্গিণী-কূলে বসিয়া বিষাদে  
 লাগিলা কাঁদিতে রাগী, সরষুপুলিনে  
 রাখবে পাঠায়ে বনে কৌশল্যা যেমতি ।

ইতি শ্রীঅদৃষ্টবিজয়ে কাব্যে মহাপ্রস্থানো নাম প্রথমঃ সর্গঃ

## দ্বিতীয় সর্গ ।

শিশু আমি দুগ্ধপোষ্য !—দেখিবে সংসার  
শিশুর বিক্রম বল ; প্রতিজ্ঞা আমার  
অতল জলধি-তল, পাতাল অতল  
স্বর্গ মর্ত্য একে একে ভ্রমিয়া সকল  
দেখিব কোথায় পিতা রাজকুল-নিধি ;  
পারিব প্রতিজ্ঞা মম পূরাইতে যদি,  
আসিব তবেত ফিরি পুনঃ নিজস্থান  
পূজিব মায়ের পদ করি পুষ্প দান  
ভক্তি সহকারে । আমি দীন অকিঞ্চন  
পিতারে কোথায় লয়ে করিব গমন ?  
যে জন বসিয়া রত্ন-রাজসিংহাসনে  
উজ্জ্বল করিয়া বিশ্ব হিরণ্য কিরণে  
পালিতেন প্রজাগণে ; ক্রভঞ্জে যাহার  
কাঁপিত নৃপতিবর্গ ; রত্ন অলঙ্কার  
দিয়া যারা তুষিবারে ধরাধীপ-মন  
ঝুকুট উন্মোচি ভয়ে পূজিত চরণ ;—  
উন্নত হিমাদ্রি-শিরঃ লুষ্ঠিত ভূতলে,  
দেখে তারা উপহাস হাসিবে সকলে ;—  
দোৰ্দ্দণ্ড প্রতাপ স্বীকার করে দরশন .

সম্বন্ধিত বৈজয়ন্তে বৃত্তনিস্কদন ;  
 সে রাজর্ষি বনবাসী পুত্রসনে আজ,  
 হাসিবে দেখিয়া ষত অমর-সমাজ ;  
 এ ব্যথা বাজিবে হৃদে ভুজঙ্গ-দংশন,  
 তাহতে সহস্রগুণে মঙ্গল মরণ ।

শিশু আমি দুঃখপোষ্য অবোধ অজ্ঞান,  
 অসার অন্তরে বোধ মান অপমান  
 নাহি মম, শুধুমাত্র ক্ষুধায় কাতর !—  
 বদ্ধ মহামায়া-জালে জ্ঞানহীন নর,  
 বুঝে না বুঝিয়া, কিংবা বুঝিতে না চায়  
 কেন যে কাঁদিল শিশু, হাসির ছটায়  
 কেন বা মুহূর্ত্ত পরে বদন-কমল  
 হাসান্নে মায়ের মন করে চল চল !  
 অবোধ শিশুর মন-ভাবের ভাঙারে  
 ক্ষণলুপ্ত ক্ষণোপ্তিত বিচিত্র আকারে,—  
 ক্ষণপ্রভা-প্রভা কত জলদ মাঝারে  
 ভাবের তরঙ্গ কিংবা কে বুঝিতে পারে ?  
 বলুক চপল লোকে, লঙ্কর ভীষণ,  
 বিশ্বের নিগূঢ় হার করি উদ্ঘাটন  
 পাপপুণ্য, ধর্ম্মাধর্ম্ম, অমর অমর,  
 কি নিয়মে বদ্ধ হয়ে চলে চরাচর ;  
 অন্তরীক্ষে স্থিত সূর্য্য, নক্ষত্রমণ্ডল ;  
 গ্রহ, উপগ্রহ, সিন্ধু, ইন্দু, ধরাতল,

কি স্ত্রে দেখিব বাঁধা ; পরস্পর মাঝে  
 স্বচক্ষে দেখিব আর কি ভাব বিরাজে ।  
 দেখিব নিশ্চল কেবা ; কেবা বেরি কার  
 অনন্ত বিজ্ঞানমার্গে কত দ্রুত ধায় ।  
 দেখিব বিধির বিধি স্রবিধি কেমন ;  
 কিরূপে জীবের স্রষ্টি বর্দ্ধন পতন ;  
 কি কাজে কি ফল ফলে কি দ্রব্যে কি গুণ ;  
 পাপপুণ্য ধর্ম্মাধর্ম্ম ; কিসে বা বিগুণ  
 হয় গ্রহ, ভাগ্য কিবা মানবের প্রতি ;  
 দেখিব মৃত্যুর পর কোথা কার গতি ;  
 কোন্ মায়াজালে মুগ্ধ হইবে জীবগণ,  
 করিছে সতত নিত্য আপন আপন ।  
 থাকুন যথায় পিতা — যদ্যপি জীবিত  
 থাকেন জগতে তিনি, না হয় উচিত  
 বনবাসীবেশে তাঁর নিকটে গমন ;  
 থাকুন যে ভাবে তিনি আছেন এখন  
 ত্রিদিবে, পাতালে, মর্ত্যে । আমারে দেখিয়া  
 স্রুধিবেন যবে ‘সব অরাতি নাশিয়া  
 নির্দয় দেবের দর্শ-সাগর গভীর  
 অস্থন করিয়া কিরে পুত্র মহাবীর,—  
 বিযুৎসঃ-পুত্র তুমি জানায়ে জুবনে,—  
 আসিয়াছ প্রাণাধিক ! পিতৃ-অবেষণে ?’  
 কি উত্তর দিব আমি ? কোন্ মুখে তাঁর

বলিব 'রাজেন্দ্র ! বুখা গঞ্জনা আমায় !  
 বলিব প্রসূতি সহ আমি বনবাসী,  
 চল পিতা, মম সঙ্গে হইবে সন্ন্যাসী !'  
 জন্ম মম কোন্ কুলে ? যদ্যপি পিতারে  
 কখন বসাতে পারি রত্ন অলঙ্কারে  
 সাজায়ে মস্তক মণি মুকুট উজ্জ্বল  
 রাজ-রত্নসিংহাসনে ; প্রকাশিয়া বল  
 দেখায়ে জনম মম ঔরসে কাহার,  
 কার স্তনদুগ্ধে দেহ বর্দ্ধিত আমার ;  
 কেবা আমি এই শিশু ; পিতৃস্বৰ্গে  
 তবেত যাইব । প্রাণপণে দেবগণে  
 আরাধিয়া, — যাগযজ্ঞ করি নিরবধি  
 অপূৰ্ণ বিধির লিপি ! রসাতলে যদি  
 নিতান্ত জীবের গতি ; করি প্রাণ পণ  
 নিশ্চল পবিত্র চিত্তে সে দেব চরণ  
 পূজিয়া দেখিব আমি ; সমাধি সাধিব !  
 স্বহস্তে মস্তক কাটি উপহার দিব  
 ইষ্টদেব-পাদপদ্মে ; যে ভাবে ভবেশ  
 মগ্ন হয়ে ভাবিতেন পূর্ণ পরমেশ ।  
 নাথিলা প্রাচীন কালে যে প্রভাববলে  
 অত্যাশ্চর্য্য কাণ্ড কত আসি ধরাতলে  
 মহর্ষি রাজর্ষিগণ ; সে তেজ বিক্রম  
 লভিলা যে তপোবলে, এ প্রতিজ্ঞা মম

তাহতে সহস্রশৃংগ কঠোর করিব,  
 অদ্ভুত সাধনে মন্ত্র অদ্ভুত শিখিব ।  
 সুরাসুর পশু পক্ষী গন্ধর্ব্ব কিম্বর,  
 দেখিব হুকুমে হয়ে হাজির সত্ত্বর  
 করে কি না ভৃত্যবেশে আরতি পালন ;—  
 দেখিব কিসের বশ হয় দেবগণ ।  
 যে দেবে পূজিয়া মম পতন পিতার,  
 দেখিব সে দেবে আমি পূজি একবার,—  
 করে ধরি সৰ্ব্বতনে পিতারে আমার,  
 দেখিব তারাই কি না উঠায় আবার !  
 যদ্যপি ঈশ্বর থাকে, থাকে দেবগণ ;  
 পাপপুণ্য ধর্ম্মাধর্ম্ম নিশার স্বপন  
 না হয় যদ্যপি ; ধার্ম্মিকের পুরস্কার  
 যদ্যপি পাপীর প্রতি থাকে দণ্ড ভার ;  
 যথার্থ যদ্যপি জন্ম ব্রাহ্মণ গুরসে  
 হয় মম ; কুলরবি বিন্দু অপযশে,  
 কলঙ্কিত নহে যদি ; তপ জপ আদি  
 যদি সত্য হয় বেদ সাধন সমাধি ;—  
 দেখাব ব্রাহ্মণ্য তেজঃ, দেবাসুর নরে ;  
 দেখিব সে তেজঃ দর্প কেবা সহ্যকরে ।

শিশু বলে কি বলিয়া করি সম্বোধন ?  
 কে দেখেছ কোন কালে বালক এমন ?  
 উত্তাল তরঙ্গ সঙ্গে করি আন্দোলিত

গভীর হৃদয়-সিন্ধু, হল সমুখিত  
 অবোধ কুমার মনে চিন্তা ভয়ঙ্কর !  
 অগ্ন্যুৎপাত পূর্ব্বে যথা গভীর গহ্বর  
 ঘূর্ণিত চূর্ণিত দন্ধ অন্দোলিত হয়, —  
 সেরূপ ভীষণ ভাব ধরিল হৃদয় !  
 কিন্তু সে চিত্তের বেগ নিবারিয়া ক্ষণে,  
 চলিলা নৃপতি পুত্র আপনার মনে  
 যে দিকে চলিল নেত্র, গতি অবিরাম ;  
 আহার আত্মিক স্নান বিশ্রাম বিরাম,  
 সকলি চরণে দলি । বিস্মিত সংসার  
 শিশুর প্রতিক্রিয়া দেখি । অটবী কাস্তার  
 গিরি নদ নদী গ্রাম মরুভূ প্রান্তর  
 চলিলা পশ্চাতে করি ; কি ভাবে অন্তর  
 শিশুই কেবল জানে নিমগন তার ।  
 সাত দিন সাত রাত্রি একরূপে কুমার  
 এক চিন্তা ধ্যানে ধরি করিয়া ভ্রমণ  
 দেখিলা পর্ব্বত এক ভীষণ-দর্শন ;  
 জড়িত স্তব্ধ করে শিখরনিকর  
 অনন্ত অস্বরভেদি শোভিছে সুন্দর ।  
 শত্ৰু-জটাজূট হ'তে প্রবলতরঙ্গ  
 তারিতে পতিত জীবে যেইমত গঙ্গা,  
 গভীর নির্বোধে ঘোর মাথায়ে মধুর  
 আছাড়ি পায়াণে পড়ি মোহি তিন পুর

ছুটিছে তটিনী ; কোথা ভূতলে নুঠিয়া  
 সেই মত্ত তরঙ্গিণী সে সাজ তাজিয়া  
 যৌবন-তরঙ্গে ভরা সোণার শরীর,  
 কলনাদে ঢলে মাখি স্ন-ছবি রবির ।  
 নিরন্তর মনোহর ঝর ঝর ঝরে,  
 রসায়ে ঋষির মন নির্ঝর-নিকরে,  
 মাজাতে গিরির অঙ্গ কোন স্থানে কিবা  
 ঢালিছে মুকুতা-রাশি । অনুপম বিভা  
 বিবিধ প্রসূর, গনি, কৌস্তুভ প্রভৃতি,—  
 খচিত বসন্ত-মুখ বসন্তে যেমতি—  
 শোভিছে জলিছে চারু হৈমাচল গায়  
 দিবানিশি । বসি ডালে ভুবন ভূলায়  
 ডাকিয়া সুস্বরে—ফিঙা দোয়েল পাখীয়া ;  
 মনোপ্রিয় বনপ্রিয় ; গ্রহনে বসিয়া  
 গুঞ্জরিছে অলি । হেলিছে ছলিছে  
 মঞ্জরিত তরুলতা ; সৌরভ চলিছে  
 মারুত হিল্লোলে মন্দ ; নাচিছে শিখিনী  
 শিখী সহ । কেলীসরঃ,—কৌতুক-রঙ্গিণী  
 অঙ্গুরী কিন্নরী পরী সুর-বিদ্যাধরী  
 অনন্ত-যৌবনা, গীনস্তনী বিশ্বাধরী,  
 পদ্মবনে পদ্মসমা কেলিছে কোথায়  
 উলাঙ্গিনী ! কোন স্থানে কিবা শোভা পায়—  
 কৈলাসে অলকাপুরি, কিংবা চৈত্ররথ,—



## অদৃষ্ট-বিজয় ।

সুনির্মল তপোবন—জীব মোক্ষপথ ;  
প্রসন্ন গম্ভীর মূর্তি, জটাজূট-ভার-  
শোভিত মস্তক, শ্বেত ঋশ্যরাজি আর  
ঢাকি বক্ষঃস্থল নাভি করিছে চুশ্বন,  
কণ্ঠে অক্ষমালা, মরি, অজিন পিঙ্কন ;  
মুদ্রিত নয়ন পর্ণ-কুটারের মাঝ,  
যোগাসনে বসি যোগে মগ্ন যোগিরাজ ;  
জগত-মঙ্গল-চিন্তা কেহ বা মগন ;  
কেহ রত বেদপাঠে ! এ দিকে ভীষণ  
একান্তে ধূতল ঘোর অদ্রি-ঈশোদরে  
বেষ্টিত তস্করপতি দস্যু-অনুচরে  
উন্মত্ত বিতর্কে ; শত শত সেনা সঙ্গে  
পদব্রজে গজে রথে আরোহি তুরঙ্গে,  
নিরত রাজেন্দ্র কোথা মৃগয়া বিহারে  
ঘন ঘোর ছছকারে আকুলি কাস্তারে ।  
অরণ্যে অচলে বাধি সে নাদ ঝঙ্কার,  
উঠিতেছে ব্যোমমার্গে প্রতিধ্বনি ভার ।

উঠিলা পর্বতশৃঙ্গে অনিবার্য গতি ।  
ভ্রমিতে ভ্রমিতে তথা দেখিলা স্মৃতি  
অদূরে নির্ঝরপার্শ্বে পর্ণ-নিকেতন ;  
চলিলা সে দিকে রাজ-রাজেন্দ্র-নন্দন ।  
দেখিলা কুটারমধ্যে নীরব গম্ভীর  
প্রসন্ন যোগেন্দ্রমূর্তি ; সুন্দর শরীর

ভূষিত বিভূতি-রাশি, শিরে জটাভার ;  
 মুদ্রিত নয়ন-পদ্ম ; পরশিছে তাঁর  
 শ্বেত শ্মশ্রু-রাশি নাভি ; বক্ষের উপর  
 রাখি কর কর পরে তাপস-প্রবর,  
 নিশ্বাস প্রশ্বাস রোধি, তপ-নিমগন,  
 যোগাচল-শৃঙ্গে যথা যোগী ত্রিলোচন ।  
 ভেদিয়া সে ভস্মরাশি উঠিছে ফুটিয়া,  
 নিবিড় নীরদদল বিদীর্ণ করিয়া  
 হাসে যথা সৌদামিনী, তেজঃপুঞ্জ কিবা !  
 হাসিছে হাসায়ে বিশ্ব সে অপূৰ্ণ বিভা ।  
 সভয়ে—বিস্মিতচিত্ত দেখি সে মূরতি  
 রহিলা দাঁড়ায়ে দূরে শিশু মহামতি ।  
 অসম্ভব মানবে সে প্রভাবসম্ভব ;  
 ভাবিয়া নিশ্চল নেত্রে দেখিলা নীরব  
 ক্ষণকাল ; কার সাধ্য করিয়া সাহস  
 সহসা উদয় হয় সম্মুখে তাপস ?  
 ক্ষুদ্র কর হুটী ঘোড় করি অতঃপর,  
 ধীরে ধীরে শিশু অগ্ন হসে অগ্রসর,  
 প্রণমিলা যোগিপদে গলবস্ত্র হসে  
 ভক্তিভাবে ; আশা তয় বাসনানিচয়ে  
 হৃদয়ে জড়ায়ে কত জগৎ রচিল !—  
 শিশুর মনের ভাব শিশুই বুঝিল ।  
 রাখি সে যোগীরে শিশু ভ্রমি চারিধার,

আহরি সুস্বাদু ফল বিবিধ প্রকার,  
 ঋষির সম্মুখে আসি রাখিয়া যতনে  
 করি কৃতাজলি বলী সজল নয়নে  
 গললগ্নবাসে পাশে দাঁড়ায়ে রহিলা  
 স্থির ভাবে । ক্রমে অস্ত্রে তপন চলিলা ;  
 গোধূলী আসিয়া বার্তা দিল যামিনীর ;  
 ভাঙ্গিল না তবু যোগ যোগীর গভীর ।  
 অকালে সন্ধ্যা সতী মন্দে মন্দে আসি,  
 প্রদোষ-সুগন্ধবহে মহানন্দে ভাসি,  
 রজনী-রাণীর মন তুষিতে প্রয়াসী,  
 লাগিলা নিকুঞ্জবন রত্ন আভরণে  
 সাজাতে সরলা বাল্য পরম যতনে ।  
 নীল চন্দ্রাতপ তলে, যেমতি ঝালরে  
 মানিক প্রবাল মুক্তা, তারকানিকরে  
 ঝলমল ঝলে কিবা ঝলিতে লাগিল ;  
 ভূতলে ভূধর অঙ্গে জলিয়া উঠিল  
 চন্দ্রকান্ত নীলকান্ত ব্রজকান্ত মণি ;  
 রতনসমুদ্রা বিভা শোভিল ধরণী ।  
 লতায় লতায় কত কুসুম ফুটিল ;  
 গুঞ্জরি ভ্রমরপুঞ্জ আসিয়া জুটিল ।  
 মন্দ মন্দ গন্ধবহ লতায় পাতায়  
 নাচাইয়া দোলাইয়া বিটপীশাখায় ;  
 হেলায়ে কুসুমদলে নাচায়ে হাসায়ে,

বহে ধীরে বনুধরা আনন্দে ভায়ে  
 ছড়ায়ে পিষু বধারা ; গগনে উদ্ভিল  
 শোভিত নক্ষত্রপুঞ্জ, অমৃত ঝরিল  
 পূর্ণিমার পূর্ণশশী ; শোভি হৃদজল  
 হাসিয়া নাচিয়া হল কুমুদী পাগল !  
 শ্যামাঙ্গিনী বিভাবরী পৃষ্ঠেতে দোলায়ে  
 নিবিড় কবরীভার ভুবন ভোলায়ে  
 সুরভি সৌরভে মাজি শরীর কমল,  
 মৃগমদে মত্ত মন ভাবে ঢল ঢল,  
 পরিয়া কৌমুদীবাস, গুঞ্জমালা গলে,  
 অমূল কুণ্ডল দোলে শ্রবণযুগলে,  
 উরসে হাসিছে ভাল ছলিতেছে হার,  
 সজল জলদ কোলে বিজলী বিহার !  
 পরা পরিপাটী সাটী নীলাম্বরী নাম,  
 পুষ্পগুচ্ছে কুঞ্জ তোলা মঞ্জু অভিরাম  
 নিবিড় নিতম্ব বিশ্বে দোলে বিশ্বদাম ।  
 হাসিতে হাসিতে ধনী গজেন্দ্র গমনে  
 উত্তরিল আশি ধরা-কেলি-কুঞ্জবনে ।  
 মায়াবতী সহচরী—দেবী মহামায়া  
 খুলি কৃষ্ণ পক্ষপুট বিস্তারিলা ছায়া ।

এখনো যোগীন্দ্র মগ্ন যোগেতে তেমতি ;  
 করষোড়ে দাঁড়াইয়া এখনো স্মৃতি  
 সেই ভাবে ভক্তিভাবে ; ক্ষোদিত প্রস্তরে

প্রতিজ্ঞা সঙ্কল্প পণ,—দেখিয়া অন্তরে  
 ওজস্বিতা মনস্বিতা গৌরব গরিমা,  
 অনুভব হয় মহাতেজের প্রতিমা  
 তাপস সন্মুখে কেবা করেছে স্থাপন ।—  
 এ নহে সামান্য শিশু,—করিলা যাপন  
 জাগিয়া যামিনী । ক্রমে ক্রমে পূর্ব ভাগে  
 মধুর লাবণ্যময়ী উষা অনুরাগে  
 সাজি ফুলময় সাজে দিলা দরশন,  
 মুহূ হাসি বিস্বাধরে । করিলা গমন  
 স্বস্থানে চক্রমা দেখি নিশা অবসান ।  
 চতুর্দিকে পাখিকুল আরন্তিল গান ;  
 সুস্বর লহরী কুঞ্জে উথলি উঠিল ।  
 রক্তরাগে পূর্বভাগে রবি দ্বেখা দিল ।  
 সে রবির ছবিছটা জগতে পড়িয়া  
 বিমোহিল লোকমন । নয়ন মুদিয়া  
 এখনো যোগেতে মগ্ন যোগী মহাজ্ঞানী ;  
 এখনো দাঁড়ায়ে শিশু বুড়ি পুটপাণি ।  
 দিন যায় রাত্রি আসে রাত্রি যায় দিন ;  
 অতীত সপ্তাহ পক্ষ ; শিশু দীন হীন  
 ভাবিবে যোগীর যোগ মনে ধ্যান করি  
 যোগী সঙ্গে অনাহারে কৃতাজ্জলি করি  
 অদ্যাপি দাঁড়ায়ে চিত্র-পুত্তলিকা প্রায় ।  
 রুঠিন শিশুর পণ, যদি প্রাণ যায়

সেও শ্রেয়ঃ ; যোগিবর কত দিন আর  
দেখিবে নয়ন যুগে থাকে অনাহার ।

ধরিয়া উজ্জ্বল অগ্নি-মূর্ত্তি মনোহর  
নীল নভস্তল প্রাপ্ত সিন্দূরে সুন্দর  
রঞ্জিত করিয়া রবি অন্তগত প্রায়  
একদা যখন ; পড়ি পাতায় পাতায়  
পাদপ-শিখরে উচ্চ, সে ছরি বিমল  
কনক-কিরীট-নিভ করি ঝলমল  
যখন শোভিতেছিল ; বৈতালিক তানে  
হেমাঙ্গ বিহঙ্গগণ আনন্দিত প্রাণে  
যখন গাহিতেছিল সুললিত গান,  
সে স্নিগ্ধ সময়ে ধীরে তাপস ধীমান  
মেলিলা নয়ন-পদ্ম ; নয়ন মেলিয়া  
দেখিলা বালক এক আছে দাঁড়াইয়া  
কুতাজলিপুটে, পত্রপাত্রে সুসজ্জিত  
বিবিধ সুস্বাদু ফল । ভূতলে পতিত  
হইয়া বিনীত ভাবে ভূপতি-কুমার  
প্রণমিলা পাদপদ্মে সম্মুখে তাঁহার ।  
নীরবে দেখিলা ঋষি তুলিয়া নয়ন ;  
খেলিল চপলারিজা কি জানি যেমন  
সহসা সে ভস্মমাখা বদনমণ্ডলে ।  
নীরবে নামায়ে পুনঃ নয়ন-যুগলে  
রহিলা ভূতলে চাহি । তিমিরবরণা .

নিশি ক্রমে আসি বিস্তারিল। স্নলোচনা  
আধিপত্য আপনার বিশাল ভুবনে ।  
সমুদিত শশধর হইল। গগনে ।

“চাহি শূন্যে সূক্ষ্মে কহিলা যোগিবর  
যে মন্ত্রে গ্রহাদি বশ অসুর অমর ;  
যে বিদ্যাপ্রভাবে দেখি যেন করতলে  
বিশ্বের নিগূঢ় তত্ত্ব, এ জীবমণ্ডলে ;  
যে বিদ্যাপ্রভাবে ভাবী ভূত বর্তমান  
নিরখি প্রত্যক্ষ, আজি করি অহবান  
উচ্চারি সে মন্ত্র আসি হও অধিষ্ঠান ।”  
এত কহি তপোধন অঞ্জলি পুরিয়া  
কমণ্ডলু হতে বারি গ্রহণ করিয়া  
পড়িয়া অমোঘ মন্ত্র ধীরে তিনবার  
নিষ্ক্ষেপিল। দূরে । হের হের চমৎকার  
দীপ্ত জ্যোতিঃপুঞ্জ এক গগনে প্রকাশি  
প্রগাঢ় কিরণে শশিকিরণ বিনাশি  
শোভিল অমনি ! স্থিরভাবে ক্ষণকাল  
থাকি সে আলোক-সুস্ত উজ্জ্বল বিশাল  
অলভালে লম্ববান, জলিয়া উঠিল !  
ভেদি সে লাবণ্যরাশি বাহির হইল  
সৌদামিনী সম এক সুরূপসী বাল্য,  
সর্বদাঙ্গ শোভিত চারু পারিজাত মালা ।  
সহসা আশ্রম বন সৌরভে স্বর্গীয়

আমোদিত হল ; কুহরিল বনপ্রিয়  
 নানাজাতি পাখী ; গুঞ্জরিল অলি ;  
 মধুর বাদিত্র রবে পূর্ণ বনস্থলী ।  
 সঙ্গীত-তরঙ্গ বায়ু-তরঙ্গে নাচিয়া  
 উথলিল চতুর্দিকে ; কোথায় থাকিয়া  
 কে বাজায় কেবা গায় দেখা নাহি যায় !  
 মধুর মধুর ধ্বনি মানস মজায় ।  
 সুষুম কুমুম বৃষ্টি হল আচম্বিতে ;  
 ষোড়শী রূপসী এক দেখিতে দেখিতে,  
 যৌবনতরঙ্গ অঙ্গে উথলি উঠিছে ;  
 রূপের লাবণ্য রাশি করিয়া পড়িছে ;  
 রঞ্জিত ভাস্কর-কর নিশ্চল নদীর  
 সলিল তরঙ্গ রাজী বায়ু সঙ্গে ধীর  
 এই ভাবে চলে ঠিক উছলে উছলে !  
 কি মাধুরী মোহিনীর শরীর-কমলে  
 লহরে লহরে ক্ষণ শিহরে শিহরে  
 খেলিছে ফুলিছে ! বক্ষে কত রঙ্গ ভরে,  
 অঞ্জন-নিবিড়-নীল খঞ্জন-নয়নে  
 কি অপূর্ণ ভাবভঙ্গী বারিজ-বদনে  
 অংসে গঞ্জে ভালে ! স্বর্ণখালা করে,  
 স্নুশোভিত দেবখাদ্য তাহে ধরে ধরে,  
 স্নুনির সম্মুখে আসি হৈল উপনীত !  
 বালকে নীরবে ঋষি করিয়া ইঙ্গিত ;



প্রসারিলা ক্ষুদ্র কর নরেন্দ্র-কুমার ;  
 প্রথমে তাঁহারে কিছু অংশ দিয়া তার  
 ইঙ্গিত করিলা পুনঃ করিতে ভোজন ;  
 আপনি করিলা শেষে ক্ষুধা নিবারণ ।

অদৃশ্য হইলা দেবী । মুদিয়া নয়ন  
 হইলা যোগীন্দ্র পুনঃ যোগে নিমগন ।  
 বিন্ময়ে দেখিলা শিশু বিচিত্র ব্যাপার ;  
 এ নহে সামান্য যোগী ! পূজিব ইঁহার  
 সভক্তি চন্দন পুষ্পে চরণকমল ;  
 সম্ভব, হবে না সেই সাধনা বিফল ।  
 এত ভাবি বনবাসী রাজপুত্র ধীর  
 লাগিলা অর্চিতে পদ-রাজীব যোগীর ।  
 কখন সামান্য ফলে, কভু নীরাহার,  
 উপবাসে কভু যায় দিবস তাঁহার ।  
 তুষিতে ঋষির মন যত্ন প্রাণপণে ;  
 মাসান্তে চাহেন যোগী উন্মীলি নয়নে !  
 সে দিন আশ্রমে কত অদ্ভুত ব্যাপার ;  
 বিন্মিত কুমার দেখে দৈব শক্তি তাঁর ।  
 সম্বৎসর গত হল, হল না তাঁহার  
 ঋষির সহিত কথা ; তথাপি কুমার  
 না হইল হতাশ—দেখ মানব পাগল,  
 সহিষ্ণুতা, পণ শক্তি ! অবশ্য সরল  
 ঋষির হৃদয় তাঁর দুখ দরশনে

এক দিন হবে দ্রব, ভাবি স্থির মনে  
কঠোরে কঠিন ব্রত লাগিলা সাধিতে,  
বাসনা পূরাতে পণ ; নহে বা মরিতে !  
কাদিতে সহিতে সদা যাতনা অশেষ  
সত্য যে জীবের জন্ম, জানিছু বিশেষ ।

সম্বৎসর গত হলে যোগী এক দিন  
যথাকালে উন্মীলিলা নয়ন-নলিন ।  
দেখিয়া শিশুর পণ প্রতিজ্ঞা ভীষণ,  
উপজিল দয়া চিন্তে, করায় ভোজন,  
আপনি ভোজন করি, বারেক চাহিলা  
গম্ভীরে শিশুর পানে ; সুস্বরে কহিলা  
নিরখি সুন্দররূপে আকার প্রকার ।

“ কে তুমি অবোধ শিশু ? বাসনা তোমার  
কহ কিবা ? মনুষ্যের অগম্য এ স্থান,  
পদে পদে বিষ নানা ; কিরূপে সন্ধান  
পেলে তুমি ? এ বয়সে অথবা কি ছুখে  
হয়েছ অরণ্যবাসী ? ” পূর্ণ মহামুখে  
হৃদয়-কন্দর, শিশু লোটায়ে ভূতলে  
প্রণমিলা যোগিরাজ-চরণ-কমলে ।  
আনন্দ উৎসাহে প্রাণ নাচিয়া উঠিল,  
ঝর ঝর বারি-ধারা ঝরিতে লাগিল  
নয়ন-সরোজদলে । আশার বাতাসে  
বিমল বিজলীবিভা বদনে বিকাশে ।

না কহিতে কথা শিশু, কহিলা তাপস  
 “ হবে না বলিতে, তব মনের মানস  
 বুঝিরাছি আমি ! একি তব হুঃসাহস !  
 কিঞ্চিৎ নাহিক ভয়—কিসের বয়স,—  
 এমনি প্রতিজ্ঞা কি বা , এখনি তোমার  
 একুপ ঔদ্ধত্য যদি, সময়ে আবার  
 কি করিবে ভেবে ভয়ে হল প্রাণাকুল !  
 নির্ঝরিণী-স্নিগ্ধ-বারি বন ফল মূল  
 যোগীর ভরসা ;—ফিরে যাও নিজস্থান,—  
 তাহে কিসে রবে শিশু বল তব প্রাণ ? ”

“ দয়াময় ” ভক্তিভাবে কাদিতে কাদিতে  
 আধ আধ স্বরে শিশু লাগিলা কহিতে ;  
 “ দীন হীন আমি পিতঃ ! সম্পদ সহায় ;  
 করেছে দারুণ বিধি অভাগা আমার !  
 জননীর গর্ভে যবে জীবের সঞ্চার,  
 অস্থখের সূত্রপাত সে দিন আমার,  
 দশমাস দশদিন জঠরে থাকিয়া  
 সহেছি অশেষ ক্লেশ ; ভূমিষ্ঠ হইয়া  
 পেতেছি, করুণাময় ! ক্লেশ নিরবধি ।  
 দাসের হুঃখের, দেব ! নাহিক অবধি ।  
 শরীরের যাতনায় কি যাতনা হয়,  
 প্রজ্বলিত দাবানলে পুড়িছে হৃদয় !  
 শিশু বলে না করেন যদি উপহাস,

চরণে মনের দ্বাখা করিব প্রকাশ ।  
 অন্তর অন্তর মাঝে নিগূঢ় নিলয়ে  
 যথা পদ্মাসনে আত্মা, ভূজঙ্গ নিচয়ে  
 তীব্র বিষদন্ত দ্বারা তথায় বনিয়া  
 দংশিছে সতত কত বিষ উগরিয়া !  
 জেনেছি এখন, পিতঃ ! বিধাতা পাষণ  
 মৃত্তিকা ফেলিয়া দূরে—তুচ্ছ উপদান,  
 আশীবিষ-বিষরাশি, দন্ধ হতাশন,  
 যাতনা, হতাশা, ক্লেশ, করি আহরণ  
 একত্র মিশ্রিত করি নরক, শ্মশান,  
 এ বপু কঠিন মম করিলা নির্মাণ !  
 মম জন্ম পূর্বে মম নিবাস কান্তারে,  
 বাড়িয়াছে এই দেহ ফলমূলাহারে ;  
 এই উপাদান, দেব ! দেহের যাহার  
 আহার বিশ্রাম নিদ্রা অভাবে তাহার  
 ক্লেশ সম্ভাবনা কোথা ? দেখেছি তাহার  
 দৈবযোগে যদি দিন উপবাসে যায়,  
 হয় না কিঞ্চিৎ, পিতঃ ! ক্লেশ অন্তর !  
 বরঞ্চ অসুখ-মূল সম্পদ বিভব ।  
 প্রবল ঋটিকাঘাতে হলে সম্ভাড়িত  
 গভীর অর্ণব, পিতঃ ! ক্ষীত তরঙ্গিত  
 তরল অনল দল, তরঙ্গ প্রবল  
 উঠিছে পড়িছে গজ্জি' ঘুরিছে কেবল ।

এ হৃদয়ে যে ভীষণ ভাবে অনিবার,   
 হয় কি ভীষণ তত সিদ্ধুর আকার ?   
 অন্তর্যামী জ্ঞানী তুমি, কি বলিব আর   
 বিতরি করুণা দাসে কর দেব ! পার ।   
 করেছি প্রতিজ্ঞা তাহা হবে না লঙ্ঘন,—   
 মরিয়া অর্পিব দেহে নূতন জীবন ।”

নিস্তব্ধ বিশ্বয়ে ঋষি করিয়া শ্রবণ   
 শিশুর বদনে এই বেদের বচন !   
 নীরবে রহিলা বসি ; ভুবন উজলি   
 অথচ খেলিল মৃদু হাসির বিজলী   
 গম্ভীর আননে ! উত্তরিলা অতঃপর,—   
 “ শিশু তুমি তাই এত হয়েছে কাতর ।   
 অল্পেতে অধিক বোধ শিশুর শরীরে ;—   
 তাই বলি উপদেশ গুন তুমি ধীরে ;   
 উদ্যত করিতে কেন অসাধ্য সাধন ?   
 হয় নাই, হইবার নহে যা কখন,   
 সে কার্য সাধিতে কেন বৃথা অভিলাষ ?   
 শান্ত হও, ধৈর্য্য ধর, ত্যজি এ প্রয়াস   
 ফিরে যাও নিকেতনে ; আপনি তনয়,   
 জুড়াবে মনের জালা, আসিলে সময় ।”

নীরবিলা যোগিরাজ ; একি সর্বনাশ !   
 বদনে ললাটে নেত্রে হইল প্রকাশ   
 প্রদীপ্ত দামিনী শত ছটা অকস্মাৎ ।

কহিলা অবোধ শিশু অশনি-সম্পাত :—

“ শিশু আমি সত্য, দেব ! শিশু বলে আজ  
করিলে দাসেরে স্বগা তুমি যোগিরাজ !

ভবাদৃশ ঋষিমুখে—হে ঋষি অজ্ঞান,

আজো অন্ধতমাচ্ছন্ন, পাইনু প্রমাণ,

তব জ্ঞান-চক্ষু,—আজ করিয়া শ্রবণ

প্রতিজ্ঞার পদতল নহে এ ভুবন,

হইনু ব্যথিত অতি ; বৃথাই যাপিলে

বিপিনে জীবন যোগি ! কি ফল লভিলে !

তুমি না যদ্যপি যোগে পার তপোধন,

দেখিবে অসাধ্য শিশু করিবে সাধন !—

যাহোক্ তা হোক্ পিতঃ ! করিব দর্শন—”

উঠিল অদূরে ঘোর গভীর গজ্জর্ন

এমন সময়ে ; কাঁপাইল মূনি মন ;

“ যাহোক্ তাহোক্ পিতঃ ! ” রাজেন্দ্র-নন্দন

অবিচল-চিত্তে কিন্তু লাগিলা কহিতে—

“ কি মন্ত্র সাধিলে হব সক্ষম দলিতে

বাসবের অহঙ্কার—” উঠিল আবার

গভীর গভীর শব্দ, কাঁপিল কাস্তার ;

কিছুতেই গ্রাহ্য নাই, ভূপতি-তনয়

কহিলা “ সে মন্ত্র শিক্ষা দেহ মহর্ষয় । ”

শত বজ্রপাত তুল্য আবার নিনাদ ;

সভয়ে পলাবে ঋষি গণিয়া প্রমাদ ;—

ক্ষুধার্ত কেশরী এক মহালক্ষ্ম মারি,  
 সম্মুখেতে উপস্থিত আবার চীৎকারি ;  
 ব্যাদানি বিকট মুখ প্রকাশি দশন,  
 বাহিরিতে আসিতেছে জলন্ত লোচন ।  
 নীরবে ভূপতিপুত্র নির্ভয় অন্তর  
 আক্রমিলা পঞ্চবক্ত্রে, বাধিল সমর ।  
 বিপুল বিক্রমে হরি নখর-প্রহারে  
 বিদীর্ণ করিল অঙ্গ; শতশত ধারে  
 সর্বক্ষেপে শোণিতস্রোত স্রোতস্বিনী বয় !  
 ক্রক্ষেপ কিছুতে নাই, নরেন্দ্রতনয়  
 আকর্ষি পারীজপদ মারিলা আছাড়,  
 ভাঙ্গিল মস্তক, স্কন্ধ ; চূর্ণ হল হাড় !  
 বিস্ময়ে দেখিলা যোগী দূরেতে থাকিয়া  
 বালকের পরাক্রম ; আদরে ডাকিয়া  
 বুলাইলা পদ্মহস্ত শরীরে তাঁহার ;  
 লুকাল দশন-ক্ষত, নখর-প্রহার !  
 “ ধন্য তুই, ধন্য তোঁর জননী জনক,  
 অসাধ্য সাধিতে তুই পারিবি বালক । ”  
 বলিয়া সুপক্ক ফল আনি তপোধন  
 কঙ্কীদেব করে দিলা করিতে ভক্ষণ ।  
 আনন্দে প্রণমি শিশু সে ফল থাইল ;—  
 কি গুণ সে ফল ধরে সেই সে জানিল ।  
 কিছু না বলিয়া আর ধীর তপোধন,

রমিলা যোগেতে পুনঃ মুদিয়া নয়ন ।  
 এই ভাবে মাস কত, স্নহসর গত,  
 আর কোন কথা নাই । কুমার সতত  
 না হয়ে হতাশ, পণ করিয়া জীবন  
 লাগিলা পূজিতে যত্নে ঋষির চরণ ।  
 এই ভাবে কত কাল হইলে অতীত,  
 কঠিন ঋষির মন হল দ্রবীভূত ।  
 বুঝাইলা বিধিমতে সে বিজন বন  
 পরিহরি মাতৃপাশে করিতে গমন ।  
 বুঝায় নিষেধ আর বুঝা অনুরোধ,—  
 বুঝে কি বুঝালে কভু বালক অবোধ ?  
 দয়া উপজিল মনে, আশ্রমে রাখিয়া  
 তন্ত্র মন্ত্র, যোগ যাগ, সদয় হইয়া  
 লাগিলা শিখাতে । গুরুপদে রাখি মন  
 লাগিলা শিখিতে স্মৃতে ভূপতি-নন্দন ।  
 এইরূপে তন্ত্র-মন্ত্র-মর্শ সংগ্রহিয়া  
 দূর শৃঙ্গে গিয়া পর্ণ কুটার রচিয়া  
 ( গুরু অভিপ্রায় মত ) ভুলি ভোগাভোগ  
 এক ধ্যানে এক মনে আরন্তিলা যোগ ।  
 ইতি শ্রীঅদৃষ্ট-বিজয়ে কাব্যে যোগারম্ভো নাম  
 দ্বিতীয়ঃ সর্গঃ ।



## তৃতীয় সর্গ ।

দ্বিজবংশ-অবতংস বেদ-পরায়ণ—

বেদব্রত বিষ্ণুযশঃ রাজকুলমণি

সাক্ষাৎ ব্রাহ্মণ্য তেজঃ গাভীর্য্য গরিমা

দয়া ধর্ম্ম মূর্ত্তিমান—ধীমান শ্রীমান—

কে জানিত হবে তাঁর এক্রুপে পতন ?

যৌবনে যুবতী সতী পতিহীন যথা

ত্রীভ্রষ্ট সম্বল রাজ্য ! শুষ্ক সরোবরে

না খেলে সরোজদলে সারস মরাল !

অদৃশ্য থাকিয়া সদা বেষ্টিয়া নগর

কভু ভ্রমি শূন্যপরে, ইন্দীরা সুন্দরী

রাজকুল-কমলিনী কাঁদেন সতত

বদ্ধ মহামারাজ্যালে । দেখেছিল তাঁরে

কত লোক কত দিন ভোগবতীতীরে,

পুণ্যবতী নদী, বসি শশিমুখী ভাসি

শোক-সিন্ধুজলে তটিনীর ধ্বনি সহ

মিশায়ে বিলাপ-ধ্বনি গঞ্জিতে বিধিরে !

এইরূপে মনোহুঃখে কাঁদি কত কাল

সরোজাক্ষী রাজলক্ষ্মী যাপন করিয়া

নূনশিমঙ্গলহেতু হইলা চিন্তিত ।

“ কত কাল এইরূপে ” বলিতে লাগিল  
 “ কাদিব এমনে, হায় ! বিপক্ষ সকলে  
 মহীপালে ; মনোরাধা কারে জানাইব ?  
 ভক্তি সহকারে সদা রিস্তর বতনে  
 করেছেন নৃপমণি মম উপাসনা ;—  
 স্বক্কে আমি কারাগারে ! কেমনে শৃঙ্খল—  
 প্রহরী সতত ধর্ম—দেখি কোন্ দোষ,  
 ছিঁড়ি যাই পলাইয়া ? বাই যথা পিতা,  
 না ত্যজেন তিনি যদি আশ্রয় ভাবিয়া,  
 নিবেদি তাঁহারে দুঃখ । দেবকন্যা আমি,  
 পূজনীয় দেবনরে, সমভারে সবে  
 করে মম আরাধনা ; অদৃষ্টের দোষে  
 না পাই আমারে লোক, চঞ্চলা বলিয়া  
 সতত গঞ্জনা দেয় ! করেছিলু বাস  
 সুখে না কি ইচ্ছা করি বৈজয়ন্ত ত্যজি  
 অতল পাতালে ? এ গঞ্জনা মম ভাগ্যে  
 কোন্ বিধি মতে ? দেখাইব এক বার  
 চঞ্চলা কমলা নয়, ভক্তি থাকে যদি  
 দাসীরূপে বাঁধা লক্ষ্মী থাকে নিরবধি ।  
 অবতরি জ্যোতিরূপে নিশার স্বপনে  
 দিয়াছি ইঙ্গিত রাজরাণীরে কাননে  
 উদ্ধারিব রাজবংশ ; সেই ধ্যান ধরি  
 করিতেছি কুমারের সতত কল্যাণ ।

ওজস্বিতা তেজস্বিতা স্বাধীন-চিত্ততা,  
 সাহস উৎসাহ বল উদ্যম-শীলতা  
 স্বজাতি-প্রিয়তা পণ প্রতিজ্ঞা সংকল্প  
 সরলতা সহিষ্ণুতা পরোপকারিতা  
 শৈশবে কোমল ক্ষেত্রে বীজমন্ত্র যত  
 রোপিয়াছি হৃদে তার ! সে সঙ্গে দিয়াছি  
 ভক্তি দেব প্রতি, যাগযজ্ঞে অনুরতি ।  
 পালিয়াছি পুত্ররূপে ; দেখিয়া কুমারে  
 কে কহে মানব তাহে ! হৃদয়ের বালক  
 কিন্তু তেজঃপুঞ্জ কত ; বিশাল হৃদয়  
 বন্ধ দৃঢ় প্রতিজ্ঞায়, যোগে মগ্ন শিশু !  
 হয় নাই ব্যর্থ মম মমতা যতন ।  
 ফলমূল পুষ্প অন্বেষণে বনে বনে  
 ভ্রমি, যবে কমনীয় মুখ-সরোসিজ  
 পড়িত চলিয়া, স্বেদবারি সর্ব অঙ্গে  
 হত বিগলিত, অবতরি সে বিপিনে  
 আদরে জননী-বেশে হয়ে অধিষ্ঠান  
 করাতাম স্তনপান ; জলহীন স্থলে  
 স্রজিতাম সরোবর, জুড়াতে শরীর  
 সলিল-শীকর-বাহী সমীরণ ধীর  
 সঞ্চরিত ; মম ভয়ে ছিল অনুকূল  
 নাগেন্দ্র, ভল্লুক, অহি, মৃগেন্দ্র, শাদ্দূল  
 শিশু প্রতি, দেখি তার সাহস বিক্রম

পালইত ফেররৎ ! মম হৃদ্ধবলে  
 আজি অনাহারী শিশু তুঙ্গ শৃঙ্গাচলে !  
 দেখুক—সম্ভব, সিদ্ধ হবে মনস্কাম ;  
 যোগবলে পারে যদি জাগাইতে নাম ।  
 দেখুক—যদ্যপি পারে, যোগের মহিমা,  
 যত্নের রতন ফল, দেখাতে ভূতলে ;  
 দেখুক—যদ্যপি পারে, মাটির পুতুল,  
 চেষ্টা যদি থাকে, হয় দেব সমতুল ।”

জ্যোতিশিখারূপে চারু একুপ চিস্তিয়া  
 চমকিয়া লোকত্রয় বাহিয়া বিমানে  
 চলিলা কেশব-প্রিয়া, মরাল-বাহিনী ;—  
 পিবৃষসলিলা শূন্যে সুর-তরঙ্গিনী ;  
 কাত্যারনী-হৃদে যথা ছলে মুক্তাহার ;  
 হরির উরসে, রমে ! কিংবা তব হাসি খেলা !  
 উপনীত পদ্মালয়া যথায় অর্ণব  
 উত্তাল তরঙ্গ সঙ্গে ছিলেন ঘুরিতে  
 গভীর আবর্তে । অগ্রসর হল উচ্চ  
 বীচিমালা ধরি শান্ত সহাস্য মূর্তি  
 দেবীরে দেখিয়া, তাঁর ধূয়াতে চরণ ।  
 প্রবালে খচিত বস্ত্র—মুকুতা-সোপান,  
 চলিলা সে পথে দেবী । সুবর্ণ ক্ষেউল  
 দেখিলা স্নন্দর পুরী স্ফটিক-গঠিত,  
 চারু-চারুকার্যময় । তাল মান লয়

সঙ্গীত-বাদিত্র-ধ্বনি কোকিল কুজন  
 আনন্দ রহস্যে ভাসি পুষ্প পরিমলে  
 ভ্রমিতেছে বালাব্রজ রূপের প্রতিমা ;  
 হাসিলে হেলায় গজমুক্তা-রাজি ঝরে ।  
 চঞ্চল বরুণ দেব বারুণীর সহ  
 প্রস্রবণ পাশে এক মুকুতার বনে  
 ছিলেন বসিয়া ; উপনীত ইন্দুমুখী  
 ইন্দীরা সেখানে ; আভাহীন ইন্দীবর  
 অনিন্দ্য নয়ন ; নাহি সে মধুর ভাব  
 অরবিন্দাননে ; এলায়িত কেশপাশ  
 জীর্ণ শীর্ণকায় ! ডুবি নিরানন্দ-নীরে  
 বসাইয়া নন্দিনীরে, জিজ্ঞাসিলা সিদ্ধ  
 রত্নাকর—“ কেন, বৎস ! এ বেশ তোমার ?  
 হকুল আকুল কেন, চঞ্চল কুন্তল  
 কেনবা, আনন্দময়ি ! রত্ন আভরণ  
 নাহি অঙ্গে ? কেন বক্ষঃস্থল অশ্রুণীরে  
 হতেছে প্লাবিত ? লক্ষ্মীর এ অলক্ষণ  
 সামান্য কারণে নয় সম্ভব কারণ ! ”

নীরবে পিতার বাক্যে নিশ্বাস ত্যজিয়া  
 করুণ কোমল স্বরে ইন্দীরা কহিলা ;—  
 “ কি আশ্ব কহিব, পিতঃ ? বাম আমাপ্রতি  
 বিধি, মনঃ-আশা জানি হবেনা সফল ;  
 তথাপি বুঝেনা মন—অবলার মন ।

হলনা সাহস, পিতঃ ! জানাতে তাঁহারে  
 একেবারে ; তব পাশ, তাই আসিয়াছি ;  
 পিতা তুমি, পিতঃ ! কি আর অধিক কব ?  
 জান মনোবাথা ; করি কৃপা, নিবারণ  
 কর তাহা, এই নিবেদন পদে তব ।”  
 নীরবিলা মুছি অশ্রু । হাসিয়া তখন  
 উত্তরিল। যাদঃপতি, সতত চঞ্চল  
 বারুণীর পানে চাহি—“গুনিলে তোমার  
 ছুহিতার কথা ?—ঐর্ষ্য ধর শাস্ত হও,  
 কিজন্য বিকল, বৎস ! হতেছ এমন ?  
 যাও রাণী যাও, দাও আনি কমলারে  
 স্নুখাদ্য কিঞ্চিৎ, বাছা করুক ভোজন ।  
 কুর্মসনে কুন্তীরের সমর হইবে  
 দেখিবে কৌতুক চল ; মহা মহোৎসব  
 প্রশান্ত সাগরে আজ ; মধুর গন্তীর  
 গাইবে অশনি, ভাসি সৌদামিনী ধীর  
 কালকাদম্বিনী কোলে লহরে লহরে  
 খেলিবে সে উন্মাদিনী ; জলধরদল  
 বাজাবে বাজনা ; নাচিবেন ধ্রুবপদে  
 আপনি স্নুতাকর নিদাঘ পবন ;  
 ভীমাকারে ভীমভাবে বাড়ব জলিবে  
 নক্স চক্স মীন সর্প পুড়িবে ভৈরব !—  
 ভাল কথা মনে, রাণি ! কমলারে লুয়ে

উত্তর সাগরে চল ; রাশীকৃত হস্রে  
 শোভিছে ধবলকায় তুষার অচল  
 রঞ্জিত ভাস্কর ভাতি, জুড়াইবে আঁখি  
 দেখি সে পরম শোভা !—মুরলা কোথায়  
 গেছে চলি, ডাক তারে অতি প্রয়োজন  
 আছে মম ।—দেখ দেখ ঝরিছে কেমন  
 মুক্তারাশি গুত্তিগিরি হতে ! বল বল  
 বরদা ত আছে ভাল ? সমস্ত মঙ্গল  
 গোলকের ?—অই দেখ আসিছে শৰ্ব্বরী  
 রমারে লইয়া সঙ্গে, যাও প্রাণেশ্বরী !  
 গৃহমাঝে, ক্লান্ত বাছা পথ পরিশ্রমে ।”  
 “ ক্লেশ মম পথে ” উত্তরিল বিশ্বরমে  
 “ হয় নাই পিতঃ ! ত্যজ চিন্তা সে কারণ ।  
 উৎসব দেখিতে সাধ নাহিক কিঞ্চিৎ ।  
 হুথিনী ভাবিয়া কর ছুথের সংহার,  
 এই ভিক্ষা মাগি পিতঃ ! চরণে তোমার ।”  
 কহিল প্রাচৈতা হাসি “ হাসালে কমলে ”  
 ত্রিলোক-ঈশ্বরী তুমি, এ বিশ্ব-মণ্ডলে  
 কার সাধ্য ব্যক্ত করে মহিমা তাঁহার,  
 ইচ্ছায় পালন, বৎস ! সংহার স্বজন  
 সুবিদিত বেদে যার ! অসুর অমর  
 আরাধনা ভক্তিভাবে যে পদরাজীব  
 গন্ধৰ্ব্ব কিন্নর নর করে নিরন্তর

সম্ভবে কি বৎস! কভু অশিব তাঁহারে ?  
 কেবা তব পিতা মাতা ? তবে দয়া করি  
 আমারে যে বল পিতা গোলক-ঈশ্বর !  
 দয়া সে তোমার । তবে দুঃখ প্রতিকার  
 করিব কমলে ! কহ কি শক্তি আমার ?  
 অথবা কি দুঃখ তব, বৃথা আপনারে  
 ভাবিছ অমুখী ।” এত কহি নীরবিলা  
 পাশ-হস্ত । ধীরে ধীরে ইন্দীরা কহিলা—  
 সজল কমল-আঁখি নিশ্বাস ত্যজিয়া—  
 “ জানিতাম আমি, পিতঃ ! এ মনের আশ  
 হবে না সকল ।” “ কেন ?” বরুণ কহিলা ;  
 “ কমলে ! কি জন্য তুমি ত্যজিলা নিশ্বাস ?  
 অন্য মনে ছিনু, পুন কহ অভিলাষ ;  
 কি কহিলে—তোমাপ্রতি রুষ্ট পীতবাস ?”

আশ্বাসে বিশ্বাসি শ্বাস প্রশ্বাস সম্বর  
 আরম্ভিলা মৃদুস্বরে বিশ্বের ঈশ্বরী—  
 “ কি কব তোমারে, পিতঃ ! জান তুমি সব ;  
 শঠতা করিয়া বিনা দোষে আখণ্ড  
 নৃপকুলরত্ন দ্বিজ বিষ্ণুযশঃ ধীর  
 সদা পুণ্যব্রতে রত, বিধিমতে তাঁর  
 করিলা লাঞ্ছনা ! ভক্তিপাশে পিতা তব  
 বদ্ধ এ কমলা ; তার চিন্তা চিন্তি সদা  
 আকুল অন্তর । উদ্ধারিয়া পিতৃরাজ্য .



কেমনে কুমার পুনঃ জাগাইবে নাম,  
 চঞ্চলা কমলা, এই ছন্দাম আমার  
 কিরূপে হইবে দূর, ধর্ম্মের সম্মান  
 কিরূপে থাকিবে, পিতঃ কর অবধান ।”  
 কহিলা গন্তীরে সিদ্ধ ক্ষণেক চিন্তিয়া—  
 “ শুনিহু সকলি বৎস ! জানিও সকলি ;  
 কিন্তু, বাছা, ইন্দ্র-আদি দেবতামণ্ডল  
 বিপক্ষ যাহারে, হায় কি মন শকতি  
 সাপক্ষ তাঁহার হব ? ন্যায় বা অন্যায়  
 জানি না, অর্ণব তথা যথায় বাসব ।  
 ভাগ্যের অদ্ভুত লিপি—দেবে কি মানবে  
 কভু কি সম্ভব, বৎস ! সে লিপি খণ্ডন ?  
 তাজ পরিতাপ, নিবারণ অশ্রুজল  
 কর জগদম্বে ! কাল, বৎস ! মহৌষধ,  
 হবে নিবারণ কালে তব মনোহুখ ।  
 কাঁদিও না আর বুখা, যাও গৃহে যাও ;  
 কিঞ্চিৎ আহার করি হৃদয় জুড়াও ।”  
 “ খাব না কিছুই পিতঃ ! এখানে রব না,  
 পারি যদি কভু জুড়াইতে মনজ্বালা  
 হাসিমুখে আসি পুনঃ পাছখানি তব  
 পূজিব যতনে ; জন্মশোধ নহে আজি  
 লইহু বিদায় ।” এত কহি রাজলক্ষ্মী  
 উঠিলা যাইতে ; ছনয়নে ঝর ঝর

ঝরিল সলিল-ধারা সহস্র ধারায় !  
 অকৃতজ্ঞ নরজাতি দেখে কি দেখিল  
 জগৎ-জননী লক্ষ্মী মানবের তরে  
 কাঁদি আজ পাগলিনী ! চুপ্তি বিশ্বাধর  
 করে ধরি কমলার আদরে বারুণী  
 নিন্দিত নিব্বর-ধ্বনি কোকিলের স্বর,  
 নিন্দিত বাণীর বীণা মধুর নিকণ  
 বসন্তে নিকুঞ্জে কিংবা ভ্রমর গুঞ্জর  
 কহিলা—“ কমলে ! কেন হতেছ উতলা ?  
 সাধে কি মানবে কহে চঞ্চলা তোমারে ?  
 মুছ আঁখি, শান্ত হও ।” বলিয়া অঞ্চলে  
 চঞ্চলা বরুণ-প্রিয়া নয়ন কমল  
 দিলা মুছাইয়া । “ কত জালা রমণীর  
 কে বুঝে রমণী বিনা ? অল্পেতে অস্থির  
 হে নাথ ! রমণী নয় যেমন পুরুষ !  
 পুরুষ বিস্তৃষ্ট তৃণ, না ছুঁতে দাহন  
 অমনি জলিয়া উঠে—সতত গরম  
 প্রকৃতি তাঁহার, কান্ত ! অশান্ত বিষম !  
 রমণী অবলা—কিন্তু সহিষ্ণুতা তার  
 ধরণীর পানে চাহি দেখে বিচারিয়া ;  
 শত বজ্রধায়, নাথ, বিদীর্ণ যদ্যপি  
 অবলাবালার বুক হয় নিরন্তর  
 কে পারে জানিতে ? বসি কচিৎ বিরলে

নিতান্ত অসহ্য হলে ভাসে আঁখি জলে !  
 রমণী অনল নয় ; প্রকৃতি তাহার  
 অতি ধীর অতি স্নিগ্ধ ;—আছ হে বিদিত  
 হা নাথ ! প্রণয়ী তুমি, হৃদয় জীবন  
 যখন বিষম বিষে হয় প্রজ্বলিত  
 বিমল বদন-চন্দ্র দেখিলে তাহার,  
 অমৃত পরশে যথা, ভাসে কি না প্রাণ  
 সুখের সরসে ; যত জ্বালা পরিতাপ  
 অমনি জুড়ায় কি না, কহ প্রাণেশ্বর !  
 পাবক-নির্ঝাণকারী ঔষধ রমণী ।  
 কমলা অগ্নিতে কভু, তাই, গুণমণি,  
 বলিহে তোমারে, হয় নাই বিচলিত ।  
 দেখ দেখি, প্রাণনাথ !—আমরি কিঞ্চিৎ  
 হলনা হৃদয়ে তব দয়ার সঞ্চার  
 নিরখি মলিন মুখচন্দ্রমা রমার !  
 এ নয় সামান্য কন্যা নাথ ! হে তোমার,  
 সৃষ্টির পরম শ্রেষ্ঠ — বিশ্ব-অলঙ্কার !—  
 মা বিনা মায়ের জ্বালা কেবা বুঝে আর !”  
 নীরবিলা বারীন্দ্রাণী । অর্ণব কহিলাঃ—  
 “কমলা অবোধ মেয়ে, আদরের ধন  
 জানি তা প্রেরসি ! তুষিতে তাহারে  
 করিও যতন সদা । অবোধ হইব  
 অবোধ অবলা সনে—অবলে আমার,

কোন্ ছলে ? কোন্ ছলে অথবা করিব  
 অপমান অমরের ? কি দুঃখ রমার  
 দেখিলে, দেখিয়া দুঃখ, বল একবার ।  
 বালিকা হৃদয়, প্রিয়ে ! সতত তরল—  
 জাননা লক্ষ্মীর মন চঞ্চল সতত ?  
 কমলা চঞ্চলা নামে মর্ত্যে পরিচিত ;  
 সে চঞ্চল চিতে তার কল্পনা-হিন্নোলে  
 হাঙ্গর মকর নক্স পূর্ণ চক্র দল  
 তরল তরঙ্গ কত উখিত পতিত  
 কে করে গণনা ? বুঝে কেবা মর্শ্ব তার ?  
 কল্লিত অসুখ দুখ প্রেয়সি ! রমার !  
 ব্রহ্মার পরম ব্রহ্ম বিষ্ণু ষার পতি  
 তাহার অসুখ দুখ—ক্ষান্ত হও প্রিয়ে !  
 একথা শুনিলে হই অজ্ঞান হাসিয়ে ।  
 মানিলু পুরুষ প্রিয়ে বিশুদ্ধ ইন্দ্রন  
 নারী কিন্তু সপিঃ আর অনল আহুতি ।”  
 চঞ্চল প্রবল সিদ্ধ এ কথা বলিয়া  
 মত্তানিল সঙ্গে সঙ্গে উঠিলা নাচিয়া !

বিষাদে বিরস প্রাণ বারিজবদনা  
 সজল-নয়না রমা ত্রিলোক-ঈশ্বরী  
 কহিলা “জননি ! তবে করি মা গমন  
 সাধ যদি পূরে কভু আসি পুনর্বার  
 পূজিব আসিয়া পদ, দেহ মা বিদায়

নতুবা জন্মের শোধ অভাগী রমারে ।”  
 দেখিয়া গমনোন্মুখী রমারে অর্ণব  
 কহিলা মধুর মন্ড্রে “একান্ত নির্দোষ  
 হইলে রাজেন্দ্র বংশ ! কভু কি ঘটিত  
 অশিব ঘটনা ? ধর্মহীন নহে দেব ;  
 নিন্দিও না বিনা দ্রোষে তনয়া আমারে ;  
 বিবাদী ত্রিলোক-পতি, অদৃষ্ট যাহারে  
 কে রক্ষে তাহারে ? পার যদি যাও বংশ,  
 বুঝাও জগৎপতি পতিরে তোমার ।  
 অথবা আরদ্ধ লক্ষ্মী আনয়ে যাহার  
 কিসের অভার তার ? শোকহুঃখ জরা  
 পারে কি সে গৃহে যেতে ? অথবা জানত  
 আপন রাজ্যিত বংশ ! করেছ কলিত  
 অন্তরে অন্তরে সব, চঞ্চলা কমলা  
 যুচিবে গঞ্জন। তব, ফল বাসনার—  
 অন্তর্যামী তুমি বংশ ! জানত সকল ।  
 তবে এ বিষাদ কেন ? তুষ্ট আশুতোষ  
 রাজপুত্রে, কর তুষ্ট কৃষ্ণে তুমি, হবে  
 নষ্ট হুঁষ্ট গ্রহ ; আর করিতে কল্যাণ  
 পারি ত সময়ে আমি হব অধিষ্ঠান।”  
 কিঞ্চিৎ হইয়া শান্ত অচিন্ত্য-রূপিণী  
 চলিলা চিন্ময়-চিন্তা বৈকুণ্ঠ-গামিনী ।  
 অপূর্ব আলোকপুঞ্জ উজ্জল শীতল

স্বর্গীয় সৌরভগুণ শোভিল বিমান,  
শত কোটি সৌদামিনী যেন এক স্থান ।  
ইতি শ্রীঅদৃষ্টবিজ্ঞয়ে কাব্যে রাজলক্ষ্মীনার্ম তৃতীয়ঃ সর্গঃ ।

## চতুর্থ সর্গ ।

দ্বিরদগামিনী, ধীরা সৌদামিনী-রেখা  
সুস্নিগ্ধ সুন্দর, নীল বিমানমণ্ডলে  
আনন্দিয়া ইন্দুমুখী ইন্দীরা সুন্দরী  
লাগিলা চলিতে । নীলোজ্জ্বল রত্নাকর  
মণ্ডিত লহরিমালা, সম্পূক্ত সরস  
সায়াহু ভাস্কর-ভাতি, সজ্জিত বিপুল  
অট্টালিকা সমাকীর্ণ নগর সদৃশ  
পোতাবলী, ক্রমে ক্রমে ক্ষুদ্র হৃদ প্রায়  
শোভিল সুদূরে, কিংবা ক্ষুদ্র নীল বিন্দু  
ইন্দুভালে ! প্রশান্ত-মূরতি সিদ্ধ, যথা  
মধুর মাধবে রক্ত অরবিন্দদলে  
মধুমুগ্ধ মধুকর ! হেমাভ বসুধা ; —  
সিন্দুর সুন্দর ফোঁটা সর্বানী ললাটে,  
তামসী-সর্বরী-শীথে কিংবা সুখ তারা ।  
দেখিলা ইন্দীরা ক্রমে সুদূর অস্বরে  
বেষ্টিত গ্রহাদিগণে স্থিত প্রভাকর  
জ্যোতির্ময় ; জ্যোতিরশি ছুটিছে চৌদিকে

শিখারূপে ; ঘুরিছে নিঃশব্দে গ্রহ তারা  
 বোষ্ট্র এ বিশাল কেন্দ্রে, ( মাধবে যেমতি  
 ব্রজাঙ্গনা ব্রজপুরে, ) অতি দ্রুত গতি  
 নিজ নিজ বস্ত্রে, মতিগতি পরাভবি ;  
 আর যে দেখিলা কত অনন্ত আকাশে  
 সূর্য্য কোটি কোটি, বদ্ধ মাধ্য-আকর্ষণে  
 কব তা কেমনে ? রাখি বামে সূর্য্যধামে  
 রমা, রূপে রমণীয়া রমিয়া ত্রিলোক—  
 চলিলা ; অদৃশ্য ধরা হইল ক্রমেতে ।  
 ক্রমেতে বিশাল শূন্যে খদ্যোতিকা প্রাস  
 শোভিলা মরীচিমালী ; রহিল দক্ষিণে  
 যক্ষপুরী, রক্ষরাজ মকরাক্ষ সনে  
 হরিলা এখানে, মুক্ত সম্মোহন শরে,  
 ভাদ্রবধূ ! বিধুমুখী, বক্ষবিলাসিনী  
 কেশবের, দেখিলা সম্মুখে স্বর্ণগিরি,  
 রাজলক্ষ্মী, অম্বরীর কেলি-কুঞ্জবন ।  
 পীন-পরোধর-ভার-ভারী, বিশ্বাধরা,  
 নিতম্ব নিবিড়, জিনি রক্তা উরুবর,  
 ডম্বুর ভঙ্গুর কটি, কষু জিনি কণ্ঠ,  
 শস্ত্র যোগাসন নাভি-অম্বুজ অম্বুপ,  
 কষিত-কাঞ্চন-কাস্তি—ভ্রাস্তি পদে পদে—  
 অথবা চম্পক, স্তবলিন বাহুলতা,  
 ললাট নিটোল—নিভ তৃতীয় চন্দ্রমা,

সীমন্তে সিন্দূরবিন্দু নিতান্ত মধুর ।  
 নবজলধর কেশ, বেশ অপরূপ ;  
 অমুম কুমুম কুন্দ দর্শন উজ্জল ;  
 তিলক ত্রিলোকজয়ী, নেত্রনীলোৎপল  
 চল চল ভাব তাহে—অমৃত গরল ;  
 ভুরুচাপ ভঙ্গিমা অশেষ ; নাসিকার  
 গজমুক্তা ছলে ; পশি সরস সরসে  
 হরষে সুরতে রত—রহস্য বিলাস ;  
 গাইছে, নাচিছে, মৃদু বাজিছে বাজনা,  
 তালমান লয়ে কেহ, অস্বর লহরী  
 উঠিছে, ছুটিছে মন্দ গন্ধবহ সহ  
 চৌদিকে ; কেহ বা তুলি ফুল গাঁথি মালা  
 পরিছে আদরে, কণ্ঠে, গলে কবরীতে  
 মধুমতী ; কোন সতী শ্রোতস্বতী তীরে  
 কল-নির্নাদিনী, বসি হাসিমুখে অখে  
 দেখিছেন জলখেলা ; কাল নীল জলে—  
 স্বচ্ছ, সুনির্মল, প্রতিবিম্বিত স্নানর  
 রূপসীর রূপরশ্মি, দর্পণে যেমতি  
 চিত্র, চিত্রলেখা লেখা, শান্ত বীচিমালা  
 উঠিছে পড়িছে, পদ্ম কুমুদ কল্লার  
 যেন বিকসিত, শ্বেতরক্ত নীল পীত  
 কোকনদ আদি জলপুষ্প, অনুভব  
 দেখি ভাবে ! উষ্মিকোলে দোলে কালভঙ্গ



রঙ্গভরে, রঙ্গমতী আঁখি প্রতিবিম্ব ;  
 হাসে রোধে রাশি রাশি সিকতা যেমতি  
 ত্রিষাম্পতি-তেজে, চারু ঘোবন-মুকুতা ;  
 খেলে রাজহংসকুল ! ছাড়ায়ে সে দেশ  
 চলিলা অচিন্ত্যরূপা, রতি সনে যথা  
 বসেন মন্থথ ; মনোহরা পুরী ক্রমে  
 শোভিল সম্মুখে, সবিস্ময়ে স্থলোচনা  
 সম্বরিতা গতি, ক্ষণ দেখিলা আনন্দে  
 সুন্দর মদনরাজ্য-সৌন্দর্য্য পরম ।  
 চৌদিকে নিশ্চল-ক্ষীর প্রশান্ত সাগর  
 মধ্যে শতদলরূপা অপূর্ব্ব নগরী  
 মণিময় ! সেই মণি কঠিন প্রস্তর  
 নহে বা অঙ্গার ; অতিমিষ্ট, সুকোমল—  
 কল্পনা তুলনা তার কল্পিতে অক্ষম,  
 নবকিসলয়-কাস্তি, মধুর মাধুর্য্য,  
 সুকোমল কমলের ললিত লালিত্য  
 সুধাংশুর অংশুমাখা সে মণি অতুল  
 তিন পুরে ; অমৃতের লাবণ্য সৌরভ  
 প্রতিস্তরে,—ঝরে, ধায় ধীরে ধীরে ধীরে  
 সমীরণ-ভরে মোহি ভব ! অপরূপ  
 এই পুরী, নিত্য সুখধাম, সাজাইলা  
 স্বভাবের মনোজ্ঞ ভূষণে বিশ্বপতি  
 ভূষিতে রতিরে । কুঞ্জবন, উপবন,

ভটিনী, তড়াগ, কত এই রম্য স্থলে  
 রমণীয় ; বিবিধ বিহঙ্গ মনোরঞ্জে  
 করে গান ; উড়ে অলি করি গুঞ্জনাদ  
 মধুলোভী ; শাখীশাখে স্তখে নাচে শিখী  
 নিরখি নবীন মেঘ, পুচ্ছগুচ্ছ খুলি  
 তুলি ইন্দ্রধনু, শিখিনীর সহ, পূরি  
 কেকারবে বনস্থলী ! নয়ন-রঞ্জন  
 অঞ্জন নয়ন নাচে খঞ্জনী খঞ্জন ;  
 সলিলে সফরী খেলে ; অনন্ত বসন্ত  
 বিরাজিত তথা শরতের মধুরতা  
 মাখি ; তরুলতা সদা মঞ্জরিত,—ফল  
 ফুলে অবনত মধুময় ; ইন্দীবর  
 কুমুদ, কল্লার আদি জলপুস্পরাজি  
 সরোবর শোভা করি বিকসিত সদা ।  
 অলঙ্কৃত ধরাতল নবহর্ষাদলে ।  
 সুমন্দ সঞ্চরে নিত্য দক্ষিণ অনিল ;  
 তর তর করে পত্র, ঝরে সুধাধারা ।  
 মনোজমোহিনী রতি পতি সনে হেথা  
 করেন বিরাজ । সাজি ফুল ফুল-সাজে  
 ভ্রমেন কন্দর্প কভু, সতীরে সাজায়ে  
 মনসাধে, ফুলশর ফুলশরাসনে  
 যোজি ভ্রমরের গুণে, বিলম্বিত পৃষ্ঠে  
 তুণ, পূর্ণ খরতর কমণীয় শরে—

বিশ্বভেদী ! সুখোৎসব সতত এখানে ।  
 রতির বিভব দেখি বিস্মিত কমলা  
 লাগিলা চলিতে পুনঃ ; মানস সকাশে  
 উদিল অমরাবতী । ঘেরি দ্বারদেশ  
 স্বৰ্ঘর নির্যোষে স্নিগ্ধ ঘুরিছে নিয়ত  
 কালচক্র;—স্বপ্ন নাহি পারে প্রবেশিতে ।  
 দেখিলা উত্তরে রমা কেশব-বাসনা  
 কৈলাস, বিলাস-ক্ষেত্র ভব ভবানীর—  
 রম্য স্থান ভবতলে ; দেখিলা পশ্চিমে  
 মানস-সরসে ফুল শতদলাসনে  
 হৃদিপদ্ম-যুক্ত-কর আসীন নীরবে  
 প্রজাপতি ; ভাবিছেন কি প্রকারে কোথা  
 সৃজিবেন কি প্রকার নূতন জগৎ ;  
 কিরূপ নূতন জীব সে রাজ্যে অথবা  
 ভুঞ্জিবে আনন্দ ; দেব নর দৈত্য, কিংবা  
 কার সহ সৌসাদৃশ্য থাকিবে তাহার ।  
 ভাবিছেন—সে ভাবনা মনে সেই ক্ষণে  
 ফুটিয়া ব্রহ্মাণ্ড লক্ষ নূতন জগৎ—  
 রবি, শশী, কেতু, তারা, ছুটিছে চৌদিকে  
 জ্যোতিষ্মান ! বসি তার মাঝে নরলোকে  
 নর যথা, জীব নানা জাতি, নানা বর্ণ  
 নানাধর্ম-উপাসক । কতবা জগৎ  
 ডুবিছে প্রলয়ে কোটি কোটি প্রাণী সহ

একদিকে । এ পুরীর পাশে হাসে বসি  
 কালহাসি, মহাকাল, অসীম অনন্ত,  
 তলুছায়া, আসি তায় মিলিছে নিয়ত  
 পরমাণুরাশি । বামে অগ্নিপুত্রী, সদা  
 জনশূন্য, তৃণলতা নাহি তরু ছায়া ;  
 বসি বায়ুসখা, কিন্তু নাহি দেখা কভু,  
 পবনের, লৌহ গৃহে প্রাচীন ব্রাহ্মণ—  
 বীতহোত্র, সযতনে রক্ষিত বদনে  
 ব্রহ্মবীজ । “হা মানব !” ভাবিলা বিষাদে  
 বিশ্বমাতা, “হেন নিধি নারিলা রক্ষিতে !  
 কার দোষ, হে ব্রাহ্মণ, দোষী বিধাতারে  
 কর বুঝা ; নিজদোষে হারায়েছ সব,  
 জ্ঞানহীন, দীন যথা অমূল্য রতন  
 না পারি চিনিতে হায় ! কাচ ভ্রমে ত্যজে  
 অবহেলে ! এ ব্রাহ্মণ্য তেজ, দ্বিজরাজ,  
 সাধিল অসাধ্য কত ; শোষিলা বারিধি  
 এ অনল ! আজি তব দেখিয়া দুর্গতি  
 কাঁদে প্রাণ ! অমরের বাঞ্ছিত রতন  
 মানবের হিত তরে হরিলা দানব,  
 বাসব লাঞ্ছনা তার—অহো কি ভীষণ !—  
 করিলা নিগড়ে বাঁধি হিমাদ্রি শিখরে !  
 রাগ, দ্বেষ, হিংসা, দন্ত যুগকাল ধরি  
 দংশিল হৃদয় তার, অটল অচল

সহিলা হেলায় সব গস্তীর নীরবে  
 বীরমণি ! হা বসুধে ! অদৃষ্ট তোমার  
 ফিরিবে কখন, পাবে হেন পুত্রনিধি,—  
 জাগিবে পতনশীল মানব জগৎ !”

এরূপে বিলাপি দেবী ফিরাইলা আঁখি—  
 শোভিল কমলালয়—কনকনগরী—  
 অদূরে ! কি শোভা তার দেখিলা জননী,  
 কব তা কেমনে ? ত্যজি এ বৈকুণ্ঠধাম  
 বদ্ধ মারাজালে ছিলা মর্ত্যে সুরেশ্বরী  
 বহুদিন ; বিমলিন মুখচন্দ্র ভাবি  
 অল্পদিন মানবের তরে ; পূর্বাকাশে  
 নবীন রবির ছবি নিরখি যেমতি  
 নলিনী, কুমুদী কিশা কৌমুদী মিলনে,  
 অথবা নিশান্তে দেখি উষার উদয়  
 বসুমতী, সেই মত মার মুখশশী  
 হাসিল উল্লাসে ; কণ্ঠে কপোলে নয়নে  
 নিশ্চল লাবণ্য এক হল বিভাষিত !  
 পূর্ব কথা সব একে একে স্মৃতিপটে  
 হল সমুদিত ; স্মৃতি-স্বপন যেমতি  
 নিদ্রাবশে ; কত স্মৃতি রাজলক্ষ্মী এই  
 মোক্ষধামে—যক্ষরক্ষ-বাসববাস্তিত—  
 ছিলা নিরবধি ! স্মৃতিতে বিশ্বকথা  
 আসিত বিধাতা, বিশ্বনাথ উমাপতি,

উমা, বিশ্বস্তর পাশে ; গাইত সারদা  
 নিষ্ঠুৰ পুরুষ গুণ যুড়ি বীণায়ন্ত্র  
 বাগীশ্বরী ; দেবঋষি নারদ অথবা  
 সে সঙ্গে সংযোগি সুর পূজিতে ওপদ  
 আসি কভু । কত ভালবাসিত সকলে  
 কমলারে ; কত ভালবাসেন কেশব ;  
 কতদিন ছাড়া দৌহে ! মন য়ার বাঁধা  
 সদা য়ার মনে, তাঁর সনে হবে আজি  
 দেখা ; অঁখি চায় য়ার দেখিতে সতত,  
 দেখিবে তাহারে ; বাঞ্ছা য়ার পাছখানি  
 পূজিতে পঙ্কজে সদা, পূজিবে সে পদ ;  
 সুখ য়ার এই সুখশান্তি-নিকেতনে  
 পতিগৃহ বিধুমুখী নিরখি অদূরে—  
 এ সব ভাবনা ভাবি সুখময়, সুখ  
 উৎস উচ্ছলিত কত পবিত্র পরম  
 হৃদে তাঁর, তুমি তার কি স্বাদ বুঝিবে—  
 বুঝিবে কেমনে কিন্না পতিত মানব ?  
 এ ভাবনা সনে সেই শারদ গগনে  
 সমুদিত নবঘন ;—কেমনে সাধিব—  
 সাধ বাসনাতে য়ার পূরিত পলকে  
 বিদিত ত্রিলোক ; মুখ ফুটে লুটে পাশ্ব,  
 হাসিবে জগৎ—হাস, কেমনে কহিব,—  
 “কর শান্ত, প্রাণকান্ত ! কান্তার কামনা

কর পূর্ণ, পূর্ণব্রহ্ম তুমি, পরমেশ,  
 ধরি পায়, রাঙা পায় তায় দেহ স্থান \*  
 কৃপা করি কৃপা কর কৃপা বিতরিয়া,  
 সাধিছে কিঙ্করী ! হাসি পায় ভাবি হাস;  
 হাসিবে মাধব । অবমানি দেবগণে,  
 কহিব কেমনে কিস্বা কর গুণমণি,  
 এই উপকার, অবলার রাখ মান ;—  
 চঞ্চলা কমলা, নাথ ! এ ছুর্নাম তার  
 কর দূর, তোমা ভিন্ন অন্য গতি নাই;  
 গতি কমলার !” এত চিন্তি চিন্তাময়ী  
 চিন্তাকুল চিতে পুনঃ লাগিলা চলিতে  
 মস্থর-গামিনী ।—“পারি যদি সাধিবারে ”  
 ভাবিলা আবার, “ধরি পায় বংশীধরে,  
 সে সাধনা যদি, বিধি বাম আমাপ্রতি;  
 না রাখেন গুণনিধি, সেই অপমান  
 সহি প্রাণ পাপদেহে পুড়ি অহরহ  
 পারিবে থাকিতে ?—যাক্ মান, যাক্ প্রাণ,  
 করেছি যে পণ, উদ্ধারিব রাজবংশ,  
 দেখাব ধর্মের জয় । দিব না সহজে  
 ছাড়ি হৃষিকেশে ; পড়ি পদতলে, পদ  
 অঁাখিজলে প্রক্ষালিব, বসাইব মম  
 হৃদিপদ্মে, সত্যক্তি চন্দনে মনপদ্মে  
 করিব অচ্চনা, পড়ি মন্ত্র পূর্ব কথা

সেই ভালবাসা, সেই প্রেম আলাপন,  
 আদর সোহাগ ; চার ফিরে সমুদায়  
 প্রীতিপদ্ম জপমালা ; দেখিব দেখাব  
 কাঁদে কিনা মন তাঁর, কাঁদাইতে মন  
 পারি কি না ।” হৃদিপদ্ম বন্ধ করি শেষে  
 একপে প্রতিজ্ঞাপাশে চারু পদ্মাসনা  
 প্রফুল্ল হৃদয়ে পদ্মা চলিলা আবার  
 ভাসি সুসৌরভে ; প্রণয়ীর মন যথা  
 মলয় অনিলে । উতরিল পদ্মালয়ে ।  
 কি সাজে মোহিনী মোহি মোহিনী-মোহনে  
 মহীমাঝে মাতাইবা মহিমা মধুর,  
 ভাবি মনে মায়াময়ী মন্দাকিনী-তীরে  
 বসিলা বিশ্রামহেতু । বৈকুণ্ঠের মাঝে  
 নিরখি বৈকুণ্ঠ-শোভা সুধাংশু রতনে,  
 হাসিল স্বভাব । দেবতরু লতিকায়  
 ত্রিদিব কুসুম রাশি ফুটিল মঞ্জুল  
 বুজে বুজে ; করি গুঞ্জরব অলিপুঞ্জ  
 উড়িল চৌদিকে ; কলরব কুতূহলে  
 রুরিল বিহঙ্গ ; মন্দ মন্দ গন্ধবহ  
 রহি মকরন্দ ভার পুষ্পরেণু সহ,  
 গাহি স্বন স্বন স্বনে, আনন্দি অমরা,  
 আন্দোলি মন্দারশাখা, নাচায়ে লতারে  
 স্তানন্দময়ীর কাল অলকা কাঁপায়ে,



কাণে কাণে কৃষ্ণকথা কহিল কোঁতুকে ।  
 পড়িল কনককাস্তি জলের উপর,  
 সৌরকর-বিভূষিত সায়্যাহে যেমতি  
 কালিন্দী, চলিল রঙ্গে তরঙ্গ আবলী  
 ধরি হৃদে মন্দাকিনী মনের আনন্দে  
 কুল কুল নাদে, কভু নাচি, কভু হাসি,  
 হেলি ছলি ফুলি কভু । ভুলিয়া ভারতী  
 বীণায়ন্ত্র, চিন্তামগ্ন ছিল কুঞ্জবনে,  
 পড়িল অঙ্গুলী তারে সহসা অমনি,  
 ত্রিদিব বাদিত রব, সঙ্গীত লহরী  
 লহরে লহরে ভাসি উঠিল চৌদিকে ।

আনন্দে বসিয়া নন্দ-নন্দন হেথায়  
 পুষ্পশয্যাপরে মণি মন্দির মাঝারে  
 শঙ্খচক্র-গদাপদ্মধারী নারায়ণ ।  
 গম্ভীর নীরব পুরী ; অথচ বাজিছে  
 মধুরে মধুর তানে মধুর রাজনা  
 অদৃশ্যে, সঙ্গীতরবে—ছত্রিশ রাগিণী  
 স্বরস্বতী সহচরী ছয় রাগ সহ  
 মূর্তিমতী অহরহ, আনন্দ প্রতিমা—  
 আমোদিত মোক্ষধাম ; সভয়ে সতত  
 সঞ্চরৈ বসন্তানিল বিতরি অমৃত  
 গৃহে গৃহে ভূষি হৃষিকেশ মন ; পুরি  
 পুরী স্রসৌরভে । বক্ষে শোভিত কোমলভ,

মণিময় কিরীট মস্তকে, মুস্তাহার  
 গলে, কর্ণে স্বর্ণ কুণ্ডল ; করে চক্র  
 চক্রধারী, পীতবাসে ঢাকি ভৃগুপদ,  
 বসে বিশ্বপতি ; শিখীপুচ্ছ ছত্র ধরে  
 শিরোপরে ছত্রধর ; ঢুলায় চামর  
 যতনে চামরী ; জুড়ি কর দেববৃন্দ  
 বাসব বিরিকি শিব দাঁড়ায়ে সম্মুখে  
 চৌদিকে, বেষ্টিয়া যথা মিহির-মণ্ডলে  
 গ্রহগণ ! কালরূপে উজলি ত্রিলোক—  
 সর্বরী হৃদয়ে শোভা শশীর যেমতি ;  
 সাবিত্রী ললাটে কিম্বা সিন্দূরের কোঁটা,  
 অথবা ভূধর মাঝে হিমাদ্রি যেমতি ;  
 বৃষ মাঝে বৃহস্পতি, নারী মাঝে সতী,  
 ত্রিটিশ কেশরী কিম্বা হিন্দুরাজ মাঝে ;  
 অথবা ধর্ম্মের শোভা মধুর গন্তীর  
 দেব মর দৈত্যে যথা, বসিয়া তেমতি  
 সে শোভা সৌন্দর্য্যে হয়ে শোভিত সুন্দর  
 যোগীন্দ্র-মানস-হংস কংসারি কেশব  
 নিরাকার ! নিরাকারে সাকার সম্ভব,—  
 অসম্ভব অনুভব, মানবে সম্ভব  
 নিরাকারে সাকার কিরূপ ; অনাহারে  
 যোগীন্দ্র আপনি জপি যেরূপ যতনে  
 যুগান্তক যোগে, নাহি পারেন চিনিতে—

অব্যক্ত অব্যয় ! বসি নীরব গাভীর,  
 অথচ শিশুর হাসি, চাঁদের চল্লিমা,  
 উষার লাবণ্য তাতে কত যে মাখান —  
 মধুর মাধুর্য্য, রস ! সম্পদ সন্মান  
 কব কি তাঁহার, ভব বিভব যাঁহার—  
 উপাসক ইন্দ্র চন্দ্র ! ললাটে নয়নে  
 খেলিছে বিমল জ্যোতিঃ, নিজ লীলাখেলা  
 দেখিছেন স্নেহে, নিজ প্রেমে নিজ রূপে  
 মোহিত আপনি ? সমভাবে সর্বক্ষণ  
 সর্বত্র বিরাজমান ; ব্রহ্মাণ্ডমণ্ডল  
 স্থিত করতলে, কিবা তাঁর বৈজয়ন্ত,  
 বৈকুণ্ঠ, কৈলাস ? বিন্দু যথা নিরাকার,  
 অথচ সাকার সত্য প্রতিজ্ঞা আবলী  
 স্থিত তত্পরি ; বিন্দুরূপ ব্রহ্মোপরি  
 অসীম জগৎ এই হয়েছে নির্মিত !

হাসিলা জীবৎ হাসি, সে হাসিতে মিশি  
 মেহুর মারুতে ভাসি পরিমল যথা —  
 আসিলা উষারূপিণী রমা, নিরূপমা  
 রূপে রমি পরমা রূপসী সুরধাম  
 রমেশ হৃদয়ে । পুলকে গোলকপতি  
 বসাইলা পাশে । সুরলোক মাকে পাই  
 ভাসিল আলোকে, সুখদ শরতে—  
 অশ্বিনে অশ্বিকা যথা উদিলে ভারতে !

ধন্বিলা পদারবিন্দ ইন্দ্রাদি দেবতা  
মহানন্দে ; ধরি বীণা গাইলা স্রুশ্বরে  
গীত সপ্তমের তানে সরোজ-বাসিনী  
বীণাপানি । পূরিল অমরা মহোৎসবে ।

হৃদে ধরি কমলারে নীরবে নেহারি  
বারিজ-বদন ক্ষণ, অলক সরায়ৈ  
পুলকে ত্রিলোকনাথ চুম্বিলা অধর ।  
দেব-সভামাকো, পার স্রুধা'তে মানব,  
কেমনে হৃদয়ধনে হৃদিপদ্মে ধরি  
বিশ্বাধর বংশীধর করিলা চুম্বন  
শরমের মরম বিদারি ? শুন তবে,  
নির্মল পবিত্র ধর্ম উলঙ্গ সতত—  
উলঙ্গ পবিত্র প্রেম,—নাহি কি স্মরণ,  
লজ্জাশীল নর, নারি, বিনিময়ে, হায়,  
কি অমূল নিধি, লজ্জা করেছ গ্রহণ ?—  
পেয়েছ এ পরিচ্ছদ লজ্জা-নিবারক ?  
স্নানের কালিমা আর করেছ অভ্যাস  
ভস্মেতে ঢাকিতে ?—কলুষ-দূষিত  
চিত্ত ঢাকে কুলবতী ঘোমটায় ; শুদ্ধ  
প্রাণ যার, তার কোথা শরমের ভয় ?—  
সভয়ে শরম থাকে দূরে । চুম্বি বিশ্ব  
বদন-অঙ্গুজ, উত্তরিলা পীতাম্বর ।  
রাখি বীণা বীণাপানি শুনিলা নীরবে,

শুনে যথা কুরঙ্গিনী কুঞ্জে বংশীরব—  
 সে স্বর, শিথিতে রাগ । “হবে না সাধিতে  
 মুখফুটি পায় লুট, জীবন-তোষিণি !  
 হবে না বেদনা তব বলিতে কেশবে ;  
 তব মন কথা সতি ! নাহি অবিদিত  
 মম, সাধ যবে তব হস্মেছে হৃদয়ে  
 তখনি জেনেছি সব ; ত্যজি পরিতাপ  
 হাসিমুখে স্নকেশিনি ! মানস কমলে  
 বস একবার ! হা কমলে ! হারাইয়া  
 তোমানিধি নিরবধি ভাসিতাম হায়,  
 কি বিষাদে কর তা কেমনে, কিরা কাজ  
 বলে কিংবা ? দেখে আজ এতদিন পরে  
 তব মুখশশী, শশিমুখি ! দুখনিশি  
 হল অবসান, প্রাণ পরম আনন্দে  
 ভাসিল আনন্দনীরে । ত্যজিয়া আঁধারে—  
 আর মৰ্ত্ত্যে বরাণনি ! কর না গমন  
 কাঁদারে আমারে ! লোকহিত সাধ সতি !  
 পূরিবে অথবা করে ? অজ্ঞান মানব,  
 বৃথা তার হিতচেষ্টা !” স্নস্বরে জঁখরী—  
 কত বা মধুর দূর মুরলী উষার—  
 উত্তরিলো কেশবের চিবুক ধরিয়া :—  
 “অজ্ঞান মানব যদি, কেন গুণমণি !  
 জ্ঞান তারে না কর প্রদান ? কার দোষে,

নাথ ! সাধে দাসী, কহ অসুখী তাহার। ?”

“এ নিন্দা, ইন্দীরা ! বৃথা ।” গোবিন্দ কহিলা ;

“দেখ চিন্তি চিন্তাময়ি ! সকলি দিয়াছি,

স্বজিয়াছি ধরা স্বর্গতুল্য করি, দেব-

দেহ-অহুবাদে, দেবি ! গড়েছি মানবে ; —

জেনে শুনে যদি মজে মানব মায়াতে,

কে রক্ষে তাহারে ? সাধ করি সযতনে

ভাব কি সুন্দরি ! যারে করেছি স্বজন, —

রাখিয়াছি রক্ষিবারে দেবে, দেখে তার

অতলে পতন, প্রাণ কাঁদেনা আমার

মনস্তাপে ? থাকে সুখে কার সাধ নয় ?”

নীরবিলা স্বপ্ন । ধীরে অশ্রুধিতনয়া :—

“না নাথ ! সকলি নয় মানবের দোষ,

জানি আমি, তুমিও বিদিত ভালরূপ

আছ ভগবান । জীব জলবিশ্বপ্রায়—

মাটির পুতলী নর, কেমনে, — বল না,

কিস্ত ! করে দোষী দাসী কেমনে তাদের ?

যে মায়ায়, মায়ায় ! রেখেছ বিমোহি

প্রাণ, মন, আঁখি, হার, বিশ্ব মর্শ্ব তারা

বুঝিবে কেমনে ! ইচ্ছা নয় করি দোষী

দেবতায় ; কিন্তু নাথ ! দেখ ভাবি মনে

দেবদোষে দগ্ধ ধরা ; বিধি বিধাতার

কহি কহ, গুণনিধি ! সুবিধি কেমনে ?

কি পাপে জননীগর্ভে ত্যজে জীব প্রাণ,—  
 কি পাপে ভূমিষ্ঠ হয়ে ? কি পাপে অথবা  
 জগৎ-নয়নানন্দ মৃগাক্ষ-সুন্দর  
 রাহগ্রস্ত শিশু ! নর এক গুণ যদি,  
 নারী শতগুণ তার অবোধ দুর্বল ;  
 এ কষ্ট তাদের, কৃষ্ণ ! কি জন্যে সৃজিলা,  
 হয়ে, তুষ্ট, তুষ্টমতি মম কর দূর  
 কহি সৃষ্টিকথা, সৃষ্টি মূল তুমি ! কহ  
 কেন অনাসৃষ্টি জীবসৃষ্টি করে নষ্ট ;  
 শ্রেষ্ঠ অপকৃষ্ট ; হ্রদৃষ্টসমাকৃষ্ট  
 পুণ্যবতী সতী, মন প্রাণ আত্মা যার—  
 অবলা সরলা—স্বরতরঙ্গিণীবারি ;  
 বাসরে বিধবা বধূ ; বিধু মরুভূমি ;  
 মৃণাল কণ্টকাকীর্ণ ; ধ্বংসাধীন রবি ?  
 ভীম বিসৃচিকা-রোগে, হুর্ভিক্ষ-প্রকোপে  
 লক্ষ লক্ষ লোক দেখ, মরিছে অকালে ?  
 প্রাণীশূন্য মহারাজ্য—এ সব কি পাপে,  
 পাপহর ? সকলেই সমান পাতকী  
 কিরূপে বিশ্বাস করি ? তাই যদি হয়,  
 কোথা সে পুণ্যাত্মা তবে, যার তরে নাথ,  
 নিরমিলা নিরমল এ পুরী গোলকে ?  
 পুণ্যের—অথবা কই ধর্মের সম্মান  
 দেবলোকে ? অভিলাষী দাসী বিশ্ব-

তত্ত্বকথা; বিশ্বপতি, করিতে শ্রবণ ;—  
 বনবাসী রাজঋষি—রাজর্ষি-মহিষী  
 কোন্ পাপে, পাপী আমি, নারি বুঝিবারে,  
 দামোদর ; ভাসে আঁখিজলে জলি সদা  
 মনখেদে, কাঁদি বনে বনে, বনমালি !  
 কোন্ মহাপাপে কিম্বা কমলা তোমার ?”

গম্ভীর মধুর হাসি অচ্যুত-অধরে  
 বিভাসিল ; কহিলেন “ ভুবন-ঈশ্বর !  
 শুন তবে বেদমন্ত্ৰ ; ধর্ম্মের সম্মান  
 সম চিরকাল, দেব কভু নহে, দেবি !  
 রত অধর্ম্মেতে ; স্ত্রনিয়ম বিধাতার  
 বিদিত ত্রিদিবে ; মম কাছে সম, সতি !  
 মনুষ্য, পতঙ্গ, কীট—ক্ষুদ্র বা বৃহৎ ।  
 মাতৃগর্ভে মরে শিশু—সত্য যা কহিলে ;  
 ভূমিষ্ঠ হইয়া মরে—অবোধ নিশ্চল ;  
 মরে জরে, গ্রহ দোষে, ঝড়ে বা হুর্ভিক্ষে  
 লক্ষ জীব অনশনে ; কে নিন্দে সুন্দরি—  
 করে দোষী নারায়ণে ? কুস্তকার যথা  
 গড়ে ভাঙে বার বার মাটির পুতলী  
 নিজ ইচ্ছামত, নিজ ইচ্ছামত গড়ে ,  
 ভাঙে দেয় রঙ, নাহি দোষে কেহ তারে—  
 অসুচিত করা দোষী ; তেমতি প্রেয়সি !  
 গড়ি আমি ভাঙ্গি গড়ি, নিজ ইচ্ছামত,



এই মম লীলাখেলা ভব-কুণ্ডলকার !  
 উদিত মানসে ভাব যখন যেমতি,  
 তেমতি তখনি সতি ! লক্ষ লক্ষ কোটি  
 সৃষ্টি বিশ্ব, ইচ্ছা হলো আবার সকলি  
 ডুবাই প্রলয়ে । কিবা দোষ তাহে, দেবি !  
 কিম্বা কিবা ধর্ম্মাধর্ম্ম ? ইচ্ছা যদি হয়,  
 ইচ্ছাময়ি রমা ! ভাঙ্গি মনুষ্য জগৎ  
 নূতন জগৎ এক করিব সৃজন ।  
 বাসরে বিধবা বধূ, কেন কমলিনি !  
 স্তন বলি । আত্মসুখ-প্রিয়, প্রিয়ে ! সদা  
 আত্মসুখ অবৈষণী, ভাবেনা পুরুষ—  
 বাল্যপরিণয় ফল, অবলার দশা ;  
 এ সুখবন্ধন, করে দগ্ধ বসুমতী  
 উগরি গরল কত ; পুরুষ যদ্যপি  
 শেথে দেখে, জ্ঞানোদয় হয় যদি  
 তার, অবলার কষ্ট সেই হেতু ; ছার  
 খার, ললনার দীর্ঘ নিশ্বাসে, প্রেয়সি !—  
 হতাশা-উচ্ছ্বাসে যথা হৃদি-কুণ্ডলন,—  
 সুখের সংসার কত, দেখিবে না দেখি  
 পামর পুরুষ, অপরাধী আমি তাহে  
 কহ কিসে তুমি ? পরিণয়, প্রাণাধিকে !  
 জীবনের প্রধান ঘটনা ; বিনিহিত  
 তার গর্ভে, শমীবৃক্ষে সর্বভুক যথা,

সুখহুখ ভোগাভোগ নব দম্পতীর ।  
 না যদি হৃদয় দুটি মিলে একবার  
 কি দারুণ অন্তর্দাহে, জলিবে হুজনে  
 ভাব দেখি সুধামুগ্ধি ! কেন না মানব  
 প্রত্যক্ষ দেখিয়া ফল, করে সংস্কার  
 বিবাহ-প্রণালী ? কিংবা যদি সাধ এত  
 কোমলে কোমলে স্বর্ণ-লতিকা রসালে  
 জড়াইতে আলিঙ্গনে, শুকালে সুন্দরি,  
 অকালে সে তরু, চারু লতিকারে লয়ে  
 যতনে না দেয় কেন অভিনব গলে ?  
 কেন কাঙালিনী করি আঁখিনীরে তায়  
 রাখে ডুবাইয়া ? হৈমকিরীটিনী লঙ্কা—  
 মর্ত্যে সুরপুরী সমা, রমণীর শাপে  
 যথা দধু, সেইমত দধু আর্ঘ্যভূমি ।  
 ভাব সত্য ত্রেতা যুগ, কি সুখসম্পদ,  
 বিমল সন্তোষ কত ভূঞ্জিত সকলে  
 সর্বত্র সর্বদা ! আজি হায় প্রবাহিত  
 প্রবল কলুষ-স্রোত ভবনে ভবনে ;  
 ক্রণ-হত্যা, নারী-হত্যা, কত ! ধর্মপথ  
 ত্যজি আজি অসম্মার্গগামী, হায়,  
 ধর্মপুত্রগণ ! কারদোষ, প্রিয়তমে !  
 বিধবা-বিবাহ ধর্ম-সঙ্গত পদ্ধতি  
 প্রচলিত কেন, দেবি ! করে না মানব ?

তাহলে কি মহী আজ ডুর্বিত অতল  
 পাপপক্ষে ? দেখে হায় শেখেনা অজ্ঞান !  
 কেনবা ক্ষণদাপতি, ক্ষীরোদ-নন্দিনি  
 শুন মরুভূমি । দূরে থাকি দেখি রূপ  
 না প্রবেশি হৃদিমারে, শেখাতে মানবে  
 অহুচিত দোষগুণ বিচার সতত ।  
 তুহিনাংগু তার সাক্ষী । ধ্বংসাধীন, দেবি !  
 নহে কিংবা অংশুমালী ; অস্ত যান ভানু  
 উদিতে পশ্চিমে । ত্যজি মর্ত্য সত্যধামে  
 উদিতে জীবের অস্ত,—নিরঞ্জন জীব !  
 নহি দোষী, শশীমুখি ! শুনিলে এখন ।  
 গড়েছিছু বেদব্রতে, কিছুদিন পরে  
 ভাঙ্গিতে হইল সাধ ভাঙ্গিছু তাহারে—  
 সেজন্য আমারে দোষী কে করে স্তম্ভরি !  
 তুমি কেন কাঁদি কাঁদি ভ্রম বনে বনে,  
 ঈশ্বর-ঈশ্বরী তুমি বুঝিব কেমনে  
 স্নলোচনে ?” এত কহি ধরি কমলাদরে  
 হৃদয়-কমলে হরি হইলা নীরব ।  
 উত্তরিল বিষ্ণুপ্রিয়া — “চঞ্চলা কমলা,  
 এ দুর্নাম, নাথ ! তবে রহিবে এমতি ?  
 পূরিবেনা মন আশা ? ভ্রমিবে রাজর্ষি  
 বনবাসী হয়ে, ভিখারিণী রাজরাণী  
 স্রমুখী সাবিত্রী, পতিপুত্রহার, ঢালি

তারাকারা নীরধারা, পাগলিনীপ্রায়  
সহি বনবাসক্লেশ, ভ্রমিবে এমতি ?  
পতি হয়ে যদি, নাথ ! হইলে নিদয়,  
যাব কার কাছে, কমলার কেবা আর  
আছে আপনার ? দেখ চিন্তি, চিন্তামণি,  
দ্বাদশ বর্ষীয় শিশু, তার বীরপণা !  
তাজি মাতৃ-অঙ্ক, উদ্ধারিতে পিতৃরাজ্য  
কঠিন কঠোরে কত করিছে সাধনা  
দেবপদ ! কব কায়, বিদরে হৃদয়  
ভাবি মুখ তার । কর দয়া দয়াময়,  
দীনহীনে, ‘যতোধর্ম স্ততোজয়,’ নাথ,  
দেখাও জগতে ।” নীরবিলা মহাদেবী ।

বিরিঞ্চি-বাহিত নিধি স্বয়ম্ভু চিন্ময়  
উত্তরিল—“কাদ কেন প্রাণময়ি ! কর  
শোক নিবারণ ; পূরিবে না আশা তব,  
বলি নাই আমি ;—বলি নাই, বিধুমুখি !  
ভ্রমিবে ভ্রুমুখি সতী সতত কাননে  
কিংবা রাজধ্বষি ; বলি নাই রাজপুত্র  
পাবেনা কঠোর তপ পুণ্য পুরস্কার !  
এ বিষাদ কেন ? সাধে সাধ পূর্ণ তব,  
পাশরিলে প্রাণেশ্বরি ? মাটির মানুষে  
কঠিন সাধিতে কত পারে, পরমেশি !  
প্রয়াস করিলে ; ‘যতোধর্ম স্ততোজয়,’

দেখাতে অজ্ঞান লোকে ; চঞ্চলা কমলা,  
 ঘুচাতে হুর্নাম তব ; লিখিলা বিধাতা  
 বেদবত-ভালে এই প্রাক্তনের লেখা,  
 লিখিলা সে সঙ্গে তাঁর তনয়-ললাটে,  
 প্রতিজ্ঞা গাভীর্য্য পণ । সেই সে কুমার  
 করিবে পতনশীল মানবে উদ্ধার,  
 যথা বুদ্ধ পূর্ব্বকালে ; শ্রীকৃষ্ণ অথবা  
 নররূপে অবতরি কুমারী উদরে,  
 পুত্র মম, নিস্তারিলা বর্ষর কর্বুরে ।  
 না ভুঞ্জিলে হুখ, দেবি ! সুখের আশ্বাদ  
 নাহি কভু বুঝা যায় । ধর্ম্মের মহিমা  
 আপনি প্রকাশ হয় সঙ্কটে, শঙ্করি !  
 বিশ্বের নিগূঢ় তত্ত্ব কহিলু তোমাতে,  
 বিশ্ব-প্রসবিনি ! ভাবি দেখ মনে এবে  
 স্ননিয়মে বদ্ধ ভব ; দানব মানব,—  
 সবে সম ভাব মম, অমর কোণপে ।  
 যা করি, জঁধরি ! সব মঙ্গল-সাধনে ।”

হাসিল মধুর, পদ্ম-পলাশ-লোচন-  
 নয়ন-আনন্দ রমা করিলা উত্তর :—

“তবু কথা মধুময় শুনিয়া, মাধব  
 কি সুখ লভিলু আহা ! বিরহিণী যথা  
 পতি-পাদপদ্ম-ধ্বনি অদূরে শুনিয়া  
 বহুদিন পরে গৃহে অকস্মাৎ, কিংবা

ব্রজে, ব্রজরাজ !. শুনি তব বংশীরব  
 ব্রজমঞ্জু কুঞ্জবনে কদম্বেরি মূলে  
 “ ব্রজবালা ; কিংবা মৃত সত্যবান-মুখে  
 শুনি কথা পুনঃ, মরি ! উষার উদয়ে  
 যেমতি সাবিত্রী সতী,—তেমতি আমার  
 পরম আনন্দে প্রাণ, হে প্রাণবল্লভ,  
 হল অভিষিক্ত । এবে कह কি প্রকারে  
 স্বরাজ্য পাইবে রাজা ; গিয়া মহীতলে,  
 মহীপতি ! कहি মহীনাথে ।” নীরবিলা  
 চাহি পতি পানে সতী সহাস্য নয়নে ।

কহিল। মুরারি—“প্রিয়ে ! যোগবলে জয়ী  
 হইবে কুমার সুর নর ; দাও তারে  
 প্রচারিতে যোগতত্ত্ব ; শৌর্য্য বীর্য্যে তার  
 অনিবার্য্য সুরবীর্য্য-সূর্য্য হবে আভা-  
 হীন, আভাহীন যথা দীপ দিবাভাগে ;—  
 মহামন্ত্রে নতমুখ কিংবা বিষধর ।  
 সূখে সূধামুখি ! কর চিন্তা পরিহরি  
 নিশ্চিন্ত হৃদয়ে মম হৃদয়ে বিহার ।”

নারায়ণে নারায়ণী নারি ভুলাইতে  
 ত্রিদিব-মুকুট-মণি রহিলা ত্রিদিবে ।

ইতি শ্রীঅদৃষ্ট-বিজয়ে কাব্যে বৈকুণ্ঠ-সংবাদো নাম  
 চতুর্থঃ সর্গঃ ।

## পঞ্চম সর্গ ।

উত্তুঙ্গ পর্বতশ্রেণী ভীষণ দর্শন—  
উজ্জল নিবিড় নীল দূর-দৃশ্যমান ;  
ভুঙ্গতম শৃঙ্গবৃন্দ চুম্বিছে গগন  
বিধৌত ভূধার-রাশি রবির কিরণ  
জড়িত উজ্জল বর্ণ—মহাদীপ্তিমান !  
বোষ্ট সে অচল-কটি করিছে ভ্রমণ  
কাল জলধর-দল ; সতত প্রকাশ  
উপরে হিরণময় কিরণ ভূষিত  
প্রথর ত্রিলোক-নেত্র নলিনী-বিলাস ।  
এ হেন ভূধর-শৃঙ্গে নয়ন মুদ্রিত  
বসিয়া যোগীন্দ্র কর বন্ধঃস্থলে স্থিত ।  
যোগীন্দ্র অজাত-শৃঙ্গ,—একি অসম্ভব  
কি হুঃখে বালক তুমি—ননীর পুতলী—  
তাজিয়া মায়ের কোল, পরম বিভব,  
তাজি প্রিয় বন্ধুজনে, সম্পদ সকলি  
অনাহারে অনিদ্রায় পুড়িয়া কেবলি,  
এ তুঙ্গ ভূধর-শৃঙ্গ গহনে ভৈরব  
করিছ একাকী বসি সমাধি-সাধন !  
যোগসাধনার তোর এই কি বয়স ?  
কিরিছে চৌদিকে করি গর্জন তর্জন

ভয়াল ভয়ুক ব্যাঘ্র—এ কিরে সাহস—  
 কঠিন প্রতিজ্ঞা পণ, তোমার তাপস !  
 অথবা মনুষ্য শিশু এ যোগী কখন ?  
 দ্বিতীয় পার্করতী-পুত্র পরম সুন্দর,  
 মহাতেজঃপুঞ্জ কায়, বিশাল নয়ন,  
 বিশাল উরস, মুখ প্রভাত-ভাস্কর ;  
 অপূর্ব স্বর্গীয় ছটা ব্যাপ্ত কলেবর !  
 কেমনে এমন শিশু,—ভীষণ কানন,  
 উত্তুঙ্গ পর্বত শৃঙ্গে,—আসিলা হেথায় ?  
 কোন্ ঋষি—বনবাসি ! কিবা অভিলাষ ?  
 বালক ! নির্জনে তুমি সাধিছ কাহায় ?  
 যোগের নবীন যোগি ! তোমাতে প্রকাশ  
 কোন্ তত্ত্ব ?—কেন কষ্টে অরণ্যে নিবাস ?  
 হরন্ত নিদাঘ ঋতু ; প্রচণ্ড তপন  
 জ্বলন্ত অনলকণা বিকীরণ করি  
 কিরণনিকর খর দহিছে ভুবন ;  
 মাধি সে পাবকরাশি সর্ব্বাঙ্গে শিখরী  
 পুড়িছে নীরবে ! অগ্নিবস্ত্র পরি—  
 চতুর্দিকে অগ্নিকুণ্ড জালিয়া ভীষণ,  
 জড়ায়ে হৃদয়ে কাল কুণ্ডলিত ফণী,  
 কুশাগু আসনে সুখে হয়ে সমাসীন,—  
 অসহ্য যজ্ঞণা—অহো ! সঙ্কল্প এমনি—  
 সাধিছ সমাধি ভাল তাপস নবীন,



যোগাচল শৃঙ্গে যোগী ত্র্যম্বক প্রবীণ !  
 মাস দিন সম্বৎসর হল যুগান্তর ;  
 অদ্ভুত ঘটনা কত ঘটিল ধরায় ;  
 যেখানে ধাবিতেছিল সিদ্ধ ভয়ঙ্কর  
 উন্নত হিমাদ্রি তুল্য ভূধর তথায় ।  
 প্রকাণ্ড পর্বতরাজ আছিল যথাস্থ  
 বিস্তারি অযুত শৃঙ্গ চূষিতে অম্বর,  
 আজিকে গম্ভীর সিদ্ধ, গম্ভীর নিনাদে  
 প্রমত্ত পবন সঙ্গে নাচি ক্রব পায়  
 উত্তাল তরঙ্গ দল উঠায়ে অবাদে  
 গ্রাসিতে ব্রহ্মাণ্ড তথা মত্তবেশে ধায় !  
 ভয়ঙ্কর মরুভূমি সাহারার প্রায়  
 জনশূন্য, তৃণশূন্য—প্রকাণ্ড প্রান্তর,  
 ধূউধু বালুকা যথা করিত কেবল ;  
 ছুটিত প্রমত্ত বেশে করাল কিঙ্কর  
 সৈমুম্ সংহার-মূর্ত্তি আতঙ্কি ভূতল,  
 অনন্ত-সিকতা সিদ্ধ মহিমা অতল ;  
 অথবা বিস্তারি মহামায়া মোহকর  
 মঞ্জুল নিকুঞ্জবন, স্বর্ণ অট্টালিকা,  
 তটিনী তড়াগ হ্রদ, সুখ সরোবর ;  
 সজ্জিত মন্দারদামে কুসুম-বাটিকা,—  
 তৃষিত পথিক রন্ধে বিধিত ছুরিকা ;—  
 জন কোলাহল পূর্ণ, আজিকে সেথায়

অতুল সমৃদ্ধিশালী পুরী শোভাপায় !  
 কত বা মরিল, কত জন্মিল নূতন ;  
 দৈব ছুর্বিপাক কত—জীবের নিগ্রহ !  
 কত বা প্রতাপশালী জাতির পতন ;  
 কত রোমে কত ক্রমে সন্ধি বা বিগ্রহ ;  
 কত বা গিরিশ নব-জীবন সংগ্রহ  
 করিয়া টঙ্কারি ধনু ধাঁধিল ভুবন !  
 কত রাজ্য হ'ল ধ্বংস, নূতন স্থাপিত ;  
 সংগ্রাম বিপ্লব কত—সিপাহী বিদ্রোহ !  
 বিশাল বিমানমার্গে হ'ল আবিষ্কৃত  
 ক্ষুদ্র আকাশে নব গ্রহ উপগ্রহ ;—  
 বাড়িল লোকের কত যতন আগ্রহ !  
 ছুঙ্কপোষ্য স্কুমার রাজার কুমার  
 সরস যৌবনপদে কৈলা পদার্পণ ;  
 বাড়িল রূপের কত মাধুরী তাঁহার !  
 বদনকমলে রেখা-তারুণ্য কেমন !  
 নিরখি সে রূপ, কোন্ রমণীর মন  
 থাকে স্থির ? কার সাধ, ত্যজি এ সংসার,  
 হয় না যোগীর সনে সাজেরে যোগিনী ?  
 বিপুল বলিষ্ঠ দেহ—বিপুল হৃদয় ;  
 বিশাল বর্তূল ভুজ কঠিন সাপিনী !  
 বুধস্কন্ধ ; তেজ বীৰ্য্য গান্ধীৰ্য্য নিচয়  
 প্রতিজ্ঞা সঙ্কল্প পণ নয়নে উদয় !

জগৎ এত যে পরিবর্তনে ডুরিল ;  
 এত যে অদ্ভুত পরিবর্তন তাহার ;—  
 কিঞ্চিৎ, মানব ! তার যোগী কি জানিল ?  
 শীতেতে ডুবিয়া জলে থাকি অনাহার,  
 ভাসি বরষার জলে, কত যে সাধিল  
 কঠোরে কঠিন ব্রত যোগী মহামতি ;  
 সর্কাজ করিয়া ক্ষত লৌহ-শলাকায়,  
 তীব্র বিষরাশি মাখি চন্দন যেমতি ;  
 ভূষানলে পুনর্ব্বার পোড়াইলা তায়—  
 উদ্ধাপদে হেট মুণ্ডে সাধে সাধনায় ।  
 এইরূপে কতকাল হইল বিগত ;  
 হল না কঠিন ইষ্ট দেবতা সদয় !  
 বিশ্রাম বিরাম নাই যোগী অবিরত  
 এক ধ্যান হৃদে ধরি যোগে মগ্ন রয়  
 দিবস যামিনী । গ্রহ উপগ্রহ চয়  
 বেষ্টিয়া ভাস্করে পুনঃ পর্যাটিল কত ;  
 তথাপি হল না যোগ যোগীর সাধন ।  
 একদা সায়াহকালে সরোজ-বান্ধব  
 অভ্রভেদী গিরিশৃঙ্গে সুবর্ণ কিরণ  
 পরায়ে মুকুট-মণি অতুল বিভব  
 অর্ণবে ডুবিতেছিল,—গম্ভীর ভৈরব  
 এমন সময় শব্দ যোগীর শ্রবণে  
 পশিল সহসা ; চারিদিক চমকিল

প্রলয় দামিনীরূপে ; সে ঘোর গহনে,  
 নীরব নিস্তরঙ্গ সব অমনি হইল ;  
 শুনিলা তৈরব নাদ—কে যেন কহিল  
 “অবোধ বালক ! তোর সাহস দর্শনে—  
 দেখিয়া প্রতিজ্ঞা পণ ভক্তি নিরমল  
 প্রীত আজ তোর প্রতি বৃষভ-বাহন ;  
 বর মাগ যেন বাঞ্ছা ।” “নয়নকমল  
 আহ্লাদে সভয়ে যোগী করি উন্মীলন,—  
 দেখিলা সম্মুখে এক রমণী রতন !  
 মেনকা উর্বশী রম্ভা নহে তিলোত্তমা ;—  
 পরমা রূপসী রামা ; ত্রিলোক-মণ্ডলে  
 না হেরি রমণী কোন সে রমণী সমা !  
 রূপের মাধুরী অঙ্গে পড়িছে উছলে ;—  
 নবীন রবির ছবি যৌবন-কমলে !  
 খেলিছে হাসিছে কত কান্তি নিরূপমা !  
 কি মরি মধুর চারু হৃদয় গঠন ;—  
 ভবেশ ভবানী রতি কুসুম-সায়ক  
 একত্র মিলিত, তায় পড়িলে নয়ন  
 সঙ্গম, বিশ্বয়, ভয়—হৃদি-বিদারক ।  
 আর সে বিষম বিষ ব্যথা ভয়ানক  
 অন্তর-অন্তরে আসি আবির্ভূত হয় !  
 ক্ষীণ কটি, ক্ষীণ দেহ, ভূজের ভঙ্গিয়া  
 মস্তক মৃণাল ; তায় কঙ্কণ বলয়

শোভিত স্মৃতিবে কত ! প্রেমের প্রতিমা  
 রমণীর শিরোমণি ; শারদ চন্দ্রিমা  
 নিশ্চল বদনে হাসে সদা হাসিময় ।  
 সে হাসির রূপরাশি কে বর্ণিতে পারে ?  
 কন্দর্প-কান্দুক ভুরু, ললাট নিটোল ;  
 নিবিড় নলিনী নীল নয়ন মাঝারে  
 কত যে ভাবের ছটা ঘটার হিলোল,—  
 অপাঙ্গ বিভঙ্গী বাঁকা ললিত বিলোল !  
 দেখিলা বিশ্বয়ে যোগী—নবীন যুবক ;—  
 কি ভাব যোগীর মনে উদিল দেখিয়া  
 যোগীই জানিল তাহা ; প্রদীপ্ত পাবক-  
 ক্ষুলিঙ্গ প্রথর দ্রুত উঠিল ফুটিয়া  
 মত্ত সৌদামিনী সম গম্ভীরে হাসিয়া  
 চাহিয়া প্রমদা পানে, “এই কি ত্র্যম্বক”  
 প্রমত্ত জলদমন্ত্রে যোগীন্দ্র স্মৃতিলা ।  
 “সম্বোধি, ভামিনি ! বল কি বলে তোমায়,—  
 মানবী কোণপী—কিংবা কি জন্যে আসিলা  
 শান্ত তপোবন-শান্তি ভাঙ্গিতে হেথায়  
 মায়াবিনি ! মরীচিকা সৃজিয়া মায়ায় ?  
 “অহিত-সাধনে তব, তাপস স্মৃতি !”  
 কত যে মধুর স্বরে কোকিলা-লাঞ্ছিত  
 ভঞ্জিয়া মৃণালভূজ কহিলা যুবতী,—  
 নয়ন-কমল-দল শর স্মৃশাগিত

হানিয়া যোগীন্দ্রবক্ষে, মদনবাহিত  
 কত যে মাধুর্য্য তার, রতি মায়াবতী !  
 শিখিবারে সে ভঙ্গিমা বুথাই প্রয়াস !  
 ক্ষীত-পীন বক্ষঃস্থল যোগাসনে ধীর,  
 কন্দর্পের দর্পহারী হেম কীর্ত্তিবাস !—  
 “আসি নাই হেথা আজি ; এ মম শরীর  
 মায়াতে গঠিত নহে—নহে নবনীর ;  
 পুড়িবে না গলিবে না অনল-উত্তাপে ;  
 অবলা রমণী পেয়ে, হা ধিক্ তোমায় !  
 এই কি হে যোগধর্ম্ম ?—যোগের প্রতাপে  
 নারীহত্যা করি চাও দেখাতে ধরায়  
 ব্রাহ্মণ্য প্রভাব—যোগ প্রবল প্রভায় !  
 এ কিরে খেদের কথা ! দারুণ সন্তাপে  
 দহে হিয়া যোগিরাজ ! কর সংবরণ  
 কোপানল, আসি নাই ছলিতে তোমায় ;  
 অবলা সরলা আমি, লয়েছি শরণ  
 তব যোগাশ্রমে, রক্ষ এই ভিক্ষা পায়,  
 ছরন্ত রাক্ষস করে ।” সহসা তথায়  
 “পাপীয়সি !” ঘোর শব্দে স্তম্ভি ত্রিভুবন  
 ভীষণ-দর্শন-মূর্ত্তি বিরূপাক্ষ বেশ,  
 মধ্যাহ্ন মিহির জিনি জ্বলিত বদন,  
 কম্পিত অধর ওষ্ঠ তান্রবর্ণ কেশ  
 উর্দ্ধমুখ, দৈত্য এক করিলা প্রবেশ

আশ্ফালি বিশালভুজ, ঘূর্ণিত লোচন,  
 প্রদীপ্ত পাবক-শিখা বাহিরিছে তায় ;  
 সর্বাঙ্গে ক্ষুণ্ণ রাশি ; পিঙ্গলবরণ ;  
 চণ্ডালের শবশিশু বিগলিত প্রায়,  
 অন্ধণে গলিত ক্লেদ বিকট দশন,  
 পরম সুখাদ্য ভাবি করিছে চৰ্চণ !  
 “পাপীয়সি ! কার সাধ্য এ ভবমণ্ডলে  
 রক্ষে তোরে মকরাক্ষে না করি সংহার ?  
 অদ্বিতীয় কিংবা কেবা তেজবীৰ্য্য বলে,  
 এ সূর্য্য প্রতাপ সয় ? শুনে নাম যার  
 হুরন্ত কৃতান্ত কাঁপে ! এমনি আমার  
 যোগের বিক্রম বল ; পাতাল অতলে  
 কম্পিত বাসুকী, দিবে দেব বজ্রধর ;  
 বৈকুণ্ঠে কম্পিত বিষ্ণু, কৈলাসে মহেশ ;  
 অনল নিম্প্রভ, রাহুগ্রস্ত প্রভাকর ;  
 গভীর জলধিজলে কম্পিত জলেশ,—  
 এরূপ এ দেহে বলবীৰ্য্য সমাবেশ !  
 “মনুষ্য সামান্য প্রাণী আহার আমার ;  
 ক্ষুদ্র কীট তুল্য তায় দলি এই পায় ;  
 এ দম্ভ দান্তিকা বালা ! কর পরিহার,—  
 দেবে নরে দৈত্যে কেহ রক্ষিতে তোমার  
 পারিবে না, অভিমানে মজিওনা হায় !  
 সৌভাগ্য, সৌভাগ্যবতি ! পরম তোমার,

মকরাক্ষ বক্ষপরে বিশালাক্ষী প্রায়  
 বিরাজিবে, বিশালাক্ষি ! রত্ন-অলঙ্কারে  
 সাজি মনোমত সাজে ! কখন কাহায়  
 এমন বিনীত ভাবে, যেমন তোমারে  
 সাধে নাই এই বীর—তোষ ধনি ! তারে ।  
 “অথবা, রমণি ! ভাগ্যে অশেষ লাঞ্ছনা  
 আছে তব, নহে কেন এ কুমতি হবে ?  
 উদ্ভিত মানসে মম আজি যে বাসনা  
 অবশ্য হইবে পূর্ণ, দেব দৈত্য সবে—  
 জানে রে জগৎ, ধনি !—কভু নাহি রবে  
 অপূর্ণ এ মন আশা, আশা-ভঙ্গ—এ বেদনা  
 জানি না, জানির কভু ? যদ্যপি নিতান্ত  
 না শুন মিনতি, এই দেহ বলশূন্য নয় ;  
 স্মরেছে তোমাকে তবে নিশ্চয় কৃতান্ত !  
 কেশে ধরি, স্নুকেশিনি ! আমার আশ্রয়  
 যাইব তোমারে লয়ে, জুড়াব হৃদয় !—”  
 করুণ চীৎকারে কাঁদি পাগলিনী প্রায়  
 চঞ্চল অঞ্চল চারু লুটায় ধরণী,  
 আলু থালু হাবভাব, যোগীবর পায়  
 “রক্ষ নাথ ! অভাগীরে !”—অমল-বরণী  
 বলিয়া ধূলায় লুটি পড়িলা রমণী ।  
 ধাবিল পশ্চাতে দৈত্য হুর্ভুত—উন্মাদ !—  
 অঙ্গ যার জর জর অনঙ্গ-শাসনে



থাকে কভু জ্ঞান তার ? ছাড়িয়া নিনাদ  
 মত্ত মেঘমল্ল সম । নিশ্চল নয়নে  
 নীরবে দেখিতে হিলা যোগী ছুই জনে  
 আপনা বিশ্বরি ভাবি এ কিরে প্রমাদ !—  
 স্বরূপ ঘটনা একি ? অথবা স্বপন ?  
 পিতৃবৈরি কিংবা অশ্রুধারির ছলনা ?  
 প্রসন্ন প্রসন্নময়ী-প্রসন্ন-কারণ  
 কিংবা চন্দ্রচূড় আজি এ মায়া রচনা  
 করিলা বুঝিতে মন ? এরূপ ভাবনা-  
 জড়িত হৃদয় মন ধীর তপোধন  
 অথচ অসহ্য দেখি দৈত্য-ব্যবহার,  
 কি কর্তব্য ভাবিছেন, ধরিয়া চরণ  
 পড়িলা রূপসী বাল্য, করিয়া বিস্তার  
 অপরূপ রূপরশি ! মুদি একবার  
 এ নয়ন, উন্মীলিয়া হৃদয়-নয়ন  
 গিরিশৃঙ্গে তপোধন বেষ্টিত অনলে,  
 পিঙ্গল সুদীর্ঘকায় দহুজ হুস্মতি ;  
 দেখে সে নবীন যোগী বদনমণ্ডলে  
 মণ্ডিত গম্ভীর ভাব,—নবীনা যুবতী  
 কঁাদ কঁাদ রূপ কত রমণীয় অতি—  
 প্রেমের প্রতিমা তাঁর চরণে লুটায় !  
 এ বিচিত্র চিত্র সম, ভাবুক সৃজন,  
 দেখেছ কুত্ৰাপি ? “ছাড় যোগীজ ! বামায়,—

সভয়ে সম্মুখে ক্ষিপ্ত করিয়া দংশন  
দশনে অধর, রাগে ঘুরায়ে লোচন  
কহিলা পিশাচ—“নহে জানিবা তোমায়  
এর সঙ্গে যেতে হবে শমন-ভবনে !  
তোমার সহ বিবাদিতে মন নাহি হয়,—  
আমারি এ নারী, যোগি !”—সজল নয়নে  
কহিলা রমণী—“রাখ যোগি মহাশয়,—  
সতীর সম্মান রাখ করি অনুময় ।  
অনাথিনী দেখে যদি দয়া নাহি হয়—  
না যদি ক্ষমতা থাকে সতীর সম্মান  
রক্ষিতে রক্ষস-করে, হইয়া সদয়  
এই বক্ষে হান হুয়া শানিত রূপাণ ;—  
তুমিও রমণী-গর্ভে, ভাবহে ধীমান,  
লয়েছ জনম, হয়ে ভয়েতে হৃদয়  
বিহ্বল, অবলা আমি, ক্ষমা ধর্ম তব,  
ক্ষম দোষ, রক্ষিবারে সতীত্ব-রতন,  
পতি বলে, পতিরূপ তাপস-পুঞ্জর,  
করৈছি সম্ভাষ, সেই পতির সদন  
অমূল্য সতীত্ব-ধন কর তা রক্ষণ !”  
কুপিত বিস্মিত যোগী—হৃদয় চঞ্চল,—  
ঘুরিল মস্তক, সেই সঙ্গে ত্রিভুবন  
দেখিলা ঘুরিতে ; কিন্তু সুর-কমল  
কামিনীর নিজ করে করিয়া গ্রহণ

কহিলা সুভাষে “মতি ! কর নিবারণ,—  
 মনহুখ, মুছ আঁখি, ত্যজ অশ্রুজল ;  
 করিলু অভয় দান দিলাম আশ্রয়,—  
 কার সাধ্য আর তব করে অপমান ?  
 যদ্যপি জীবনব্রত অসাধিত রয়,  
 তথাপি রক্ষিব তোমা, পণ মম প্রাণ ।  
 এত কহি মুছাইলা সে চন্দ্র-বয়ান ।  
 করায়ত্ত মুগশিশু হারায়ৈ যথায়  
 ক্ষুধার্ত কেশরী, ব্যাঘ্র, অথবা কণীর,—  
 মণ্ডুক বদন হতে পলাইয়া যায়—  
 ঘেরুপ ভীষণ ভাব ; কম্পিত শরীর  
 গরজি তরজি ক্ষণ দৈত্য মহাবীর  
 উপাড়ি প্রকাণ্ড-কাণ্ড তরু লয়ে ধায়  
 কালান্তের কাল সম, করিতে সংহার  
 যোগিরাজে ! কড় মড় করিছে দশন ;  
 লাটাপট পৃষ্ঠপরে করে জটাভার ;  
 দৃষ্টিতে অনল-বৃষ্টি স্রাষ্ট-বিনাশন !—  
 হাহা স্বরে মহাত্রাসে মুদ্রিয়া নয়ন  
 উন্মাদিনী সমা রামা কর-লতিকায়,  
 কত যে মধুর ভাবে হৃদয়ে হৃদয়  
 মিলাইয়া জড়াইয়া ধরিলা গলায় !  
 নিমীলিত নীলপদ্ম ; শ্বাস নাহি বয় ;  
 হৃদয়-স্পন্দন নাহি অনুভব হয় ;

তুষ্কার-ধবল সেই স্নানিশ্রল কার  
 নিশ্চল জীবন-শূন্য ! এদিকে সস্তাড়ি  
 বিশাল বিমানমার্গ কর্কশ নিখোঁষে,  
 মত্ত প্রতঙ্গনরূপে গহন উজাড়ি,  
 মহাদর্পে যোগিবরে আক্রমিলা রোষে,—  
 “মম তেজবীৰ্য্য-স্বৰ্য্য সিদ্ধবারি শোষে  
 যদিরে হেলায় চান্ন জান না হুঁশ্ৰুতি ?”  
 বলিয়া হানিল শির চূর্ণিতে যোগীর ।  
 অশক্ত উঠিতে, গলা জড়ায়ে যুবতী ;  
 কহিলা ঈষদ্ হাসি তপোধন ধীর,—  
 “সাধন প্রভাবে আগে মাটির শরীর  
 করেছি পাষণ, এই জ্ঞানের যুকতি ;  
 বৃথাই বিক্রম তোর দম্ব অহঙ্কার ;  
 শাণিত কুপাণ শেল দস্তোলির ঘাঘ  
 উঠে মাত্র ছতাশন ; সামান্য তোমার  
 তুণ তরু, বীরবর ! কুল লতিকায়,  
 হা লজ্জা ! বাসনা কর ভাস্মিতে তাহায় !”  
 বস্ত্রত দেখিয়া ব্যর্থ অব্যর্থ সন্ধান  
 দ্বিগুণ বাড়িল কোপ, গিরিশৃঙ্গ লয়ে  
 মহালক্ষ্মে ভূমিকম্পে, শব্দ হান্ হান্,  
 ধাইল উন্নত দৈত্য, ডুবাতে প্রলয়ে  
 বিশ্বধাম, ছিঁড়ি জটা, করিয়া হৃদয়ে  
 করাবাত, নাসারন্ধ্রে বাজিছে বিষাণ !

একেতে সহস্র মূর্তি, তেজঃপূজ তার  
 অদ্ভুত এমনি ! করে ঘন বরিষণ  
 পাহাড় পর্বত ! হাসে কাঁদে পুনর্বার  
 নাচে ধুব পায়, বুজে করিতে নিধন  
 মহেন্দ্র, ত্রিপুরে কিংবা দেব ত্রিলোচন ।  
 উজাড় করিলা বন, ভূধর ভাঙ্গিয়া  
 সমতল ক্ষেত্র তথা করিলা দানব ।  
 অনর্থ হইল সব ; ভেমতি বসিয়া  
 রাজর্ষি গম্ভীর ভাবে ! “কে তুমি মানব !—  
 অসাধ্য সাধন কভু মনুষ্যে সম্ভব ?  
 বাসব বিরিক্তি বিষ্ণু !”—বিস্ময় মানিয়া  
 পরিশ্রান্ত ক্লান্ত রণ করি কতক্ষণ  
 কহিলা রজনীচর—“কে তুমি পামর ?”  
 “সামান্য মনুষ্য, আমি দৈত্য ছরান্ন !  
 যোগবলে বার্থ্য তোর পর্বত পাথর,  
 বাঁচিতে বাসনা যদি, পলারে সত্তর ।”  
 “পলাব মায়াবি যোগি !—মায়াবী না হলে  
 এ জগতে সহ্য করে, কেবা এ প্রহার ?  
 পলাব, পাতকি ! আর সুখ-সিদ্ধিজলে  
 ভাসিবে রমণী-ধনে লইয়া আমার !”  
 উন্মত্তের মত হাসি দৈত্য কুলাঙ্গার  
 করিলা উত্তর “পলাব না—এই স্থলে  
 যদ্যপি মরিতে হয়, সেও শ্রেয়স্কর ।

রাখ্ তোর ইন্দ্রজাল, আয়রে মায়াবি,  
 বাহুবলে মায়া তোর ভাস্ত্রিব বর্ষর ;  
 মকরাক্ষ-ভক্ষ্য লয়ে কোথায় পলাবি ?—  
 তুইও, রাক্ষসি ! আয় আর কোথা যাবি ?”  
 রমণীর কেশ-গুচ্ছ, যোগি-জটাতার  
 বলিয়া ধরিলা দৈত্য মারিতে আছাড় ;  
 আবার গভীর শব্দে নিস্তব্ধ সংসার ;  
 আবার সে পদদন্তে বন তোলপাড় ;  
 আবার ভূকম্পে বন কাঁপিল পাহাড় ।  
 বিশ্বস্তর-মূর্তি যোগী ! হৃৎকার বঙ্কার  
 ছাড়িয়া সগর্বে দর্পে কত যে টানিল,—  
 উঠিত সে টানে বিশ্বমূল ছিঁড়ে তার,—  
 অটল অচল যোগী, কিছু না নড়িল,  
 পাংশুবর্ণ অংশুমালী দৈত্যের আকার,  
 জরাগ্রস্ত দ্রুত ঘুরে মস্তক, কান্তার,  
 “নিতান্ত মরিবি যদি, মর এই বার—  
 এতক্ষণ হয় নাই ক্রোধের উদয়,  
 অথবা ক্ষমার যোগ্য ছুট ছরাচার  
 নস্ তুই ; ধরা হতে যত হয় ক্ষয়  
 এইরূপ কষ্টকর কণ্টকনিচয়,  
 বিশ্বের ততই হিত, বাসুকীর ভার  
 ততই লাঘব হয় ।” বলি যোগিবর  
 ভীম যোগবলে মূর্তি ভীষণ ধরিল,—

পড়িল জলিত দৃষ্টি হৃষ্টের উপর,  
ছুটিল লোহিতনীল—দানব পুড়িল,—  
ভস্ম হয়ে বায়ুভরে দিগন্তে উড়িল !

ইতি শ্রীঅদৃষ্ট-বিজয়ে কাব্যে মায়ামরীচিকো নাম

পঞ্চমঃ সর্গঃ ।

## ষষ্ঠ সর্গ ।

অতল বিতল তল স্রুতল পাতালে  
ভীষণ-দর্শন পুরী ! তামস তরল  
উত্তুঙ্গ তরঙ্গমালা বিস্তারি বিক্রমে,  
অযুত ব্রহ্মাণ্ড সম পরিধি ব্যাপিয়া  
ঘুরিছে নীরবে নিত্য চতুর্দিকে তার  
স্রুনিবিড় ! কিবা রাত্রি, কিবা দিনমান  
নাহি ভেদাভেদ । ঘোর অমাবস্যা নিশা  
আচ্ছন্ন গগন ! শোক, হঃখ, ভয়, ক্রোধ,  
পাপ, তাপ, অভিষাপ, ভ্রমিছে উল্লাসে  
ধরিয়া বিভৎস বেশ, সে দেশে নিয়ত  
বিকট পিশাচবৃন্দ ! ঘোর অন্ধকার—  
দৃশ্যমান তাহে, হিংসা, দ্বেষ, জরা, মৃত্যু,

কলহ, সস্তাপ, রাগ, বিচ্ছেদ-বিরহ,  
 শ্মশান, মশান, চিতা, নিত্য প্রজ্বলিত—  
 স্ত্রী-হত্যা, গোহত্যা, ক্লেশ, স্পষ্ট প্রতিমূর্ত্তি  
 চারু চিত্রপটে যেন ! হতাশা—হায় রে,—  
 পুড়ি মর্মে নাশি ধর্মে পাপকর্ম তরে  
 রুক্ষকেশা ভীমবেশা করালবদনা,  
 লোল-জিহ্ব গজকর্ণা, জীর্ণ শীর্ণ ক্ষীণ-  
 দেহা, যক্ষ্মাগ্রস্ত প্রায়, উচ্ছ্বাসি হারব,  
 করি বক্ষে মন-ছঃথে নিত্য করাঘাত  
 ফিরিছে বেষ্টিয়া পুরী, প্রেতিনী যেমতি,  
 শুনেছি শৈশবে, এক নীরব নিশীথে  
 কাঁদি বাকুলিত ভাবে, ধরিয়া মস্তকে  
 প্রদীপ্ত পাবককুণ্ড, ফিরিত প্রত্যহ  
 সে দেশে, যে দেশ, আহা, করিব কল্লিত  
 প্রিয় স্বর্গপুরী হতে ! অবলা সরলা  
 প্রবাসে পতির মৃত্যু সংবাদে অথবা  
 (অসুত্যা সন্দেশ) সতী দেহান্তে মিলিতে  
 প্রাণপতি সঙ্গে, প্রাণ ত্যজিয়া অনলে  
 না পাই প্রাণেশে, মরি, মনের বিরাগে  
 নিশীথে জাহ্নবীকূলে শ্মশানে ঘেরিয়া  
 “পুড়িয়া মরিবু কিন্তু না পেলেম পতি”  
 বলি গুণবতী, অর্দ্ধদগ্ধ হৈম দেহ  
 গলিত স্থলিত, ক্ষীণ দীন অস্থিসার



নাড়ি ভুঁড়ি পরি, কাঁদি ভ্রমিত যেমতি  
শূন্য প্রাণমনে !—সদা এ সদম  
নিমগ্ন বিমর্ষ-কূপে—জলন্ত গরল ।

কেবা সে এমন পাপী এ ভব মণ্ডলে—  
নাহি প্রায়শ্চিত্ত যার,—স্বজিলা বিধাতা  
এ নিরয় তার তরে ? অথবা অযোনি-  
সম্ভব কমল-যোনি যোগেন্দ্র জাপক  
গঠিলা খেলার ছলে, মনের প্রপঞ্চে  
বক্ষিতে বিরিক্টি কাল, এ পুরী রৌরব  
উদ্দেশ্য বিহীন ? অসম্ভব ! না সম্ভবে  
খেলা বিধাতার । আরোহি পুলকে  
মানস-স্যান্দনে চারু—গতি যার বিশ্বে  
অতুল—ভ্রমেছি স্মৃথে—দেখেছি সকলি  
স্বর্গ, মর্ত্য, রসাতল, বৈকুণ্ঠ, কৈলাস ;  
নীরবে বিমান মার্গে মার্ভগু মণ্ডল  
স্থিত যথা জ্যোতির্নয় ; অথবা যেখানে  
বেষ্টিয়া পৃথিবী, শশী অমৃত সাগর  
ছড়ায়ে পিষুঘরাশি ঘুরিছে নিয়ত  
ছুঞ্চময় বস্ত্রে ; কিংবা যথা কলিদেব  
বিকট করাল মূর্ত্তি বসেন কুশলে ;—  
কল্পনা-দূতীর সাথে, একে একে সব  
ভ্রমেছি, দেখেছি কত কাণ্ড ভয়ঙ্কর  
নানা স্থানে ; রৌরবের পাবক উচ্ছ্বাস

বৈবস্বত নিকেতনে—যে কথা স্মরিলে  
 এখনো শিহরে আত্মা, দেখি নাই কভু  
 হেন ভয়ঙ্করী পুরী ত্রিভুবন মাঝে !  
 বিচিত্র ধর্মের গতি এ ভবমণ্ডলে  
 কে না জানে ? অপরূপ লীলা দেবতার  
 লীলাময় বিশ্বরাজ্য ! জলের তরঙ্গে  
 তুণ যথা, সেই মত ব্রহ্মাণ্ড মণ্ডল  
 প্রবল পয়োধি-জলে ডুবিছে ঘুরিছে—  
 উঠিছে ভাসিয়া পুনঃ—সতত চঞ্চল !

বসি এ ভীষণ ধামে নিমগ্ন বিবাদে  
 দৈত্যপতি বলিরাজ । বসি পদতলে  
 হায় রে যেমতি শচী মহেন্দ্র-মহিষী  
 যবে সে ছুর্কাসাশাঁপে শ্রীলঙ্কা অমরা,—  
 রূপসী দানববালা বৃন্দাবলী সতী  
 অশ্রুমুখী, অশ্রুমুখী নিশান্তে যেমতি  
 পারিজাত । নিরানন্দে নীরব প্রকৃতি  
 মাঝে মাঝে শুধু অত্যাচার নিশ্বাস শব্দ—  
 হৃদয় স্পন্দন, করিতেছে ব্যক্ত মাত্র  
 মর্ষ-বিদারক ব্যথা দৈত্যদম্পতীর ।

“আর কতকাল নাথ !” দম্বুজ-মহিলা  
 সুদীর্ঘ নিশ্বাস ত্যজি কহিলা স্তম্বে .  
 “থাকিব আমরা এই নরক-নিলয়ে  
 তমোময় ? বলেছিলে ‘বৃন্দাবলি ! ছলি

বনমালী মন বুঝিবার তরে, আসি  
 বামনের বেশে মাগি ত্রিপাদ পৃথিবী  
 দেখাইলা মায়া নিজ ; অবশ্য আবার  
 হবে তাঁর দয়া, দয়াময় তিনি, পাব  
 ত্রাণ পাপ স্থান হতে !' আশার আশ্বাসে  
 কত যুগ হল গত ; নিশ্বাস প্রশ্বাসে  
 হল উষ্ণ তমোরাশি ; সহিলাম কষ্ট  
 নিদারুণ, অপ্রসন্ন অদৃষ্ট তেমনি !  
 নিজ ছুঃখে নহি ছুঃখী, দেখি বাছাদের  
 মুখ বিমলিন, দহে প্রাণ নিশি দিন  
 আশীবিষ-বিষ-দাহে ! কি পাপে এ তাপ  
 দৈত্য-পতি ? করি নাই কারো মন্দ কণ্ডু ;  
 ভাবি নাই, প্রভু, মনে মন্দ ; দেখি নাই,  
 অশ্রুজলে ধরাতল না করি শীতল,  
 পর অমঙ্গল ! হিতচিন্তা, প্রাণকান্ত !  
 করিতাম সদা ; দেবপদে ভক্তি-ডোরে  
 ছিল বাঁধা মন ;—হৃদিপদ্মে পূজিয়াছি  
 বিষ্ণুপাদপদ্ম নিরবধি ; কিন্তু হায়,  
 বাম বিধি, গুণনিধি ! বিফল সকলি  
 হল ভাগ্যদোষে । যদি আরাধনা-ফল  
 এইরূপ, ভূপ ! ছিল জানা শিখাইলে  
 কেন তবে দেবপূজা ? পূজিলে আপনি  
 অসার সংসার-সুখে দিয়া বিসর্জন

অনশনে একমনে অমর-চরণে ?  
 আজো পূজ কি লাগিয়া, নারি বুঝিবারে  
 তব মনোভাব, ভয়ে বিহ্বল হৃদয়,  
 ভাবি আর কত আছে ক্লেশ অবশেষে  
 দাসীর ললাটে ; ত্যজ নাথ তপঃ জপ ।  
 মরণে মরণ নহে ক্লেশমাত্র সার ।”

হাসি উত্তরিল বালি দানব-ঈশ্বর—  
 “ প্রাণেশ্বর ! পূজে হরি জানি এ পতন ;  
 ভেবেছিহু যোগে লভি দেববল যাব  
 ত্যজি ধরাতল, স্মৃথে আরোহি পুষ্পকে  
 সুরপুর, তিনপুর গাবে ষশোগান  
 উচ্চ তানে ; কিন্তু, সতি ! হল অধোগতি  
 মতিভ্রমে ; পেয়ে চিন্তামণি নারিলাম  
 চিনিবারে ! কিন্তু দেবি ! ছুঃখ পরিহর—  
 মূরহর বাঁধা ভক্তি-ডোরে ; সমাধি সাধন,  
 ভাবিও না, বিধুমুখি ! হরেছে বিফল ।  
 কিবা লাভ মোক্ষপদে, যে পদরাজীব  
 ধরেছি মস্তকে, সুরাসুর-নর-বাঞ্ছা ;—  
 সার্থক জীবন তাহে ; হরেছেন হরি  
 অবতরি মম গৃহে বামনের বেশে  
 পদে মম পাপদেহ পাপতাপ রাশি .  
 পরশিরা ! করিয়াছি দান ত্রিভুবন ;  
 হুমিকেশ ঋণী মম পাশ, কারে আর

ভয় মম ভবধামে ? দেব ব্যোমকেশ  
 অলকা অঞ্জলি দিয়া যোগাচলে বসি  
 ভাবেন যোগেন্দ্র যারে, মৃত্যুঞ্জয়, দেবি !—  
 আদ্যাশক্তি মহামায়া ; যে নাম মধুর  
 জপিলে দিনান্তে মহাপাপী যার চলি  
 অবহেলে মোক্ষধামে, সে মধুসূদন  
 বৈকুণ্ঠ ত্যজিয়া আসি দাসেরে তারিতে  
 পদতলে দিলা স্থান ;—আছে স্থান মম—  
 স্বর্গমর্ত্য হতে ভিন্ন ; সেই পাদপদ্মে  
 স্নানস্নান, পদামুখি ! মিলিব সত্ত্বর ।  
 এইত প্রেরসি ! মম কামনা বাসনা !”

আহ্লাদে, হ্লাদিনী যেন উন্মাদিনী প্রায়  
 মুছি আঁখি স্নলোচনা দানবমহিষী—  
 তবে কি এখনো আশা আছে, প্রাণপতি !  
 তরিবার ? এ আঁধার ত্যজি পুনর্বার  
 ভাস্বর ভাস্বর-ভাতি চাঁদের চন্দ্ৰিমা  
 পাব দেখিবারে ? করিয়াছ ত্রিভুবন  
 দান, জনার্দনে, দেব ! অসুর-মর্দন ;—  
 ভেবেছিলু নাহি স্থান । এত দিন তবে,  
 আছে স্থান যদি, নাথ ! জানিতে অন্তরে,  
 সহিলে এ ক্রেশ কেন, কহ তা দাসীরে ?”  
 নীরবিলা নলিনাক্ষী । উত্তরিল বসি :—  
 “সে কেবল কমলিনি ! কমলা-কান্তরে

দেখাইতে মন মম ইহাতেও নহে  
 বিচলিত ; দেব প্রতি নহে ভক্তিহীন ;  
 পারে সে আঁধারে বলি যাগিতে জীবন ।  
 কুরঙ্গ-নয়নি ! নহে ভেবেছ কি মনে  
 ত্রিভুবন সনে আমি সে পদ-পঙ্কজ  
 করিয়াছি দান ? হৃদিপদ্মে, প্রাণপ্রিয়ে !  
 রেখেছি যতনে অতি ক্ষোদিয়া সে পদ—  
 অমূল রতন ; চেয়ে দেখ” বলি বলি  
 নমাইলা শিরঃ—“চেয়ে দেখ, স্নুকেশিনি !  
 সে পদ কমল এই মস্তকে আমার !  
 অবস্থার সনে সতি ! মিলায়ে মানস,  
 বঞ্চ আর কিছুকাল, অবিলম্বে পুনঃ  
 আনন্দে আনন্দময়ি ! পশিব নন্দনে ।”

রমণী-রতনে তবে দহুজ-রতন  
 প্রবোধি এরূপে ধীর গুপ্ত মন্ত্র-গৃহে  
 প্রবেশি মুদিয়া আঁখি হৃদিপদ্মে রাখি  
 কর-পদ্ম ভক্তিভাবে, কুশাসনে বসি  
 চিন্তি কতক্ষণ পুনঃ কহিতে লাগিলা :—  
 “অচিন্ত্য চিন্ময়-মায়ী, কি ভাবে কখন  
 থাকেন কমলাপতি কে পারে বুঝিতে ?  
 নশ্বর সকলি এই নশ্বর জগতে ;  
 সম নীর গিরি ! ভুঞ্জে লোক নিজ নিজ  
 কৰ্ম্মফল । ভেবেছিহু পূজি পীতাম্বরে ।

পাব মোক্ষপদ, অবহেলে যাব তরি—  
 (পেয়েছিলা পদ !)—আরোহিয়া পদতরী  
 ভবার্ণব ; হায় ! মম ভাগ্যদোষে হল  
 অধোগতি ! কিন্তু জানি যা করেন হরি  
 সকলি মঙ্গলহেতু—হরিতে জীবের  
 পাপ তাপ । জগতের সাধিতে মঙ্গল,  
 অথবা দেখাতে নিজ মহিমা অপার,  
 অথবা বুঝিতে, করি দান ত্রিভুবন,  
 পারে কি পাতালবাসী বুঝিতে দানব  
 আছে স্থান রাঙা পায়, ছলিলা দাসেরে  
 বনমালী ! কিন্তু মরি জড়িত আপনি  
 নিজ জালে যত্নপতি ! হুজ্জ্বল যেমতি  
 পূর্বে সে পড়িলা কাঁদে—হায় কি নির্যোধ !—  
 গৃহ মাঝে বসি দিয়া সিঁধ নিজ গেহে  
 করিতে পরের মন্দ ; অথবা যেমতি  
 স্বর্ণতারমুত্রশিল্পী । দেখিব কেমনে  
 না করেন রাঙা পায় স্থান দান দাসে  
 দয়াময় ; দিয়া পুনঃ অথবা কেমনে  
 লন কাড়ি ; ছাড়ি নাহি দিব অনাস্বাসে ।  
 হরিলা কংসের দর্প যেক্রপে কংসারি  
 দেববলে, যোগবলে এবার তেমনি  
 কংস-অরি-দর্প হরি প্রকাশিব ভবে  
 যোগের মহাত্মা ! কি প্রপঞ্চে পঞ্চতপে

বাসব বিরিক্ষি বিষ্ণু করেন বঞ্চিত  
দেখিব কেমনে কিংবা প্রাক্তন শঙ্কর । ”

এরূপে হৃদয়-বেগে বিদায় প্রদানি  
কিঞ্চিং বিরাম পাই লাগিলা ভ্রমিতে  
গৃহ মাঝে দৈত্যপতি । কভু প্রসারিত  
কভু সঙ্কুচিত উচ্চ ললাট নিটোল !  
হেন কালে তথা উপনীত অংশুমালী  
জ্যেষ্ঠ পুত্র তাঁর ; ধীর, শাস্ত ; দীর্ঘদেহ,  
গম্ভীর-মূরতি ; তপ জপ যাগ যজ্ঞ  
রত সদা দানধ্যানে ; অটল সমরে  
কার্তিকৈয় যথা । প্রণমিয়া পিতৃপদে  
পদধূলী ধরি শিরে কহিলা কুমার :—

“ হে পিতঃ ! পাতালে হয় পতন যখন  
মায়াতে বিমোহি আঁখি সৃজি মরীচিকা  
দেখালে অপূৰ্ণ সৃষ্টি ; ক্রমেতে বিগত  
হল কত কাল, পূরিল না মন আশা ।  
কলিতে যখন জীব কলুষেতে ভারী  
ডুবিবে পাতালে, বলেছিলে, হে রাজন !—  
নাহি কি স্মরণ ?—সেই পাপী জীবে পুনঃ  
করিতে উদ্ধার, ছলিলেন চক্রপাণি  
তোমাতে কুচক্রী । জীব, পিতঃ ! দূরে থাক,  
চেয়ে দেখ পাপভারে ডুবিছে পাতালে  
বহুমতি, নাহি বৃষ্টি সৃষ্টিনাশহেতু ;



শনির শাগিত দৃষ্টি ;—কবে আর, দেব,  
 প্রকাশিয়া যোগবল রক্ষিবে জগৎ ?  
 অই দেখ লক্ষি ধরা স্তূদূর শূন্যেতে  
 লক্ষ নব গ্রহ ঘোর অমঙ্গল-মূল  
 ছুটিছে সবেগে, মত্ত সৌদামিনী যথা  
 ঢালি দীপ্ত অগ্নিশিখা ! অচিরে অবনী  
 হবে ভস্ম, কারে আর রক্ষিবে তখন ?  
 অনুমতি দাসে দেহ, দলুজ-ঈশ্বর ;  
 উঠাইব এ কলঙ্ক-রেখা ললাটের  
 বর্ষি স্তূদর্শনে । রাখিও না বদ্ধ করি  
 জড়তা-শৃঙ্খলে ; বলিপুত্র অংশুমালী  
 বাসনা বারেক, পিতঃ ! দেখাই জগতে ! ”

“ সত্য যা বলেছি পুত্র ; ” কহিলা রাজেন্দ্র  
 নীরবিলে অংশুমালী । “ রচি মরীচিকা  
 মোহি নাই মন । যোগবলে পারে জীব  
 হইতে অমর তুল্য ; প্রয়াস করিলে  
 মৃত্তিকা পুস্তলী পারে অসাধ্য সাধিতে,—  
 ফিরাতে অদৃষ্ট-গতি, এ সব দেখাতে  
 ছিলি কেবল কৃষ্ণ, জানিবে নিশ্চয় ।  
 আবদ্ধনিয়তিনেমি নিত্য ঘূর্ণমান  
 চরাচর ; কভু দুঃখ, আনন্দ কভু বা  
 করে ভোগ লোক পরিবর্তন যেমতি ।  
 সত্য যা কহিলে তুমি ডুবিছে পৃথিবী

কাল-জলে,—সমাগত আশারও সময় ।  
 এই দৈত্যবংশ, পুত্র, ত্রিলোক-বিখ্যাত ;  
 সাধিতে জীবের হিত হরিলা হেলায়  
 স্বর্গ হতে অগ্নি দৈত্য অগ্নিহোত্র নাম—  
 দৈত্যবংশ-অবতঃস ! কত যে যাতনা  
 দিলা স্বরীশ্বর ! মম ভাগ্যে সেই ফল,  
 সাধিতে মঙ্গল । ভগ্নোদ্যম, প্রাণাধিক,  
 হয় নাই প্রাণ ; এই বক্ষ সেই শিলা ;  
 অভয় হৃদয় সেই ;—পতনের সহ  
 প্রতিজ্ঞা বাড়িল কত ! কাঞ্চন যেমতি  
 হতাশন-যোগে, এই দেহ মম, বৎস !  
 বিগুহ্ব তেমতি বিষ্ণুপদ-পরশনে ।  
 পাষণ মানবী হয় যে পদ পরশে,  
 দানব দেবতা হবে ধরিয়া মস্তকে  
 সে পদ-রাজীব, নহে বিচিত্র কুমার !  
 বিগুহ্ব পবিত্র যাহা তাহার সংহার  
 অসম্ভব ! অনায়াসে এ বক্ষ কঠিন  
 দন্তোলীর দস্ত চূর্ণ করিতে সক্ষম ;  
 এ মস্তকে—বিষ্ণুপদে—সকলি বিফল—  
 ইন্ধের অশনি কিংবা ধূর্জটী-ত্রিশূল ;  
 দণ্ডধর-দণ্ড কিংবা ভাগ্যের লেখনী ।  
 নিশ্চিন্ত নিতান্ত আমি, পুত্র বীরোত্তম,  
 নহি মুহূর্ত্তেক, মুহূর্ত্তে চিন্তাবলী,

তরঙ্গ উপরে যথা তরঙ্গ আঘাত  
 সিদ্ধুজলে, নম হৃদে উথিত পতিত ;  
 ভাঙ্গি রোধ এক দিন অবশ্য ধাবিবে  
 গ্রাসিতে ব্রহ্মাণ্ড, অনিবার্য্য সেই গতি  
 কে রোধিবে ? শচীকান্তে, উমাকান্তে, বৎস,  
 কমলাকান্তে আমি বারেক দেখিব ।  
 কি জন্য উতলা, পুত্র, হতেছ এমন ?  
 নহে তৃপ্ত, কুলর্ষভ, অদ্যাপি তোমার  
 রণ সাধ ? আছ বদ্ধ আজ ত হুদিন  
 এই ঘোর অন্ধকূপে, নতুবা তনয়  
 জীবন করেছ ক্ষয় সমরে সমরে,  
 মণ্ডিত করেছ মণি-মস্তক-মুকুট  
 কীর্ত্তি-শশধরে ; টলমল স্বর্গ মর্ত্য  
 তব বাহুবলে, কি মান লভিবে আর  
 সমর-বিজয়ী জয় লভিয়া সমরে ?  
 তথাপি বাসনা যদি, জেন রে কুমার  
 এ সংগ্রাম-সাধ তব অবশ্য মিটাব ।”  
 “ কবে তবে পিতঃ ! করিয়া ধারণ  
 যোগবলে তেজঃপূঞ্জ দেবতা-শরীর—”  
 উত্তরিল অংগুমালী—“ উজ্জলি অশ্বর  
 বিপুল আলোকপুঞ্জে, বিস্তারি আনন্দে  
 স্বর্ণপক্ষ লক্ষ লক্ষ ব্রহ্মাণ্ড লভিয়া  
 যাব চলি মোক্ষধামে, আমাদের সহ

লভিবে কৈবল্য যত পতিত মানব ?”

হাসিয়া ঈষদ বলি কহিলা নন্দনে :—

“ যোগে, বৎস ! ধরি দেবদেহ সুরপুত্রে  
যাবে না দানব । যোগবলে বাহুবল  
মিশায়ে বুঝিব, বলি, নমুচি-মর্দনে—  
বহ্নি সহ বিবস্বত ; বুঝিব কেশবে  
আহবে তুমুল ; সুরকুল সমতুল  
করি যোগে দৈত্যকূলে, তুলে ফুল দলে  
মনোভব যথা ভ্রমরের হলে জুড়ি  
শর, অনশ্বর বলে করিব আঁধার ;  
শংখরবে পূরি ভব, পড়িব গায়ত্রী  
উচ্চ তানে, সেই বাণে দেখিব কেমনে  
অমরমণ্ডল সয় সমরপ্রাক্ষণে !

যাও তুমি দৈত্যমাঝে হুন্দুভিনিনাদে  
বিঘোষিত কর, পুত্র ! এ শুভ সংবাদ  
স্বরাশ্রিত ; পূজুক সকলে রাধানাথে ।

উড়াও স্তবর্ণকেতু মন্দির-শিখরে,—  
মম গৃহচূড়ে, ঘোরতম তমোমাঝে  
হুলুক দামিনী, আঁকি আশা-ইন্দ্র-ধনু  
মানস-আকাশে ! বহুকাল সবে, হায়,  
নিমগ্ন তিমিরে, ভেরী—মন্ত্রে রণ-মন্ত্র  
পাঠায়ে শ্রবণ-রঞ্জে, জাগাও সকলে ;  
নিজ নিজ অস্ত্র শস্ত্র করুক শাণিত

এই বেলা ; হয় হস্তী স্যন্দন নিকর  
 করুক সজ্জিত ; বিশ্বকর্ষ্মকায়ে স্বরা  
 আনিয়া এখানেে কহ করিতে নিৰ্ম্মাণ  
 নব নব শর, অসি, বন্দুক, কামান,  
 বর্ষ, চৰ্ম্ম, শিরস্ত্রাণ, সংগ্রাম-ভূষণ ।  
 বাজুক চৌদিকে বাদ্য ; গভীর গভরে  
 অগ্নিগিরি বক্ষে যথা ঘুরুক নিনাদ ।  
 বলির উত্থান, বৎস, জাহ্নুক ত্রিলোক ।”

নীরবিলা বলি । উত্তরিল দৈত্যস্বজ :  
 “এ কি পিতা পরিহাস ? যদ্যপি অন্তরে  
 একান্ত বাসনা রণে বারেক বুঝিতে  
 রমাপতি-বল ; নহি ভীত ক্ষণকাল  
 চক্রগদা বজ্ররেখা হৃদয়ে ধরিতে ।  
 যদ্যপি একান্ত সাধ,—জীবন কামনা,  
 দিগ্বিজয়ী বেশে, দৈত্য চতুরঙ্গ দল  
 লয়ে সঙ্গে মহারঙ্গে, পূর্বে সে যেমতি  
 জিনিলা ত্রিলোক বলে লঙ্কা-অধিপতি,  
 উড়ায়ে বিজয়-ধ্বজা করি পর্যাটন  
 স্বর্গে স্বর্গে গ্রহে গ্রহে ; জিনিব সকলে  
 কি সংশয় ; কিন্তু নাহি জিনিব মাধবে ।  
 তথাপি ভেরনা, পিতঃ, ভীত পুত্র তব  
 ঘুচাতে মনের এই দারুণ সংশয় ।  
 এ অসম্ভব কার্য্য, দেব ! সত্য কি সম্ভব

ক্ষুদ্র জীবে ? এই যুক্তি মুক্তির যদ্যপি  
করিয়াছ স্থির, তবে জানিহু নিশ্চয়  
আকাশ-কুসুম আশা ! শক্তিহীন জীব  
দেব ! দেবশক্তি পাশে । অধিক চিন্তার  
বুঝিহু বারিজনন—চিন্তের বিকার !”

সক্ৰোধে অথচ ধীর মধুর গন্তীরে  
ভৎসিয়া তনয়ে পুনঃ দলুজ-ঈশ্বর :—  
“ গুরু আমি তব, পুত্র, উপহাস তায়  
অনুচিত ; কেমনে জানিলে, কহ পুত্র,  
জিজ্ঞাসি তোমায়, কহ, বিজ্ঞতম তুমি,  
চিন্তের বিকার মম অদৃষ্ট-বিজয় ?  
অথবা বালক তুমি, বুধা এ ভৎসনা ।  
প্রবঞ্চক নহি বৎস ; সংকল্প, প্রতিজ্ঞা,  
বীরত্ব, বিক্রম, বীৰ্য্য, উদ্যমশীলতা  
সুস্থির চিন্ততা অধ্যবসায়শীলতা,  
সাহস, উৎসাহ, যার দৃষ্টি দূরতর  
নিয়তি অধীন তার । হব যে তনয়  
ধর্মবলে বাহুবলে ভবসিদ্ধ পার,  
সন্দেহ কি বিন্দুমাত্র ! প্রত্যক্ষ তোমারে  
দেখাইব যোগবল ।” এতেক কহিয়া  
শাণিত ছুরিকা এক হানিলা হৃদয়ে  
দৈত্য রাজ, তীর সম ছুটিল তাহাতে  
খরোঞ্চ শোণিত-স্রোত ; রবিকর যথা.

ঢাকে ক্রমে ধরাতল, ফোয়ারা হইতে  
 উঠে কিবা বারিরাশি ; ঢাকিল তেমতি  
 ছত্রাকারে ক্রমে ক্রমে বিস্তারিত হয়ে  
 বিন্দু বিন্দুরূপে নভ-মণ্ডল শোণিত ।  
 কত রাহু, ধূমকেতু, শনি শুক্র সোম  
 ত্রিষাম্পতি জলধনু বোম আচ্ছাদিয়া  
 কত বা নক্ষত্র—নীল পাটল লোহিত  
 নিবিড় ধূম্রল ঘোর, পীত বা হরিত—  
 নানা বর্ণ, সমুদিত হল সে আকাশে !  
 সবিস্ময়ে অংশুমালী দেখিলা তাহাতে  
 অটল-অচল-মূর্তি ধনুর্ধর দ্বয়ে  
 বদ্ধপরিকর ; ভীম ভূজে মহাধনু—  
 গাণ্ডীব পিনাক, পৃষ্ঠে নিষঙ্গ বিশাল ;  
 কোষে কাল অসি ; রুদ্র যথা রুদ্রপতি  
 ত্রিপুর-সংহারে ! বীরদ্বয়ে পরিবেষ্টি  
 প্রাণী কোটি কোটি লক্ষ, পরা বীর সাজ—  
 যুবক যুবতী বৃদ্ধ প্রৌঢ় বা প্রাচীন—  
 ব্রাহ্মণ ক্ষত্রিয় শূদ্র দৈত্য বা কৰ্করুর,—  
 মত্ত রণমদে,—কালী কিংবা ভীমসেন,—  
 পুরুষ, প্রমদা ! ইন্দ্র চন্দ্র সৰ্বভূক  
 পবন প্রচেতা বিষ্ণু বৃষভবাহনে  
 দেখিলা নিম্নভ, যথা নিম্নভ গাণ্ডীবী,  
 হরিলে হরির মনে নিষাদ হুম্মতি

পদ্ম-প্রসবণকূলে হরিণী-বিলসে,  
 কৃষ্ণতেজঃ ; কিংবা হায় সূর্য্যকান্ত মণি  
 ঢাকিলে বারিদ-পুঞ্জ মরীচিমালীরে,  
 অথবা সিন্দূর বিন্দু শান্তবী ললাটে  
 দলিতে দুর্ন্দদ দৈত্যে যবে সে ভবানী  
 উরিল মোহিনীরূপে বিদ্যাচল-বনে ;  
 অথবা সতীত্ব-হীন পরমা রূপসী ;  
 পণ্ডিত শিষ্যের মাঝে মুখ' গুরু কিবা ।  
 দ্বিগুণ নিশ্চভ, কাল প্রতিবিশ্ব-ছায়া  
 আচ্ছাদিলে ছায়াপতি ধরিত্রী যেমতি ।  
 লক্ষ লক্ষ কোটি দেব পতিত চৌদিকে  
 মুচ্ছাগত, সত্তা হায়, অন্তত্ব সার,  
 অতি দূর দূরতর দূর অন্তরীক্ষে  
 যোজন যোজন দূরে তারাবৃন্দ যথা,  
 শৈশবের প্রিয় স্বপ্ন-স্মৃতি বা যেমতি !  
 উত্তপ্ত বালুকাপরে বসি এক পাশে  
 বিদগ্ধ মলিন মুখ নির্দয় নিয়তি  
 বেঁটিত সৈমুমে ! উড়িছে অযুত কোটি  
 মানব বিজয়-ধ্বজা, ধূমকেতুরূপে  
 উজলি চমকি নভঃ । শুনিলা যেমতি  
 স্বপ্নে প্রিয়া-কণ্ঠরব মুরজ মুরলী  
 মন্দিরা সেতার বীণা রবাব মিলিত  
 প্রবাসে প্রণয়ী যেন, কোলাহল কত



উৎসবে, উদিলে ভবে সুখদ শরতে,  
 সারদা সঙ্কেতে রঞ্জে শারদা আশ্বিনে  
 পূর্ণ বঙ্গভূমি যথা আনন্দ-সঙ্গীতে  
 দেব দোলে বৃন্দাবন ; অথবা আহবে  
 সংহারি নিগুপ্ত গুপ্তে হেরম্বজননী  
 লাঘবি অনন্ত-ভার, নিস্তারি ত্রিদশে,  
 প্রবেশিলে হৈমবতী অম্বর উজলি,  
 আনন্দে অমরাবতী মাতিল যেমতি ;  
 বন্দিল অমরবৃন্দ—ইন্দ্র পুরন্দর ;  
 বন্দনা গাইল বন্দী, ক্ষীরাক্ষি-নন্দিনী,  
 নাচিল উর্বশী রস্তা, মধুর বাদিত্র  
 বাজিল মধুর ; প্রাণ মন প্রমোদিত  
 যে রবে অথবা ! “ পিতঃ ! কহিলা কুমার  
 পুলকে প্রফুল্ল নেত্র, সত্য বা স্বপন,  
 দেখিলাম যাহা ? ” “ সত্য সব, প্রাণাধিক ;  
 ঘটবে অচিরে এই অদ্ভুত ঘটনা ।  
 একা আমি হতে কিন্তু, বলি তা তোমারে  
 ঘটবে না এ ঘটনা ! হৃদয় নয়নে  
 ভূতভাবী বর্তমান করতলস্থিত  
 নিরখি আলেখ্য সম ; বিষ্ণুযশঃ স্মৃত,  
 বৎস ! মোক্ষ সেতু মম ; করিবে তাঁহার  
 ব্রাহ্মণ্য প্রভাব জয় যোগতেজ মম ।  
 এই হুই তেজে কিন্তু মিলিয়া যে তেজ

উৎপন্ন হইবে, তাহা মথিবে অম্বর !  
 ওই যে দেখিলে বীর গিরিশঙ্গ সম  
 সুদীর্ঘ অটল, সুবিস্তীর্ণ বক্ষঃস্থল ;  
 আজানুলম্বিত ভুজ, বলীবদ্ধ কন্ধ ;  
 উন্নত ললাট খণ্ড, দোদণ্ড প্রতাপ,  
 প্রচণ্ড ব্রাহ্মণ্যতেজ সর্বাস্থে ক্ষরিছে,  
 মার্ত্তণ্ড-ময়ূখ-রাশি কুশানু-মার্জিত ;  
 করালী মৃড়ানী সমা ভরঙ্করী বামা,  
 দৃঢ়বদ্ধ করে অসি, অনুচ্চ অপর্ণা—  
 সরলা শরম, ব্রীড়া ক্রীড়া নীলোৎপলে  
 অথচ সতত ব্যস্ত, বামভাগে বার  
 এলোকেশী, অট্টহাসি আস্যে অনিবার,  
 ফিরিছে ঘুরিছে চল চঞ্চলা যেমতি  
 নাচিছে, গাইছে,—বৎস ! কঙ্কীদের অই !  
 প্রভঞ্নে স্নানপুরে করিয়া প্রেরণ  
 জানাও অমর-বৃন্দে ; জ্ঞান-শরাসনে  
 জুড়ি যোগ ব্রহ্মতেজ ধৈর্য্য পণ গুণে  
 স্বীর-দর্পে—শীত অন্তে কাল সর্প যথা,  
 পুরাণ কঙ্কুক ত্যজি নববীৰ্য্যবান,—  
 আবার উঠিছে বলি দৈত্য-অধিপতি,  
 সাজুন সংগ্রামে তাঁরা । যাও, বৎস ! যাও,  
 সচেতন দৈত্যকূলে—দৈত্যকুল-রবি,  
 কর ছবি-দানে ; জানাইব কঙ্কীদেবে

সময় আসিলে মম মনের বাসনা ।”

এত কহি হৃষ্ট-চিত্তে দৈত্য-কুলমণি  
বসিলা পূজায় । চলি গেলা অংশুমালী,  
অংশুমালী হরিদশ্ব অস্ত্রগামী যথা,  
রাজাদেশ জানাতে সবায় । মহানন্দে  
আনন্দি পাতাল, বন্দী ভীত মন্দ নাদে  
গাইলা মঙ্গলগীত—“ উঠ দৈত্যকুল,  
সাজিছে সমরে বলি দৈত্য-অধিপতি  
যোগবলে দেববল বিক্রম দলনে ।

উঠ সবে, সাজ রণে যে যেখানে আছ—  
তরুণ তরুণী বৃদ্ধ প্রাচীনা বালিকা ;  
এমন সুখের দিন হবে না কখন  
পুনর্বার, এই বেলা স্ববীৰ্য্য প্রকাশি,—  
প্রকাশি দানব তেজ, প্রতিজ্ঞা, সাহস,  
অনিবার্য্য বীৰ্য্যরাশি, বদান্যতা, ক্ষমা,  
অমরে সমরে দান হৃদয়-শোণিত  
কর কিংবা প্রাণ, রাখ দৈত্য-কুল মান !  
হে বীরমণ্ডল ! প্রতিবিধিৎসিতে যোর  
মনের সস্তাপ, ধর চাপ সাপইষু,  
গুভদিন আজি । সরমের, সুলোচনে !  
বিস্তর সময় আছে, তোমরাও এস  
হুলাও প্রমথনাথ হৃদে তারাহার !  
জাগ হে পাতালপুরি ! পুরি মহোৎসবে

তমোরাশি ; গজ্জি তজ্জি, ভীষণ ভূজঙ্গ,  
তেজ সহ তেজ রাশি মিশাও কোতুকে ।

এ শুভ সংবাদ, বায়ু জানাও সকলে ।”

দৈত্য-গৃহ চূড়ে চূড়ে সুবর্ণ কেতন

ধুম্রল আকাশ-মার্গে ধূমকেতু রূপে

আকুলি বাসুকী মন উড়িল অমনি ।

তুরী, ভেরী, শঙ্খ বাজে পটহ ছন্দুভি

ভীমরোলে ; সৈন্যবৃন্দ লাগিল সাজিতে

বীরদর্পে ; হেঘি হয় উঠিল আন্ধন্দি ;

নাদিল নাগেন্দ্র শুণ্ড আক্ষালিয়া, শুনি

রণবাদ্য উর্দ্ধ কর্ণে ! অস্ত্রের ঝন্ঝনি

উঠিল কর্কশ ; দোলে অসি, হাসে চারু

চন্দ্রহাস, কাদম্বিনী-কোলে সৌদামিনী

যথা ; গজ্জি তুণীরে কলস্ব খরতর

কালকুট ভরা, যথা কুণ্ডলিত ফণী

বিবরে ! সভয়ে আসি বসিলা গড়িতে

নূতন আয়ুধরাজি অভেদ্য অদ্ভুত

বিশ্বকর্মা । অগ্নিকুণ্ডে জলিল অনল,—

কাল যামিনীতে কাল কৃতান্তের হাসি,—

নীলোজ্জ্বল ভীম ! স্ননিবিড় ধূমপুঞ্জ

স্তম্ভাকারে উঠি স্ননিবিড় তমজালে

করিল নিবিড়তম ! ফুৎকারে গজ্জিয়া

জাঁতা, সর্প চক্র সম ; রাশি রাশি লৌহ .

লাগিল পুড়িতে, আর ধাতু নানা মত ।  
 ধাতুশ্রব কর্দম প্রভৃতি, অগ্নিগিরি  
 হতে যেন ধায় কলকলে ; মুদগরের  
 ভীম শব্দে স্তব্ধ বিশ্বোদর ; কল্লোলিল  
 সিন্ধুজল ; দীপ্ত লৌহ স্ফুলিঙ্গ আবলী  
 ছুটে চতুর্দিকে বেগে, উদ্ধাপুঞ্জ সম  
 সে তিমিরে ! অপরূপ গড়িলা বিবিধ  
 অস্ত্র-শস্ত্র ; কালমুখ গড়িলা কলঙ্ক  
 বিশ্বভেদী, অনিবার্য্য-তেজ, বসি মুখে  
 কালান্তক কাল তার ! অব্যর্থ-সন্ধান ;  
 গড়িলা যুগল ইষু কালসর্প মুখে ;  
 আর যে গড়িলা কত, শেল শক্তি গদা  
 তোমর ভোমর, চর্ম্ম বর্ম্ম শিরস্ত্রাণ  
 নারাচ রূপাণ জাঠা, পাশ ভল্ল জাঠী  
 যমদণ্ড সম দণ্ড মণ্ডিত রতনে, —  
 অমোঘ, সংহার-মূর্ত্তি ! ডুবাতে হেলাস  
 নিবিড় নীলাশ্বনিধি অশ্বর উদরে  
 সংগ্রাম অর্ণবযান পোত-সৈন্য সনে  
 গড়িল গরুড়ধ্বজ যন্ত্র চমৎকার ;  
 অদৃশ্যে বারুদপূর্ণ ভাসিবে আকাশে,  
 সময়ে পাবকস্পর্শে, দিবে রসাতলে  
 সুর-অনীকিনী ! ইন্দ্রচাপ সম চাপ  
 গড়িলা কোদণ্ড ভীম ; কামান নূতন

লক্ষ মণ লোহগোলা লক্ষ-ক্রোশ-গামী  
 ছুটিবে নিমেষে যার অযুত অযুত,—  
 এমনি কোশল, কারু ; বন্দুক পিস্তল  
 অভিনব রব যার অযুত মুহূর্তে  
 ব্রহ্ম অস্ত্র ! রসাতল আকুল অকালে  
 ভীম রাবে ! বিশ্বজন না বুঝি কারণ  
 ভাবিলা সভয়ে, শুনি নিনাদ গন্তীর  
 ডুবাতে প্রলয়ে বিশ্ব, পাবনে গন্ধকে  
 পাবকে কর্দমে বায়ু ধাতব পদার্থে  
 ঘোর যুদ্ধ ধরাগর্ভে ! অস্থির অনন্ত ;  
 ভূমিকম্পে ঘন ঘন কাঁপিলা মেদিনী ।  
 ইতি শ্রীঅদৃষ্ট-বিজয়ে কাব্যে বলি-উত্থানো নাম  
 ষষ্ঠঃ সর্গঃ ।

## সপ্তম সর্গ ।

আনন্দ-নন্দন বনে অদিতি-নন্দন  
 নিরানন্দ মনে একা দেবেন্দ্র একদা  
 মন্দে মন্দে অরিন্দম ছিলেন ভ্রমিতে  
 নিদ্রিত নিশিতে । নিশা বটে, কিন্তু কবি  
 ত্রিদশ-নিশার রূপ বর্ণিবে কেমনে ?  
 যোগীন্দ্র-মানস-সরঃ-সরোজ-কানন

ললিত নিৰ্মল স্নিগ্ধ কাঞ্চন-প্রাচীরে  
 বেষ্টিত যেমতি ! মণি মুক্তা মরকতে—  
 মন্দাকিনী-গর্ভোদ্ধৃত,—রঞ্জিত দেউল  
 মায়াময়,—তারাপুঞ্জ নীলাশ্বরে যেন ;  
 ঝরিছে কিরণরাশি উছলে তাহাতে,—  
 যুবতী-যৌবনে যথা রূপের তুফান  
 রক্তোৎপলে ভান্নভাতি ! নাহি তমোলেশ !  
 নিৰ্মল আকাশে চারু চন্দ্রাতপ সম  
 শোভিছে শারদ চন্দ্র,—সম্পূর্ণ, সুন্দর ;  
 তারা রাশি রাশি হাসি সে শশীর গায়  
 ঝুলিছে, ঝালরে গজমুকুতা-গঞ্জরী ;  
 অথবা অমৃতসিন্ধু মণ্ডিত রতনে,  
 বিতরি বিমল বিভা ; রজত কৌমুদী  
 শুভ্র, শান্ত, স্নিগ্ধ, পূত পরিমলময়  
 রয়েছে ঘুমায়ে স্তম্ভ অমরা হৃদয়ে !—  
 মায়াবতী-বিষাধরে মন্থন-চূষন ।  
 গঠিত ত্রিদশতল ফুল-ফুলদলে  
 মনঃশিলা ; মায়ারূপ তরু পারিজাত,  
 বিকসিত তাহে পুষ্পরাজি, কুমারের  
 হাসি সম । হিম-অংশু-বিশ্ব কিংবা নব  
 শিশুমুখে । বহে মন্দ গন্ধবহ, বহি  
 মকরন্দ ; অন্ধ অলি অক্ষম উড়িতে  
 করে গুঞ্জরব ; গায় ত্রাদব-বিহঙ্গ

কলকঠ । পাড়াইতে ঘুম অমরের,  
 তান মান লয়ে, গান নীরব মধুরে  
 আপনি সঙ্গীত ; বাজে বাদ্য মূহুরোলে ;  
 মধুময়ী স্বপ্নবশে প্রবাসীর যথা  
 প্রেমালাপ প্রিয়াসনে ! গোকুল বিপিনে  
 যমুনা-পুলিনে কিংবা মোহন মুরলী-  
 ধ্বনি, মুরারির বিম্বাধরে ! নাচে মায়া  
 মায়াবতী, বাজে পায় রতন নুপুর,  
 রুণু রুণু মঞ্জীর মঞ্জুল, কণ কণ  
 কিঙ্কিণী কটিতে ক্ষীণ, মধুর নিকণ,—  
 বিষ্ণুর বন্দনাদ্বনি পদ্মালয়ে যথা  
 পদ্মবোনি-মুখে, বেদ পাঠ যোগাশ্রমে ;  
 মলয়-নিব্বন কিংবা কুসুম-কাননে  
 মধুমাসে ; ইষ্টদেব মধুর সম্ভাষ  
 নবীন যোগীর কর্ণে, অথবা যেমতি  
 দেখ, সখি, মধুকর অধর দংশিছে,  
 এ স্বর দুঃস্বস্ত-হৃদে কণ্ঠতপোবনে ।  
 উছলে ছলে চলে লহরে লহরে  
 নাচি, মেঘ-কোলে কাল চপলা রূপসী—  
 নহে তীক্ষ্ণ, নিক্ক অতি, রূপে রমি আঁখি,—  
 রমণী-হৃদয়-পদ্মে মুক্তাহার যথা,—  
 চৌদিকে লাবণ্য, সুরতরঙ্গিণীরূপা  
 সুরঙ্গ-রঙ্গিণী । ভ্রমে অমর-প্রহরী,



ছায়াহীন কায়া, নিরাকার, জ্যোতিরূপে,—  
 স্বপন-সম্ভব বাল-সুহৃদ-প্রতিমা,—  
 ধীরে ধীরে পুষ্পদলে, নিঃশব্দে নীরবে,  
 ধরি গ্রহরণ, স্নুকোমল, কিন্তু বিশ্ব—  
 ভেদী তেজঃপুঞ্জ ! সারি সারি সুরনারী,  
 স্নলোচনা স্নকেশিনী, নবীন-যৌবনা,  
 পরি চন্দ্রহাস, হাসি ফিরে ধীরে ধীরে,  
 হাব ভাব, বিলাস-বিভঙ্গী, অনুপম,  
 মায়া ছায়ারূপে, সরসিজদলে কিংবা  
 মনসিজকোলে কমনীয় প্রেমচিত্র  
 মানস-চিত্রিত ; কিংবা বৃন্দাবন-ধামে  
 রাসমঞ্চে ব্রজবালা ! বিস্তারিয়া স্নখে  
 শান্তি, শান্তপক্ষ নিজ—স্বর্ণ আভাময়,—  
 ব্রহ্ম-অণু যথা, মরি, ব্রহ্মা প্রসবিনী,  
 রক্ষিলা কারণ-জলে যত্নে আদ্যাশক্তি,  
 রেখেছেন বৈজয়ন্ত তেজতি ঢাকিয়া ।  
 স্নযুগ্ম অমরবৃন্দ অমর-অঙ্গনা,  
 পুষ্প-শয্যাপরে ; স্নশীতল স্নধাসারে  
 আবরিত দেহ-অংগ, মুখানি হাসিছে,  
 চন্দ্রডিম্ব-বিশ্ব কিংবা অম্বর প্রদেশে  
 শরদে, শারদা-হৃদে সরোজ অথবা ।  
 ভ্রমিছেন মন্দগতি নীরবে বাসব  
 চিন্তাকুল ; মায়াবনে মায়া-দেহ যেন ।

নিন্দি ইন্দীবর নীল সহস্র লোচন  
 শোভিত শরীর, নীলকান্তি মণিরাজি  
 খচিত সুবর্ণগিরি ! বিশ্রাম বিরাম—  
 নাহি নিদ্রা, পৌলমীর হৃদয়-মন্দির  
 আঁধারি, কুসুমশয্যা ত্যজিয়া কি রাগে  
 ভ্রমেন ত্রিদশপতি বিরস বদনে  
 এ সুখ সময়ে একা নন্দন-কাননে ?  
 বাঁচিলা কি বিভ্রান্তর ? আক্রমিলা পুনঃ  
 রক্ষপতি কুম্ভকর্ণ সনে সর্গধাম,  
 বাঁচি মরি এ কাল কণিতে ? কেবা কিংবা  
 গায় দোষ গুণ কিবা স্বকর্ণে শুনিতে,  
 নীরবে ভ্রমেন রাজা, গুপ্ত চররূপে,  
 রজনীতে ! অমরার অথবা দেখিতে  
 সুষুপ্ত প্রসন্নভাব—প্রকৃতি নিশ্চল ?

ঝর ঝর রবে যথা মুক্তাগিরি হতে  
 লাবণ্য উদ্যানে ছিল যৌবন-মুকুতা—  
 ঝরিতে নির্ঝরে, প্রেম-সরোবর পাশে,  
 অনন্ত আনন্দ রূপে প্রীতি-পদ্মদল  
 আনন্দে ফুটিতেছিল, স্ফটিক আসনে  
 বসিয়া গোখলী তথা ছিলেন সাজাতে  
 কবরী, হাসিতেছিল উষা সুধাময়ী  
 ঢল ঢল ভাবে রাগে লালিত্যের ভারে,  
 করি স্নান অমৃত-আসারে, পরি ভালে

অনিন্দ্য সিন্দূর বিন্দু, বসি পাশে তাঁর ।  
 “চল তবে প্রাণসখি ! প্রভাত রজনী”  
 কহিলা সূস্বরে উষা জ্বলন্ত হাসিয়া,  
 “না দেখিলে দিনমণি হাসিমুখ মম  
 উন্মীলি নয়ন-পদ্ম—কত যে আমারে  
 বাসেন প্রাণেশ ভাল কব তা কেমনে ?—  
 হন দিশাহারা । মরি লাজে, সহচরি !  
 দেখে রঙ্গ তাঁর ! দীপালোক দেখি লোক  
 চলে যথা ধরি পথ, তপন তেমতি  
 আমার পশ্চাদ্গামী । ঘুরাই কত যে—  
 রমণী চাতুরী, সখি ! কে পারে বুঝিতে ?—  
 কত রঙ্গ আমিও, স্বজনি ! করি সদা  
 রবি সনে, হাসি পায় স্মরিলে সে কথা ;  
 প্রসারি সহস্র কর পুলকে যেমতি  
 আসেন ধরিতে বক্ষে আদিত্য আমারে  
 সরে যাই, ইন্দ্রধনু যথা, পায় পায়  
 হাসি মৃদু মৃদু, পাছে পাছে ধীরে ধীরে  
 ফিরেন ভাস্কর । আসি আমি বসি পুনঃ  
 এ নির্ঝর পাশে ; এইরূপে দিবাকরে  
 ঘুরাই সতত, সখি ! কচিৎ মিশিয়া  
 হৃদয়-কমলে তাঁর থাকিলো হাসিতে ।  
 চল সখি ! চল গিয়া জগতে জাগাই ।”

নীরবিলা উষা ধরি গোধূলির গলা ।

“যাবি যদি বোন্, তবে” গোধূলী কহিলা  
 “ভাল করে দিই আয় সাজায়ে তোমায় ।  
 বড়ই চঞ্চলা তুই ; আজো না শিখিলি  
 ভাল করে বেশ তুষা করিতে আপন !  
 আলু থালু কেশ গুলি, আলু থালু বেশ  
 চঞ্চল অঞ্চল তোর লুটায় ধুলায় ;—  
 রাব্ ভাই রঙ্গ, বস্ত্র পর ভাল করে ;  
 শরমের মাথা খেয়ে থাকিস্ কেমনে  
 পবন সরায়ে দিলে হৃদয় বসন ?  
 হাসে দেখ্, মরি ! এই পুষ্পগুচ্ছ বুঝি  
 কর্ণে পরিবার ? আ মরণ ! হলি কি লো ?—  
 হরি ! হরি ! পাদপদ্ম হৃদি-পদ্ম হার  
 পরিলি কেমনে, পাগলি ! দেখ দেখি চেয়ে  
 এখন কেমন রূপ—খুলিল সুন্দর ?  
 চল তবে—ও কি ! খোঁপা ফেলিলি খুলিয়া ?  
 অনিল উড়ায়ে লয়ে চলিল ছুঁল !—  
 পারিব না তোরে বোন্ ; দেখিনি কখন  
 কুঁত্রাপি এমন মেয়ে ; কোথাকার ছল  
 ছলালি কোথায় !—দ্বেরি হল—বস্, পুনঃ—  
 আবার সাজায়ে দিই,—পরাই বসন”  
 রঙ্গিনী রমণী উবা, গোধূলী গম্ভীর,  
 আবার লাগিলা চুল বাঁধিতে তাঁহার :—  
 বাঁধিতে লাগিলা আর কহিতে লাগিলা :—

“ আর তুই, উষা, নন্ বালিকা এখন ;  
 তিরস্কার আর করা অনুচিত, দেখে  
 তোরে অনুপম রূপ-মাধুরী-লহরী—  
 হাসে ধরাতল, লাজে কাঁদে সৌদামিনী,  
 লুকায়ে নীরদে, নিজ মান নিজ হাতে ;  
 ত্যজি রঙ্গ ভঙ্গ লীলা, পাগলিনী ভাব,  
 ধীর শাস্ত ভাব ধর, শিখ বেশভূষা,  
 উষা, বলি বার বার ! নহে হবে ভার  
 আর তব উদয় ভূতলে । এত দিন  
 সাজিত সকলি ; তুচ্ছ ভাবি, দেবি তুমি,  
 নরলোকে, যাহা ইচ্ছা পারিতে করিতে ;  
 না নিন্দিত কেহ ; কিন্তু দেখ ধরাধাম  
 দ্বিতীয় কৈলাস হল,—অথবা অচিরে  
 হইবে নিশ্চয়, সখি ; ভাবিতে যাদের  
 মৃগায় পুতলী, সেই নর হবে কালি,  
 দেবগর্ভ খর্ব করি, পরম দেবতা  
 যোগবলে, গুনিয়াছি সখি, ব্রহ্মলোকে  
 প্রজাপতি-মুখে । একে হত দেবমান  
 হইল, হরিণ-নেত্রা, একুপে যদ্যপি  
 বেহারার বেশে, এস তুমি বিষ্ণুলোক  
 নিন্দিকে তোমায়, উপহাস নরদল  
 হাসিবে, ভাবিয়া সব সুর-বরাদ্বিগী  
 এইরূপ ; তাই বলি রঙ্গ পরিহর । ”

হাসিয়া চলিয়া পড়ি এত যে ধতনে  
 বাঁধিলা গোধূলী খোঁপা বেণী বিনাইয়া  
 বসায়ে কুসুম শ্রেণী, সে খোঁপা খুলিয়া,  
 ফেলি দূরে অজরাজি, জিজ্ঞাসিলা উষা :—  
 “হাসালে গোধূলি! নর অমর হইবে  
 এ স্বপ্ন দেখিলে কোথা?”—“হাসিওনা, উষা,”  
 গোধূলী গভীর ভাবে উত্তর করিলা ;—  
 “বিধির এ লিপি। যোগতেজঃ ব্রহ্মতেজঃ  
 গান্ধীৰ্য্য প্রতিজ্ঞা পণ উদ্যমশীলতা  
 অদ্ভুত তেজের এক হইবে উদ্ভব  
 একত্রে মিলিয়া ; খদ্যোতিকা যথা, সখি !  
 মার্ভণ্ড উদয়ে, লুকাইবে সেইরূপ  
 নিশির শিশিরবিন্দু পল্লপর্ণে কিবা,—  
 দেবতেজঃ, সে তেজ সকাশে। করি ভর  
 ব্রহ্মতেজে যোগতেজ লভিতে সাধিয়া,  
 কঠোর কঠিন তপে বিযুষশঃ-স্নত  
 মগ্ন কঙ্কীদের ; তাঁর বল বিনোদিনী,  
 কি কব তোমারে ? বসি মহাযোগে যবে  
 দ্বাদশবর্ষীয় শিশু,—হেসনা এরূপ,  
 নহে পরিহাস—কত মাস, কত যুগ  
 করিল বিগত, ভগ্নোদ্যম নহে তবু !  
 গণিয়া প্রমাদ মনে মহেন্দ্র সে দিন  
 দেখি তাঁর পণ, ছিলা মায়ারে পাঠায়ে .

ছলে ছলি ভাঙ্গিতে সমাধি ; যথা পূর্বে,  
 ভাঙ্গিলা মেনকা বিশ্বামিত্র যোগার্চনা,  
 নিতম্বিনী উরি তপোবনে ; মহাদর্পে,  
 কন্দর্প যেমতি গেলা হিমাদ্রি শিখরে  
 ভাঙ্গিতে যোগীন্দ্রযোগ, চলি গেলা মায়া,  
 বৃন্দাচল-শৃঙ্গে যথা নবীন তাপস  
 মগ্ন তপে । পাছে নারে নারী মায়াময়ী,—  
 হুর্কোধ নরের—মুগ্ধ করিতে কুমারে,  
 ভুলায়ে প্রকৃত এক মানবী কামিনী  
 লয়ে সঙ্গে কত রঙ্গ করিলা কাননে,  
 পূজিলা অনঙ্গে, ভঙ্গ করিতে সমাধি ।  
 পরাভব মনোভব, পলাইলা ভয়ে  
 শঙ্করারি রিপু-মূর্ত্তি—রোদ্ভ ভাব দেখি !  
 হয়ে যোগতেজ মায়া অক্ষম সহিতে  
 রাখি রমণীয়ে বনে সরিলা সরমে  
 স্মর সহ । লাজে আজো দেবরাজে নিজ  
 পরাভব জানাতে নারিলা বৈজয়ন্তে  
 আসি । রূপে রিমোহিত রমণী সেখানে ;  
 পারে যদি যোগ সেই ভাঙ্গিতে কৌশলে  
 তবে ত মঙ্গল ; মানি মায়া পরাজয়  
 যার কাছে, গেলা পলাইয়া, অসম্ভব  
 মানবী সেখানে লাভ করিবে বিজয় ।  
 অন্তরালে থাকি সব দেব আখণ্ডল

করিল। শ্রবণ । উষা সহ যথাকালে  
 যাইল গোধূলী চলি । “করিলু যে ভয়ে”  
 ভাবিল। সুরেন্দ্র, “বনবাসী বিষ্ণুযশে,  
 কৌশলে বলিরে ছলি রাখিলু পাতালে,  
 উপস্থিত পুনঃ সেই ভয় । কি উপায়ে  
 পুনর্বার সাধি সাধ ? ইন্দ্রের ইন্দ্রত্ব  
 থাকিবে যাবত, পণ দিব না মানবে  
 তুলিতে মস্তক । এত দর্প অহঙ্কার  
 বাসবে বুঝিতে চায় মানব নশ্বর !  
 ব্রাহ্মণ্য প্রভাব তেজঃ যোগবীর্য বল  
 দেখিব প্রবল কত ।—এই যোগবলে,  
 হয়ে অন্ধ বিষ্ণুযশঃ করেছিল সাধ  
 দর্পভরে হরে নর, হইতে অমর, —  
 উঠিতে মস্তকে লজ্জি সোপান আবলী !—  
 পুত্র তার আজ হায়, ফিরাবে প্রাক্তন !  
 যদবধি বৈজয়ন্ত মম করতলে,  
 মানবে দেবের দাস করিয়া রাখিব  
 তদবধি ; নিজবলে না পূজি বাসবে—  
 দিব না — প্রতিজ্ঞা মম—লভিতে তাহার  
 মোক্ষপদ ;—পূজ শক্রে অগ্রে, উঠ পরে,—  
 অলজ্য নিয়ম এই করিলু বন্ধন  
 আজ আমি ; উল্লজ্জিবে এ বিধি যে জন  
 গর্ভভরে, গর্ভ খর্ব করিয়া তাহার



ভীষণ দন্তোলিষায় দিব রসাতল ।  
 চূর্ণিবে দেবেন্দ্র-দর্প, এত অহঙ্কার  
 মানুষের !—করে জয় অদৃষ্ট কেমনে—  
 কেমনে আমার বিধি লঙ্ঘন বিধাতা ;  
 কেমনে শ্রীপতি তাই দেখিব এবার  
 রক্ষেন রাজেন্দ্রপুত্রে বিরোধী হইলে  
 বজ্রধর ?—লজ্জা নাই হেথা দৈত্যপতি  
 দেখাইতে ভয় দিলা পাঠায় পবনে  
 কহি তাঁর রণসজ্জা বুঝিতে সমরে  
 মম বল ! কার বলে পতন পাতালে  
 জিজ্ঞাসি তাঁহার ? স্বরহর বৈশ্বানর  
 কুবের বরুণ ব্রহ্মা যম বিভাবস্থ  
 পদসেবা মোক্ষ আশে করুন তাঁহার,  
 ইন্দ্র কারো দাস নয় দেখিবে জগৎ ।

নিশ্বাসিয়া স্বরীশ্বর আক্ষেপি বিষাদে  
 বসিলা নির্ঝরপার্শ্বে কল্লতরু-মূলে ।  
 উপনীত মায়া তথা । “জানি আমি, দেবি,  
 গভীরে দন্তোলিধর দেবীরে কহিলা,  
 “জানি আমি তব মায়া ভেঙ্গেছে মানব,  
 মায়াদেবি ! এস নাই তাই লজ্জাবশে  
 এতদিন” হেথা । ত্যজ হুঃখ মহামায়া ;  
 দেব হতে শক্তি ধরে মানুষ অধিক  
 জানিলাম এত দিনে ! কিবা দোষ তব ?

দেবের দেবত্ব-ধ্বংস শৌরি-আকাজ্জিত ।  
 কিন্তু, দেবি ! জেন মনে—যদ্যপি প্রলয়ে  
 ডুবাতে ব্রহ্মাণ্ড হয়, ডুবাব আনন্দে ;  
 দেবের লাঞ্ছনা, দেবি ! দিবনা করিতে  
 চক্রধরে । কাজ নাই মায়া বা কোশলে ;  
 প্রকাশ্যে মানবে কব—“মানব হুন্নতি !  
 ত্যজ হুরাকাজ্জা ; কব আগে পীতাম্বরে  
 রাখিতে দেবের মান দমিয়া মানবে ।  
 না যদি মানব গুনে, বজ্রাঘাতে তার  
 চূর্ণিব মস্তক ; বিধু যদি হন বাম,  
 জীমূত-অশনি-মল্ল-ঐরাবত-নাদে  
 মিশায়ে ছন্দুভি-রোলে করিব ঘোষণা  
 ত্রিলোক-ঈশ্বর ইন্দ্র, আদেশ তাঁহার,  
 সুর, নর, যক্ষ, রক্ষ, গুন দৈত্য, নাগ,  
 চাহে সে সবার বল বুদ্ধিতে সমরে,  
 একে একে কিংবা সবে একত্র মিলিয়া  
 দেহ আসি রণ তারে । যে জন হারিবে  
 ক্রীতদাস বেশে তারে হইবে পূজিতে  
 বজ্রীপদ ; বজ্রাঘাতে নতুবা ভীষণ  
 উড়াব পোড়ায়, নহে দিব রসাতল ।  
 যাও তুমি নিজ স্থান ; চলিলাম আমি  
 জানাতে বাসনা মম কমলাপতিরে ।”

এত কহি ক্ষণকাল না করি বিলম্ব

গেলা চলি জন্তুভেদী । গেলা চলি মায়া  
বিস্ময়স্তিমিত নেত্রে নেহারি বাসবে ।

নববীর্য্য বলে বলী করভ যেমতি  
বিশাল বিটপী শাখা ভাঙ্গিয়া বিক্রমে  
হেরে স্থখে নিজ অঙ্গ নয়ন বিস্তারি ;  
বিস্মিত যোগীন্দ্র হেথা, প্রফুল্ল পুলকে  
যোগাশ্রমে, যোগবল দেখিয়া আপন ।  
গান্তীৰ্য্য প্রতিজ্ঞা পণ আনন্দে মিলিয়া  
হাসিল বদনে নেত্রে ; ভাবিলা কুমার  
সার্থক সমাধি, এত দিনে কুলমান  
পারিবেন উদ্ধারিতে, দণ্ডিয়া দ্বিষতে  
তুমুল সংগ্রামে । ধীরে ধীরে শিরে হাত  
বুলায়ে দেখিলা সেই নির্দয় প্রহার  
সহিল কেমনে । হৃদয়ের গূঢ়তম  
কন্দর মাঝারে কত আনন্দ অশ্রুধি  
আশার হিল্লোলে নাচি উঠিল নিনাদি  
আঘাতিল বেলাভূমে, কে পারে বর্ণিতে  
বিনা সে তাপস ? নহে চিত্ত বিচলিত  
বিপদসম্পদে যার, বাঁধা সদা দৃঢ়  
ভাবে ; বিপদের সহ নির্ভয়ে যে জন  
করেছে সমর, সেই কিছু এর মৰ্ম্ম  
বুঝিতে সক্ষম । মত্ত কাদম্বিনী নাদে  
কত যে মাধুর্য্য কিংবা অশনিসম্পাতে

কিংবা দূর বারিধি-কল্লোলে, ভাসি স্নুখে  
 সংগ্রাম-সাগরে যেই বীরেন্দ্র-কেশরী  
 উদ্ধারিতে জননীর কিরীট কুণ্ডল  
 শুনেছে কোদণ্ডধ্বনি, গজের গর্জন,  
 হেয়ারব তুরঙ্গের, বীরের হুঙ্কার  
 বীরমদে ; দেখিয়াছে ধাঁধিয়া নয়ন  
 তীর তারা উদ্ধাপাত দ্রুত ইরম্মদ,  
 উর্দ্ধফণা ফণী কিংবা প্রমত্তা দামিনী ;  
 অরাতি-হৃদয় বিধি থরোঞ্চ শোণিত  
 করিয়াছে পান কুতূহলে, পিতৃলোকে  
 ভুবেছে তর্পণে, সেই জন যদি কভু  
 সক্ষম কিঞ্চিৎ সাধ বুঝিতে তাহার।  
 এখনো মূচ্ছিত সেই ললনা-ললাম  
 পড়ি যোগিপদতলে। মুখ-শশধর  
 পাণ্ডুবর্ণ, আভাহীন গণ্ড, কষুকণ্ঠ ;  
 শ্যামল কোমল নীল নবীন উৎপল  
 নিমীলিত আঁখি ; আলু থালু কেশপাশ,  
 অনাবৃত বক্ষঃস্থল, কোরক কমল  
 উচ্চ কুচ মনোহর, গজমতি হার  
 ছলিছে খেলিছে তায় ; ভাবে অল্পভব  
 শল্পুশিরে মনোভব হেম কষু ভরি .  
 ঢালিছেন সুরধুনী-ধারা ! স্পন্দহীন  
 দেহ, নিপতিত সতী, হায়রে যেমতি

রূপের প্রতিমা সুষ্প, কিংবা তিলোত্তমা !  
 নীরবে নিশ্চল নেত্রে, তৃষিত হৃদয়ে  
 দেখিলা রূপের সেই নীরব প্রতিমা  
 অপরূপ ! পুষ্পদলে নিদ্রিত যেমতি  
 মনোরথ ; কত সুখ পাইলা দেখিয়া !  
 নয়ন ফিরাতে চান, ফিরে না নয়ন,—  
 আকর্ষিত আকর্ষণে ! ভুজঙ্গ যেমতি,  
 মোহিল হৃদয় মন ; মুদিলা নয়ন,  
 হৃদয়-মন্দিরে রক্ত রাজীব-আসনে  
 দেখিলা সে সুখতারা ! মনে মনে প্রাণে  
 মিশিয়াছে রূপরাশি ! গভীর হৃদয়ে  
 কি ভাব যোগীর আজ উদিত সহসা  
 কহিব কেমনে ? সিদ্ধু যথা হেরি ইন্দু  
 উদিত গগনে উঠে ফুলি হেলি ছলি  
 উল্লাসে উৎসবে হাসি ; আশার উৎসাহে  
 প্রমদা রূপের চাঁদ মানস-অশ্বরে  
 যৌবনের পূর্ণিমাতে প্রকটিত দেখি  
 যোগীর আনন্দ-সিদ্ধু উঠিল আন্দোলি  
 সেইরূপ ! সুখময় দেখিলা সকলি—  
 মত্ত মহোৎসবে ! শাখে পাখীর কাকলী  
 মধুময় ; বাজনার ললিত শিঞ্জিত,—  
 ঢোলক, তবলা, বীণা, মন্দীরা, মুরলী,  
 তরল-জল-তরঙ্গ, রবাব প্রভৃতি—

শুনিল পুলকে ; নাচে পরী বিদ্যাধরী ;  
 গায় গীত মধুকণ্ঠে, মধুরে মধুর  
 রূপের লহরী সনে স্রস্বর লহরী  
 মিশায় মধুরতর,—দেখিল বিশ্বয়ে  
 কুঞ্জবনে ! নাহি তপোবন—জনশূন্য—  
 ভরস্কর ; প্রমোদ উদ্যানে রাসমঞ্চ  
 রমিছে চৌদিকে ; ফুলবন উপবন,  
 সরসী তড়াগ বাপী ; তরু নানা জাতি ;—  
 চম্পক, রজনীগন্ধা, সেঁউতী, গোলাপ  
 মল্লীকা, মালতী, জুঁই, জাতি, সেফালিকা,  
 মাধবী, মাধবসখী, চারু তরুলতা,—  
 শোভিতনবপল্লবে, ফুল ফুলদলে  
 ফুললতা ; মধু পান করিছে কৌতুকে  
 শিলীমুখ ; স্রধা-উৎস উঠিছে উছলি,  
 করি মন্দ কলরব ; ঝরিছে নির্ঝরে  
 বারিরাশি ; শোভে রাজপ্রাসাদ সদৃশ  
 সুরম্য নগরী মাঝে, সৌধমালা-স্বর্ণ-  
 কিরীটিনী ! এসুখসদনে নিরখিলা  
 যোগিবর সমাসীন সুখে, মহাতেজে  
 রাজেন্দ্র যেমতি, দ্বিরদ-রদ-নির্মিত  
 রত্নাসনে, অলঙ্কৃত রাজপরিচ্ছদে  
 অমূল, অতুল মণি-মুকুট মস্তকে,  
 শ্রবণে কুণ্ডল। বসি পাশে সূহাসিনী

রমণী-রতন-মণি রাজরাণীরূপে  
 রূপসী পরম ! ধরি ছত্র ছত্রধর—  
 অশ্বিনী কুমার কিংবা ঋন্দ তারকারি ;  
 বেরি তাঁর দলে দলে ঘুরিছে হাসিয়া  
 নাচি রঙ্গে বালাবুজ, মার্ভণ্ডে বেষ্টিয়া  
 গ্রহ উপগ্রহ কিংবা শশাঙ্কমণ্ডলে  
 নক্ষত্রমণ্ডল যথা ; অথবা গোকুলে  
 বেষ্টিত গোপিনীগণ রাধিকাবল্লভ ;  
 শমন ধূজ্জটি যহি দ্রুহিণ অথবা  
 বেষ্টিত শ্রীপতি কিংবা বৈকুণ্ঠ ভবনে ।  
 পড়িছে চৌদিকে ঝরি গান্তীৰ্য্য গরিমা,  
 গৌরব সম্পদ মান তেজঃদৰ্প কত  
 ত্রিষাম্পতি-জ্যোতি সম ; কিংবা সৰ্বভূক  
 ভক্ষিলা খাণ্ডব যবে । হাসিলা ঈষদ  
 দেখি এ প্রপঞ্চ বলী । বিশাল ললাটে  
 বিন্দু বিন্দু স্বেদবারি হইল গলিত,  
 শিশির মুকুতা-বিন্দু অরবিন্দ দলে,  
 সপ্তমীর শশধরে অথবা যেমতি  
 উজ্জ্বল তারকা মালা ! নীরবে কুমার  
 কতক্ষণ করি পান সে রূপ মাধুরী  
 কহিতে লাগিলা—“দেখি এই অপরূপ  
 রূপের লহরী, মরি, নাহি মন কার  
 শোক-হুঃখ-পাপ-পূর্ণ বিষের সংসার

ত্যজিয়া সুদূর বন-নির্জ্জন-নিগমে  
 শান্তিধাম, পশি স্মৃথে এ প্রমদা সনে  
 চায় রে যাপিতে দিন ? অথবা অলীক  
 এ সব কল্পনা নাকি ? বিরোধী কি পুনঃ  
 মহেন্দ্র, সাধিতে বাদ সুখসাধ মম,  
 পাঠাইলা মায়াবিনী কামিনী কমলে,—  
 সে দৈত্য দুর্শ্বদে ?—এই অঁখি, এ বদন,  
 প্রসন্ন নিশ্চল, এই বক্ষ অল্পমম,—  
 ছলনা চাতুরী এই নিশ্চল অন্তরে  
 পারে কি পশিতে ক্ষণ ? সম্ভবে কি কভু  
 বিষম বিষের খনি চাঁদের ভিতরে  
 শারদীয় ? সরাইলা ভাবিতে ভারিতে,  
 অন্যমনে যেন, ললাটের কেশগুচ্ছ ।  
 নাথ বলে বিনোদিনী ডাকিলা আমার  
 পাগলিনী ভয়ে ;—হেনভাগ্য, ভাগ্যহীন  
 আমি, হরে মম, নাথ বলি সম্বোধিবে  
 এহেন রমণীনিধি ! এ আশা ছরাশা ।”—  
 “মন !” নিদ্রা ত্যজি উঠি যেন, সেইরূপ  
 ভাবে অকস্মাৎ যোগী চমকি কহিলা :—  
 “হৃদয় ! এই কি তব বাসনার কাল ?  
 যে হৃদে অচিরে হবে ধরিতে আনন্দে  
 বিশ্বভেদী অশনি প্রহার, প্রমদার  
 তরল রূপের ছটা সহিতে অক্ষম



সে হৃদয় আজ ! অঁাখি ! দেখিবে অচিরে  
 প্রলয়ে ডুবিবে বিশ্ব, মৃগাক্ষ ভাস্কর,  
 সংঘর্ষিত পরস্পরে হবে বার বার ;  
 বস্মহারা গ্রহবৃন্দ, ছুটিবে গগনে  
 ঘোর রাবে, চূর্ণ হয়ে অনন্তে মিশিবে ;  
 হাসিবে নিবিড় তম ;—গলিলে দেখিয়া  
 ললিত নলিনী মুখ ! বনবাসী রাজা  
 রাজরাণী, কালজলে নিমগ্ন মানব,  
 শৃগালের পদরেখা হৃদয়ে আমার,  
 ভুলি সব, রে অজ্ঞান । রমণী চিন্তার  
 এই কি সময় মন ? অহং ! তুমিও—  
 জিজ্ঞাসি, বাসনা নাকি উদ্যত স্বয়ং  
 বিধিতে জীবন মম উরঙ্গ-দশনে ?—  
 আমি কি নির্বোধ পাপী, মত্ত নিজ স্রুথে ;  
 এদিকে আশ্রয়ে মরে শুশ্রূষা অভাবে  
 স্বর্গীয় কামিনী ! ” এত চিন্তি তপোধন  
 সিঞ্চিলা শীতল বারি ষোড়শী-বদনে  
 ধীরে ধীরে কিসলয়ে করিলা বীজন ।  
 উন্মীলিলা অঁাখিপদ্ম বিস্তর যতনে  
 বিনোদিনী । নাসারন্ধ্রে সুদীর্ঘ নিশ্বাস  
 ছুটিল; জ্বদ উষা । চাহিলা মৃগাক্ষী,—  
 পড়িল বঙ্কিম দৃষ্টি বোগীর নয়নে,—  
 মিলিল চারিটা নেত্র ! নাচিল আবার

হৃদিতন্ত্র তাপসের, বিদ্যাৎ-বাহিনী  
 তারে যথা ; কম্পজ্বরে কাঁপিল শরীর ;  
 কতক্ষণে “বড় তৃষ্ণা” কহিলা কামিনী  
 ক্ষীণ মুহুঃ স্বরে ; কমণ্ডলু হতে দিলা  
 জল স্নানীতল যোগী রোগীর বদনে  
 সংশোধিত পূত বেদমন্ত্রে । পিয়া সেই  
 স্নানির্মল বারি, বল পাই’ নিতম্বিনী  
 আনন্দে বসিলা উঠি রাখিয়া মস্তক  
 যোগিবক্ষে । পরশিলে আশারে প্রথম  
 অপূর্ব অব্যক্ত যথা আনন্দ সম্ভোগ,  
 পরশে প্রমদা-অঙ্গ সে সুখ লভিলা  
 রাজশ্যামি, মদে যথা, মাতিল মস্তিষ্ক,  
 অবশ অলস তনু আবেশে বিহ্বল ;  
 অতনু লুকায়ে ছিলা অপাঙ্গে চতুর  
 জুড়ি ধনুর্গুণে শর হানিলা সহসা,—  
 ঘুরিল মস্তক । গভীর নিশীথে যথা  
 আবরিলে অনন্তর পয়োধি-ডম্বর  
 মহা আড়ম্বরে নাদি প্রমত্ত নিনাদে  
 ঢাকি বিশ্ব স্নানিবিড় তিমির-কদম্বে  
 নীলাম্বরে যথা, হাসি অট্ট এলোকেশে  
 মত্ত নীলাঞ্জনা মিশি ইরশ্বদ সহ  
 ধায় মহারোলে—দোলে চমকি ত্রিলোক—  
 ঝলকে,—পলকে পুনঃ লুকায় জলদে,

ঠমকে ধমকে ধাঁধি আঁথি ; সেইরূপ  
 ভীম বিভাশিখা এক প্রোজ্জ্বল চঞ্চল,  
 প্রতিজ্ঞা সঙ্কল্প পণ প্রকাশ করিয়া  
 খেলিল যোগীন্দ্র-হৃদে, হাসিল চক্ৰমা  
 জ্ঞানময় ! ফেলি ঝাড়ি অমনি মত্ততা  
 হৃদিপদ্ম হতে, ঝাড়ে যথা কুরঙ্গিনী  
 নিশির শিশিরবিন্দু শৃঙ্গদল হতে  
 নিদ্রা ভঙ্গে, সূর্য্যোদয়ে শীতার্ভ মানব  
 বস্ত্ররাশি কিবা ;—ফেলি দূরে ললনারে,  
 কহিলা গম্ভীর স্বরে “এখন কিঞ্চিৎ  
 হয়েছ সুস্থির, সতি ! চেয়ে দেখ নিশা  
 ভয়ঙ্করী বেশে অই আসিছে গ্রাসিতে  
 ধরাতল ; যাও নিজস্থান, নাহি ভয়  
 আর তব ।” নীরবিলা ধীর তপোধন ।

অমৃতে বীণার তার মাজিয়া যেমতি,  
 বাঁকায়ে ধবল গ্রীবা, ফুলায়ে অধর  
 করুণ মধুর স্বরে কহিলা কিশোরী  
 সাধাকণ্ঠে,—“যাব, দেব, নিজস্থান আমি  
 কোথা স্থান নম ? ঘুরে যথা, যোগিরাজ,  
 অনন্ত অর্ণব-বক্ষে তরঙ্গের কোলে  
 ভাসে ডোবে তৃণ, সেই মত জন্মাবধি  
 এ ভব-জলধি-জলে, ভাগ্যহীনা আমি,  
 ডুবিতেছি, ঘুরিতেছি । যদি, তপোনিধি,

বিধি দয়াময় দয়া করি অভাগীরে  
 দিলা স্থান পদে তব, এ বিপত্তিকালে  
 ঠেলিও না পায় তারে, পায় তব করি  
 এই নিবেদন । স্বপ্নে যথা, স্মৃতিপটে  
 হতেছে উদ্ভিত, নাথ বলে, তপোধন,  
 রক্ষিতে সতীরে পদে পড়েছি তোমার  
 দৈত্যভয়ে ; পতিকার্য্য বিনাশি দানবে,  
 সতীর সম্মান রক্ষি, করেছ সাধন,  
 পুণ্যবান্ তুমি ;—যাব কোথা আর, নাথ,—  
 যাব কিংবা কার কাছে ? পতি প্রমদার  
 গতি, ভালবাস নাহি বাস, তপোবনে  
 থাকি তপ জপ পূজা শিথিব যতনে,—  
 পূজিব চরণ তব । কিরূপে আবার  
 পতিশব্দে সম্বোধিব অপর পুরুষে ?  
 নাহি চাহি রাজ্যধন, স্বর্ণ অট্টালিকা,  
 না চাই কুসুম-শয্যা, কিঙ্কর কিঙ্করী,  
 রথ, রথী, গজ, বাজি,—এই ত আমার,  
 যদ্যপি তোমায় পাই, বিপিন বিজন  
 সাধের সরোজবন, সরোজ-বান্ধব !”

নীরবিলা নলিনাক্ষী । কিঞ্চিৎ নীরব  
 থাকিয়া চিন্তিয়া ক্ষণ তাপস-পূজব।  
 কহিলা নিশ্বাস ত্যজি—“কার সাধ নয়,  
 সতি ! স্মৃতহৃদে কোকনদ আহরণ

করে ? কার সাধ ত্যজি মঞ্জু কুঞ্জবন  
 বিহঙ্গ-কুজিত, করে বাস মরুভূমে  
 ভয়ঙ্কর ? ক জনের ভাগে! ভবধামে  
 ঘটে তোমা হেন নিধি ? করি নাই আমি  
 সে সাধনা, সুবদনি ! বিষ, ছতাশন,—  
 অসুখ মিলায়ে বিধি গঠিলা এ দেহ ;  
 জন্ম মম দুঃখভোগ হেতু । পূর্ণ চাঁদে  
 রাহুমুখে কে করে অর্পণ ? তাই বলি  
 লোলি ! তাজ অভিলাষ । যবে এ অভাগা  
 জননীর গর্ভে, রাজ্যভ্রষ্ট, নির্বাসিত  
 রাজা—পিতা মম, বনবাসী রাজরানী !  
 যেদিকে ফিরাই আঁখি বজ্রানলে সব  
 উড়ে পুড়ে, ; পরশিলে শুকায় অমনি  
 শাল তরু ! কেন, স্বর্ণলতে ! হেন সাধ ?  
 বিশেষ, প্রতিজ্ঞা আছে, সে প্রতিজ্ঞা মম  
 না পূরি সুন্দরি ! নারি করিতে গ্রহণ  
 ভার্য্যাক্রূপে তোমানিধি ; রমণীর মুখ  
 দেখিব না তদবধি, যদবধি নহে  
 পূর্ণ মনস্কাম । তাই বলি যাও ফিরে,—  
 ভেবনা বিষাদ,—নিজস্থান ; ভাগ্যবতী  
 তুমি, পতি তব হবে রাজকুলমণি ।  
 নিক্ষেপি পিষুষ দূরে কে করে, সুন্দরি !  
 আঁধার আশানে বসি গরল ভক্ষণ ?”

এত কহি মুদি আঁখি যোগেতে বসিলা  
 যোগী পুনঃ । ধরি পায় ধূলায় লুটায়ৈ ।  
 সাধিলা কাঁদিলা কত প্রমদা রূপসী ;  
 সকলি বিফল হল । মানব অজ্ঞান  
 প্রতিজ্ঞায় কি না হয় কর অবধান ।

ইতি শ্রীঅদৃষ্টবিজয়ে কাব্যে ইন্দ্রকোপো নাম  
 সপ্তমঃ সর্গঃ ।

## অষ্টম সর্গ ।

মজিলা যোগেতে যোগী । যুবতী হেথায়  
 লাগিলা ভাবিতে “কেন ভুলিহু মায়ায় !  
 ভাল মন্দ নাহি জানি                      শুনিয়া মায়ায় বাণী  
 আসি এ বিজন বনে বিপদ ঘটিল ।  
 কি আশায় আসিলাম,                      কিবা কাজ সাধিলাম,—  
 নবীন তাপস-রূপ মানস মোহিল !  
 রূপরাশি ছড়াইয়া                      মায়াজাল বিস্তারিয়া  
 ভেবেছিহু যোগি-যোগ ভাঙ্গিয়া হেলায়,  
 কন্দর্পের দর্প হরি                      কীর্তিস্তম্ভ সৃষ্টি করি  
 রূপের গরিমাগুণ দেখাব সবায় ।

এসেছিছু ভুলাইতে      যোগি-যোগ ভাঙ্গাইতে  
ভাঙ্গিল আপন তেজ, আপনি ভুলিছু !

মজাব মূনির মন      ফুটাইব পদ্বন,—

ফুটিল আমারি মন, আপনি মজিছু ।

কি কুক্ষণে দেখিলাম—      কুক্ষণ কি তার নাম ?—

এ যোগী নবীন রবি চাঁদের বদন !

উদিল আনন্দ-ইন্দু      উথলিল স্নেহ-সিন্ধু

ভুলিল হৃদয় মন শরীর জীবন ।

অমনি বাসিছু ভাল      অমনি হইল আলো

অবলার তমোময় হৃদয়-অশ্বর ।

কাজ নাই ছলনায়,      ধরি তাঁর রাঙা পায়

সাধিব যোগীরে, ক্ষমা কর যোগিবর ।

তব পদে প্রাণ মন      করিয়াছি সমর্পণ—

তুমি পতি প্রাণ ধন, গতি অভাগীর ।

পদতলে দেহ স্থান      রাখহ সতীর মান

তোমাতে দিয়াছি ঢালি বাসনা মহীর !

থাক থাক প্রাণধন      যোগযোগে নিমগন,—

বিধাতা করুন পূর্ণ তব মনস্কাম ।

থাক যোগে নিমগন      করি আমি নিরীক্ষণ

পদতলে বসে তব রূপ অভিরাম ।

রাখি মন তব মনে      শূন্যদেহে নিকেতনে

যাব না ফিরিয়া, গেলে হবে কি জীবন ?

ধরিয়া যোগিনীবেশ      এলাইয়া কাল কেশ

অসার ত্যজিয়া এই স্বর্ণ আভরণ ;

বন্ধলে সাজায়ে দেহ                      বিরচিয়া পর্ণগেহ,  
 কি যাতনা, করি অঙ্গ বিভূতি-ভূষিত,  
 মজায়ে মানস নিজ                      তব পদ-সরসিজ  
 একধ্যানে একজ্ঞানে করিব পূজিত ।  
 সাজায়ে রূপের ডালা                      যৌবন-কনক-মালা  
 সরলতা-সুচন্দন ; পবিত্র প্রণয়  
 দিব অর্ঘ্য সযতনে                      হৃদি-রাজ-সিংহাসনে  
 বসায় আনন্দে ! দেখি কেমনে সদয়  
 নাহি হও ঋষিরাজ ।”                      ধরিল যোগিনী সাজ  
 এতেক চিন্তিয়া সেই রমণী-নিধান ।  
 হারাইলে, ধনি, জ্ঞান ;                      কোন্ প্রাণে ধরি প্রাণ  
 সুবর্ণ ব্রততী কর অনলে প্রদান !  
 এলায়ে কুন্তলভার                      ত্যজি রত্ন-অলঙ্কার  
 পরিহরি পট্টাশ্বর বন্ধল পরিলা ।  
 বিভূতি মাখিয়া গায়                      চাঁদে চাকে কুয়াশায় •  
 আনন্দে যোগীর পাশে যোগেতে বসিলা !  
 একিরে বিরাগে সতী জীবন ত্যজিলা ?  
 • হেথায় যোগেতে মগ্ন থাকি কত দিন,  
 আবার মেলিলা যোগী নয়ন-নলিন ।  
 আবার সাধিব যোগ                      অদৃষ্টের ভোগাভোগ  
 ভাবিলা দেখিব সাধি, কি প্রকার মম !  
 নিয়তির চক্রে রাখি                      শরমে মুছিয়া আঁখি  
 দেখিব ঘুরান কত বিধাতা বিধম ।



যোগেতে জীবন ক্ষয় দেহের পতন হয়

চরমে পরম ফল যদি নাহি পাই ;—

হই নাই ভগ্নোদ্যম— জ্বালিতে নিবিড় তম—

পূরাতে প্রতিজ্ঞা, তবু দেখিবে সবাই ।

ভাবিছেন এইরূপ নিরখিলা অপরূপ

সম্মুখে যোগিনী এক যোগে নিমগন !

ভড়িৎ কাঁপনি প্রায় তেজ রূপ ছুটে যায়

আননে ললাটে গায় উজলি কানন !

চিনিলা চাঁদের মালা সেই সে রূপের ডালা,

রোমাঞ্চিত হল দেহ আনন্দ বিষয়ে ।

এ নারী সামান্য নয়, বিষময় এ হৃদয়

কভু কি সম্ভব ? কালী কমলা হৃদয়ে ?

রমণী প্রতিজ্ঞাপণ একি দেখি বিভীষণ ;

কি করে নলিনী-দলে জ্বালি হতাশন ?

হৃদয়ে জড়িত ফুল ছিঁড়িলে তাহার মূল

কেন না ছিঁড়িবে তবে আমারো জীবন ?

ধীরে ধীরে নীলোৎপল মেলিলা নয়নদল,

ভাবিছেন যোগী, হেন কালে বরাননী !

উদিত নবীন রবি নিরখি লাভণ্য ছবি

পুলকে প্রফুল্ল জলে জলজ যেমনি ;

দেখিয়া যোগীর মুখ নাচিয়া উঠিল বুক

প্রাণ-পুণ্ডরীক মুখে হল বিকসিত ।

যোগিপদ শিরে ধরি ভূজলতা ষোড় করি,—

ভক্তির প্রতিমা যেন, অথবা চিত্রিত

বনদেবী সুধারসে                      কবিত প্রণয়-কষে  
 রহিলা নীরবে বসি, মধুর গন্তীর !  
 “তব আচরণ, সতি !”                      দেখিয়া বিন্মিত অতি  
 কহিলা নিশ্বাস ত্যজি তপোধন ধীর ;—  
 “নবনী পিবুষ রাশি                      প্রণয় শশীর হাসি  
 যে দেহ গঠিলা বিধি, কেমনে সে গায়  
 করি ভস্ম বিলেপন                      ত্যজি রত্ন আভরণ  
 লয়ে অক্ষমালা, মরি, বসেছ পূজায় !  
 সহচরী মাঝে বসি                      শারদ পূর্ণিমা শশী  
 কাঞ্চন পর্যাক্ষোপরি প্রস্থন-শয়নে,  
 কুঙ্কমে শরীর মাজি                      রাজরাণী সাজে সাজি  
 করিবে বিরাজ মণি-কাঞ্চন ভবনে ;  
 পুড়ি বিভাবসু করে,                      বসিয়া পর্ণের ঘরে  
 তা না হয়ে অনিদ্রায় যোগে নিমগন !  
 যৌবন অমূল নিধি,                      রূপরাশি দিলা বিধি  
 করিতে পাবক মুখে আহুতি অর্পণ ?  
 বিধির এ বিধি নয়                      তাই বলি নিজালয়  
 নারীকুলোত্তমে ! কর ফিরিয়া গমন ।  
 জ্বথ সাধে বাদ সতি,                      সাধিওনা এ মিনতি,—  
 আর কি বলিব ?—দাও পুরাতে মনন,—  
 জীবনের ব্রত দাও করিতে সাধন ?”  
 নির্ঝরে সুস্বরে ঝরে মুকুতা যেমতি,  
 সুস্বরে কহিলা সতী অমিয় ভারতী—

“ভেব না অনল জ্বালি                      তাহে পাপ-সর্পি ঢালি

যৌবনের চাপে চাপি সৌন্দর্যের গুণে

নয়ন-পঙ্কজ-বাণ                      বিধিয়া হৃদয় প্রাণ

চাতুরী প্রণয় পূরি মন হৃদি তুণে

তপ জপ যোগ যাগে                      রমাইয়া অনুরাগে

মানস ভাঙ্গিতে তব ; তা নয় তা নয়,

আমি নারী জ্ঞানহীনা,                      পুরুষ প্রকৃতি বিনা

হয় কি সম্পূর্ণ যোগ, কহ মহাশয় ?

কোনই মঙ্গল কাজ,                      আছ জ্ঞাত যোগিরাজ

হয় না রমণী বিনা কখন সাধন ।

বৈদেহীরে দিয়া বনে                      তা হইলে সযতনে

হত না করিতে সোণা সীতার স্বজন ।

তাই বলি প্রাণেশ্বর,                      যদি নাহি স্বর্ণা কর

অভাগী বলিয়া রাখ নিকটে আপন ।

তব পণ পূরাবারে                      বিধি আনি এ কান্তারে

কান্তারে তোমার দিলা করি সংঘটন ;—

ভেঙ্গ না মঙ্গল ঘট প্রহারি চরণ ।”

“ পরম পিরীতি, দেবি ! শুনিয়া তোমার

জ্ঞানগর্ভ বাক্য আজি, অমৃতের ধার

পাইলু, গম্ভীর স্বরে                      কহিলা কুমার পরে,

“ কিন্তু জান সীমন্তিনি ! প্রতিজ্ঞা আমার

পূরে যদি মনসাধ,                      হয় ধ্বংস বিধিবাদ  
 তবে ত সাজায়ে তোমা রাজরাণী বেশে,  
 হৃদিপদ্মে বসাইব                      সুর নরে পূজাইব,  
 নতুবা ত্যজিব দেহ এ বিজন দেশে ।  
 আরো আশা পূরিবার                      তাও বলি শুন সার  
 নাহি সম্ভাবনা কোন, কি জন্য বল না  
 পুড়িয়া আতপতাপে                      পুড়ি ঘোর পরিতাপে  
 ইন্দ্রধনু পাছে ক্লেশ পাইবে ললনা ?  
 “ভেব না ” মধুর হাসি                      রূপরাশি পরকাশি  
 নিজ করে যোগিকর করিয়া গ্রহণ,  
 উত্তরিল সুলোচনী—                      “পাব ক্লেশ গুণমণি  
 তোমার আশ্রমে থাকি ; করিব সাধন,  
 আনন্দে তোমার সনে অম্বিকাচরণ ।”  
 আবার বসিলা যোগে যোগী মহাশয় ।  
 বসিলা যোগেতে বালা এই ত গুণয় ।  
 পুনঃ কত কাল গত,                      কতবার সূর্য রথ  
 ঘুরিল মস্তকে তাঁর নিদাঘ গগনে ;  
 ভুলিলেন ভোলানাথ,                      উপনীত অকস্মাৎ  
 একদা সন্ধ্যার কালে তপনিকেতনে ।  
 নাদিয়া পুষ্কর ঘন                      বরষিল হতাশন  
 হাসিল তড়িৎগতা শিহরিয়া উঠি ।  
 পবন ছুটিয়া যায়                      কুসুম ঝরিল তার  
 বন্দিল আনন্দে গিরি পদতলে লুটি ।

স্বর্গীয় সৌরভে দিশ                      পূর্ণ হল, আশীবিষ

ফোঁস ফোঁস উগরি গরল গরজিলা ।

অদৃশ্য থাকিয়া হর,                      “তাজ যোগ যোগিবর,”

মধুর ভৈরব স্বরে সন্তোষি কহিলা,—

“ইচ্ছামত মাগ বর ।”                      সবিস্ময়ে ঋষিবর

না দেখি ত্র্যম্বকে আঁখি করি উন্মীলন,—

“যদ্যপি দাসের প্রীতি,                      প্রসন্ন অম্বিকাপতি

এতদিন পরে, এই ভিক্ষা অকিঞ্চন

মাগে তব রাঙা পায়                      সদয় হইয়া তার

দেখাও সে রুদ্ররূপ রুদ্র ত্রিলোচন ।

না দেখি দাতারে ভব                      কভু বর নাহি লব,

বারেক চরণপদ্ম দেহ শিরে ধরি ।

হৃদয়-মন্দিরে মম                      সংহারি গভীর তম

হও আবির্ভূত লোক চমকিত করি ।”

‘ভকত বৎসল শিব                      কহিলেন “কি কহিব

তোর তরে প্রাণ মম কত যে কাতর !

একান্ত বাসনা যদি                      রুদ্র-রূপ, তপোনিধি,

দেখিতে, দেখহ তবে ।” যোগীন্দ্র-প্রবর

সভয়ে মুদিল আঁখি—কল্পিত অন্তর ।

প্রকাণ্ড আগ্নেয় গিরি ভয়ঙ্কর

দেখিলা সম্মুখে ; অযুত শিখর

জটাজুট রূপ জড়িত পাবকে

ধক ধক তায় স্তবকে স্তবকে

অলিছে গন্ধক, চুসিছে গগন  
অনল-লহরী-শিখা বিভীষণ,  
নাচিছে ঝরিছে যেতেছে ছুটে ।

উন্নত ললাটে চন্দ্র সূর্য্য জলে ;  
তরল-তরঙ্গ কল-কল কলে  
জটা মাঝে গঙ্গা কল্লোলিয়া চলে ;  
উর্দ্ধফণা ফণী গরল ঢালিয়া—  
লক লক জিভা, পাষণ জালিয়া,  
গরজে গভীর ; কঠেতে থাকিয়া  
দীপ্ত বিষপ্রভা ফুটিয়া উঠে !

ভুকম্পে যেমতি কাঁপিতেছে কাষ,  
অনল ঝরিয়া পড়িতেছে তায় ।  
ঘুরে জিনয়ন, ‘নাশরে সকলি’  
বদনমণ্ডলে নিনাদ কেবলি ।  
বন ঘোর শব্দ শুক্ক জিভুবন,  
রসাতলে রসা করে বা গমন ।  
ভীষণ ত্রিশূল—বদনে তাহার  
হাসিতেছে অট্ট বসিয়া সংহার,  
পলকে পলকে ঝলকে ঝলকে  
সৌদামিনী সম ঢালিছে পাবকে,—  
ধাঁধি হৈরশ্মদ ছুটিয়া যায় !  
বাজে ঘন গাল নাচে রুদ্ধতাল,  
দীপক রাগেতে সঙ্কীত ভয়াল !

পিণাকে টঙ্কার মারিয়া ছ্কার  
 ছাড়িয়া শঙ্কর ছুটিলা আবার ;  
 লটাপটলট জটাজুট কত  
 চুসিতেছে ধরাতল অবিরত ;  
 আয় আয় আয় ধর্ ধর্ ধর্  
 করি ভূত প্রেত ছুটিল সম্বর,—

গভীরে বিষণ বাজিছে তায় ।

আয়রে মানব আয়রে দানব  
 সজীব নির্জীব অচল অর্ণব  
 গ্রহ উপগ্রহ চন্দ্র তারা আয়  
 রাহকেতু শনি নাশিব সবায় !  
 ঘোর লক্ষ্ম মারি উদ্ধ করি করে  
 বাজাইয়া শৃঙ্গ উঠিলা অশ্বরে ;  
 চন্দ্র সূর্য্য তারা পাড়িতে লাগিলা ;  
 কোথাকার গ্রহ কোথায় ফেলিলা !  
 আবর্ত সম্বর্ত ছুফর পুফর  
 বরষে অজস্র দ্রোণ ভয়ঙ্কর ।  
 মত্ত প্রভঞ্জন ছাড়িয়া গর্জ্জন  
 স্বর্গ মর্ত্য সব করি উৎপাটন  
 ছ্কারি ঝ্কারি ধাবিয়া যায়  
 'গরজি তরজি প্রলয়ের প্রায় ;  
 অযুত তরঙ্গ-বাহু বিস্তারিয়া  
 ছুটিল অর্ণব ব্যাদান করিয়া,

গ্রাসিতে সংসার বিকট বদন,  
হাহাকার রবে নীরব ভূবন !  
অটল হৃদয় ধীর গম্ভীর নয়ন  
দেখিলা এ রুদ্রমূর্তি রাজেন্দ্রনন্দন ।

শূলায় লুপ্তিত হয়ে                      অতঃপর সবিনয়ে  
অশ্রুজলে অভিষিক্ত করি ধরাতল  
কহিলা ‘বাসনা কার                      অহে শিব সারাংসার  
নহে আজীবন দেখে ও রূপ নিশ্চল ;—  
কিন্তু দেব সংবরণ                      কর তেজঃ, ত্রিভুবন  
অকালে সংহার হয় ।’ বলিয়া আবার  
প্রণমিলা ভক্তিভাবে চরণে তাঁহার ।  
প্রশান্ত প্রসন্ন মূর্তি, প্রসন্নময়ীর  
হৃদয়-আনন্দ, মধু মণ্ডিত শরীর  
যোগীর সম্মুখে আসি                      যোগমূর্তি পরকাশি  
কহিলা ‘মাগরে বর বাসনা যেমন ।’  
‘জানিনা কি বর লব,                      জানত অন্তর ভব  
অন্তর্যামী তুমি দেব, মনের বেদন  
প্রকাশি কি ফল বল,                      দেহ বর যোগবল  
হয় যেন ভাগ্যজয়ী’—যোগীন্দ্র কহিলা,  
‘পূরে যেন মনোসাধ                      খণ্ডে বিধাতার বাদ ।’  
‘তথাস্ত’ বলিয়া শূলী অদৃশ্য হইল ।  
পুলকে বিন্ময়ে বলী সৌমুখী-কেশরী  
রুদ্রতেজঃ-পূর্ণ তনু উঠিলা শিহরি ।



আজি পূর্ণ মনস্কাম,                      সেই দেহ অভিরাম  
 ধরিল কি অনুপম রূপ মনোহর  
 কেমনে বলিব তাহা !                      শত জলধনু আহা  
 উদ্ভিত হইল শোভি হৃদয়-অন্তর !  
 এক আশা হৃদে ধরি                      ইষ্টদেব-পদ স্মরি  
 যে ব্যক্তি কঠোরে তপ করেছে সাধন  
 সফল সাধনে হায়,                      কি অব্যক্ত সুখ পায়  
 সেই সে ইহার স্বাদ করিবে গ্রহণ ।  
 ধীরে বপু পরশিয়া                      তপ জপ ভাঙ্গাইয়া  
 কহিলা সতীরে যোগী সব বিবরণ ।  
 হৃদে ধরি ললনায়                      কহিলা ‘প্রেয়সি !’ হায়,—  
 প্রেয়সী এ কথা কত মোহিল শ্রবণ !  
 কি সুখ এ তিন বর্গে                      কি লাভ্য পদ্যপর্ণে  
 প্রণয়ী ভ্রমর বিনা কে বুঝে সে রস ?—  
 ‘তোমার আমার কত সুখের দিবস !’  
 প্রেয়সী এ কথা শুনি প্রমদার মন  
 মজিল কি ভাবে, বুঝ প্রেমিক সৃজন ।  
 সুবাহ বল্লরী দিয়া                      যোগি-গলা ‘জড়াইয়া  
 অশ্রুনিরে হৃদিপদ্মে মুক্তা বসাইলা ;—  
 নীরবে নলিনীমুখী কত যে কাঁদিলা !  
 কাঁদ কাঁদ. সেই রূপ                      বিধে কত অপরূপ  
 তরু লতা পশু পক্ষী ভূধর জানিল,—  
 যোগীই কেবল তার মরম বুঝিল ।

‘আর ক্লেশ স্ত্রধাময়ি ! দিব না তোমায়,—  
 কাল সহ যথা কালী                      কালমুখে কালী ঢালি  
 অনলে আছতি দিব যত যাতনায় ।  
 যোগ ত্যজি যোগিরাজ                      ধরিবে রুদ্রের সাজ  
 রুদ্রাণীর সাজ ধর যোগিনি আমার ;—  
 চলহ বাঁচাই মরা মানুষে আবার !’  
 এইরূপে হুই জনে আনন্দে মগন ;  
 অকস্মাৎ সেই স্থানে সেই তপোধন,  
 কাটিয়া মায়ার ফাঁশি                      ষাঁর তপোবনে আসি  
 হয়েছিল সমাগত আসিয়া প্রথম ;  
 ষাঁর কাছে মন্ত্র নিলা                      যোগমন্ত্র সংগ্রহিলা  
 সেই সে মাধবগিরি মাধুরী পরম  
 উপনীত ; দেখি তাঁয়                      রাজপুত্র পড়ি পায়  
 ভক্তি ভাবে অরবিন্দ করিলা বন্দন ।  
 বন্দিলা আনন্দে বালা,                      দিয়া যেন পুষ্পমালা ;—  
 আশীষি বসিলা বৃদ্ধ তাপসরতন ;—  
 গান্ধীৰ্য্য ধর্মের মূর্তি একত্র যেমন !  
 ‘এত দিন পরে তব                      স্তবে, পুত্র, তুষ্ট ভব  
 পেয়েছ বাঞ্ছিত বর, হৃদয় জানিল ;  
 যেমতি হৃদের জলে                      ধীর প্রভঞ্জন-বলে  
 প্রফুল্লিত সরোরুহ নাচিয়া উঠিল ।’  
 কহিলেন তপোধন,                      ‘কর এবে আয়োজন

উদ্ধারিতে সাবধানে কুলের গৌরব ।  
 বিঘ্ন বৎস ! গদে পদে, মজি যেন মোহমদে  
 অভিমানে নাশিও না সাধনা-সৌরভ ।  
 আশীষিব কিবা দিয়া ? দীন আমি, এই নিয়া  
 যথা ইচ্ছা চলে যাও নির্ভর শরীর ।  
 এত কহি ধীরে ধীরে ছুরিকায় বুক চিরে  
 উদবাটিয়া দ্বার যেন, করিলা বাহির  
 অনুপম আভরণ বস্ম চন্ম শরাসন  
 কুণ্ডল কিরীট শর তুণ শিরস্ত্রাণ ।  
 প্রকাণ্ড কোদণ্ড অসি তাহে কাল সর্প বসি,  
 রতন-সম্ভবা বিভা ধাঁধিল বিমান !  
 সযতনে বীরবরে পরাইলা নিজ করে ;  
 সাজিলা কুমার যথা নাশিতে তারকে ;  
 দীর্ঘদেহ বুধবৃদ্ধ কটিতে রূপাণ বন্ধ  
 সারসনে আঁটা বক্ষ, ত্রিলোক চমকে  
 আয়ুধ আলোকে দীপ্ত ! মতঙ্গ চঞ্চলানিপ্ত ;  
 দিলা ধ্বি শব্দ শেষে ক্ষীরধি-সম্ভব !  
 প্রচণ্ড সাজিলা চণ্ডী প্রমদা লালিত্যে নগ্নি ;  
 পরালা স্বকরে যোগী পরম বিভব !  
 উলাঙ্গিনী উন্মাদিনী কালী কাল বিনাশিনী,—  
 হুলিল এলান কাল পৃষ্ঠেতে কুন্তল ;  
 মেঘের আড়ালে বসি শোভে মুখ-পূর্ণশশী  
 মাধি প্রভাকর-কর গরল অনল

কটিতে কিঙ্কিণী বাজে চরণে নুপুর রাজে

করেতে তড়িৎলতা শাণিত কুপাণ ।

অট্ট অট্ট হাসি মুখে নৃত্যগীত সকৌতুকে

কি ছার মানব যোগী দেখি সে বয়ান

উড়িল অমরা মাঝে অমরের প্রাণ !

সম্বোধি কুটীরে, বনে, গমন সময়ে,

সম্বোধিয়া বিক্র্যাচলে, তরু লতাচয়ে,

স্বস্বরে নির্ঝরে ডাকি, বনজন্তু বনপাখী,

সম্বোধি সকলে যোগী কহিতে লাগিলা—

‘বন্ধুশূন্য এ গহনে ছিহু তোমাদের সনে

কি মুখে হে এতকাল ! সকলে করিলা

অকাতরে অনিবার কব কত উপকার,

ফেলে যেতে তোমাদের কাঁদে মন প্রাণ !

অভাগারে রেখ মনে যাই আমি নিকেতনে ;

বলিয়া আনন্দে যোগী করিলা প্রস্থান ।

মেঘ সূর্য্য আবরিল, তরু পুষ্প বরষিল

মলয় করিল গায় অমৃত সিঞ্চন ;

কুলবধু ধনলতা কহিতে পারিলে কথা

করিত বারণ পদ করিয়া ধারণ ।—

গাইল মঙ্গল-গীত বিহঙ্গ সৃজন ।

ইতি শ্রীঅদৃষ্ট-বিজয়ে কাব্যে যোগসিদ্ধি নাম

অষ্টমঃ সর্গঃ ।

## নবম সর্গ

বসিয়া রমার পাশে রাজীব-আসনে  
হাসিলা এখানে মৃহ রাজীব-লোচন  
চুস্থি বন্ধুজীবধর, স্মৃধিলা ইন্দীরা—  
“ কিভাব ভবেশ ! তব মানসে উদ্ভব  
অকস্মাৎ আজি, কহি কোতূহল মম  
কর নিবারণ । নিরমিবে বিশ্ব নব,  
অথবা নাশিবে এই প্রাচীন জগৎ,  
বসাইবে ভূপাসনে কোন্ দীন হীনে,  
কিংবা কোন্ ধরাধীপে পাঠাবে কানন ? ”

কহিলা রমারে হৃদে আদরে ধরিয়া  
অস্মরারি,—“হাসি নাই, প্রাণময়ি ! ভাবি  
এ সবের কিছু ; চাহি বিক্ষাগিরি পানে  
দেখ, কেন হাসিলাম, বুঝিবে এখনি ।  
সদয়, ইন্দীরা ! আজি সদানন্দ শিব  
রাজনন্দনের প্রতি ; তুষ্ট হয়ে তারে  
দিয়াছেন ইচ্ছামত বর, হবে পূর্ণ  
মনস্কাম । দেখ বলী সাজি বীরসাজে,  
মদকলকরী যথা, চলিছে কোতুকে  
সম্মল নগরে, মহারাজ রাজধানী ।”

নিরখিলা রাজলক্ষ্মী, হাসিয়া উল্লাসে  
 কহিলা—“ হে দেব ! তবে এত দিন পরে  
 পূরিল কি মনোবাঞ্ছা ! চিনিলাম বৃদ্ধ  
 ঋষিরাজে, ঋষীকেশ, নারি চিনিবারে  
 প্রমত্তা কেবা এ বামা ।” কহিলা অচ্যুত  
 “ চিনিবে সময়ে, প্রিয়ে ! এখন কেবল  
 জ্ঞান মনে দেবলোকে এমন রমণী  
 হুল্লভ । প্রণয়ে পূত মজিয়া ললনা,  
 বাসব-প্রেরিত মায়া-মায়াজালে পড়ি  
 আসি যোগ ভাঙ্গিবারে যোগি-যোগাশ্রমে  
 বিদ্যাচলে, ভুলি মায়া ছলনা চাতুরী  
 হয়েছে যোগিনী । হবে, দেবি ! কুলোজ্জল  
 এ বরাক্ষী হতে রাজকুল ।” নীরবিলা  
 পদানাভ । উত্তরিলা চিন্তি পদ্মালয়া,—  
 দেখি এ বামারে জ্ঞান দণ্ডিতে দানবে  
 অবতীর্ণ পুনঃ চণ্ডী । কিন্তু চিন্তি চিন্তে  
 এক চিন্তা, চিন্তামণি ! ব্যাকুল হৃদয় ;—  
 দীর্ঘ কাল বৈশ্বানরে সম্বল নগর  
 পুণ্যভূমি ; জনশূন্য ঋশান ভীষণ ;  
 কোথা গিয়া, কহ নাথ, করিবে বিশ্রাম  
 প্রাণাধিক ? যাই আমি মায়াতে লইয়া,  
 চলুক সারদা, নিরমিয়া রাজপুরী  
 সম্বল নগরে, তার অভ্যর্থনা হেতু ;

রাখি গিয়া সাজাইয়া, দেহ অনুমতি,  
 দয়াময় । পথে মারে লব সঙ্গ করি  
 রতিরে অথবা, সাজাইতে সৌধমালা,  
 শিল্পকর তারা ।” দিলা অনুমতি দান  
 পরমেশ । হাসি পরমেশী লয়ে সঙ্গ  
 রঙ্গে ভারতীয়ে ত্যজি বৈকুণ্ঠ নগরী  
 চলিলা আনন্দে । পথে মিলিলা অনঙ্গ  
 রতি সহ,—যথা রতি মন্থথ সেখানে ;  
 নিমেষে সম্বল রাজ্যে আসি মহাদেবী  
 উতরিলা । বিরচিলা মায়া মায়াময়  
 মনোহরা পুরী ; সাজাইলা মীনকেতু  
 মনোমত সাজে । স্তম্ভজিত মন্দুরায়  
 অশ্ব নানাজাতি, গুনি সমর হৃন্দুভি  
 নাচে যারা মহানন্দে । প্রমত্ত মাতঙ্গ  
 আবদ্ধ আলানে ; শত শত শোভে রথ ;  
 অস্ত্রাগারে অস্ত্ররাজি, কার্ম্মুক কুপাণ,  
 মুষল মুদগর গদা তোমর ভোমর  
 নারাচ নিষঙ্গ শেল জাঠাজাঠী শর—  
 জীবন্ত ভুজঙ্গ ‘মণি-মণ্ডিত-মস্তক,  
 গর্জিছে জলিছে মুখে বিশ্ব-বিনাশিনী  
 বহ্নি-শিখা ! রণ-সাজ—বর্ষ চর্ম্ম আদি  
 কবচ কুণ্ডল সারসন শিরস্ত্রাণ ;  
 দামামা-হৃন্দুভি কাড়া পটহ দগড়া,

ভূরী ভেরী শংখ, সংগৃহীত যথাস্থানে  
 রণবাদ্য যত । উড়ে স্বর্ণচূড়ে স্বর্ণ-  
 কেতু ;—ফিরে ঘারে ঘারে চতুর গ্রহরী,  
 অভেদ্য কবচে আঁটা বক্ষ, যক্ষ-রক্ষ-  
 ত্রাস, বিলম্বিত পৃষ্ঠে কোদণ্ড বিশাল,  
 কটিতে আবদ্ধ অসি, করেছে বন্দুক ।  
 স্থানে স্থানে দেবালয় ; পণ্ডিত ব্রাহ্মণ  
 করে পূজা, বেদপাঠ ; আরতি বাজনা  
 বাজে স্তম্ভধুর । নাচে গায় বারাদনা ;  
 পূর্ণ সব স্তম্ভ-কোলাহলে । বসি হাসি  
 প্রীতি-শতদলে আরস্তিলা বীণা-পাণি  
 মধুর সঙ্গীত, জুড়ি তান বীণা-যন্ত্রে,—  
 মুগ্ধ জলস্থল শূন্য ! আনন্দে দেখিয়া  
 মায়ার মহিমা রমা ঈষদ্ হাসিলা ।

হেথা তিন জনে সহি পথের যন্ত্রণা  
 ভয়ঙ্কর, পঁহুছিলা কত দিনে আসি  
 নিজ দেশে । রাজলক্ষ্মী জননীর বেশে  
 আশীষি লইলা গৃহে । মহামহোৎসবে  
 পরিপূর্ণ রাজপুরী । স্তম্ভে সরস্বতী  
 বাজায় ত্রিদিব-বীণা গাইলা বন্দনা  
 আপনি ; পূজিলা রতি উলুধ্বনি দিয়া  
 রাজপুত্রে ; আনি পুষ্প লাজরূপে শিরে  
 বরষিলা বায়ু ; বাজাইল দেবদোলে,



আনন্দে সুবাদ্যকর মাতি মধুকর ।  
 আদরে রমণী-রত্নে তুষিলা সকলে ।  
 বিস্মিত প্রাচীন যোগী, পরিচিত স্থান  
 সম্বল নগর, দেখি বিচিত্র ব্যাপার  
 তথা আজ ! দেখেছিলা নৃপতি যে কালে  
 হয়ে রাজ্যভ্রষ্ট বনে পশিলা বিবাদে,  
 ডুবিল তিমিরে রাজ্য, যথা বসুমতী,  
 অস্ত গেলে দিনমণি ; পুড়িল পাবকে  
 দশ দিক ;—সে শ্মশান অকস্মাৎ আজি  
 আনন্দ-নন্দন-বন কেমনে হইল ?  
 মুদিলা নয়ন চিস্তি ; দেখিলা বিস্ময়ে  
 হৃদয়-নয়নে দেবী কমলার লীলা ।

আসি গৃহে সন্ধ্যাগমে বঞ্চিলা আনন্দে  
 সুনিদ্রায় বিভাবরী । প্রভাতে উঠিয়া  
 প্রক্ষালিয়া হস্ত মুখ, করি স্নান স্নেহে  
 ভোগবতী জলে—পুণ্যবতী স্মরনদী  
 সম ; পরি পট্টাশ্বর ভক্তিভাবে বসি  
 কুশাসনে, আরাধিলা চন্দ্রচূড়-পদ ।  
 তন্ত্রাকারে ধূমপুঞ্জ হোমকুণ্ড হতে  
 উখিত আকাশে বহি সর্পিঃ, দেবাহার,  
 দিবাগ্নয়ে । পুরোহিত প্রাচীন ব্রাহ্মণ ।  
 পূজা-সাজে গুরুপদে প্রণমি কুমার  
 কহিলা “হে গুরো ! কৃপা করি কহ দাসে

এই কি সে দেশ, পিতা বসিতেন যথা  
 রাজদণ্ড ধরি করে রাজ-সিংহাসনে ?  
 এ সৌভাগ্য মম, দেব, ভাগ্যহীন আমি,  
 তব কৃপাবলে ; দেখিব যে কভু, হায়,  
 এ পবিত্র ধাম, পিতঃ ! ভাবি নাই কভু ।  
 প্রকাশি কেমনে কিন্তু মনের সস্তাপ ?  
 তপন বিরহে মহী জানিতাম মনে  
 শোকের সাগরে ডোবে, বিপরীত রীতি  
 নিরখি' এখানে আজ, হৃদয় বিদরে ।  
 ভেবেছিছু আমি হেথা তিমির-অর্ণবে  
 দেখিব নিমগ্ন সব !—কিন্তু কি দেখিছু ?  
 কি স্মখে—জানি না মগ্ন সকলি উৎসবে !  
 উদ্ধারিব কারে দেব ? অক্লান্ত নর !”

অন্তরে ঈষদ্ হাসি প্রবীণ ব্রাহ্মণ  
 কহিলা—“তনয়, তাপ কর পরিহার ।  
 বিশ্বের বিচিত্র গতি ; অবশ্য নিগূঢ়  
 কুমার ! কারণ আছে উৎসবের আজি ।”  
 চিস্তিত হৃদয়ে ধরী—ধন্য ধরাধামে—  
 সাজায়ে বামারে, পশি অজ্ঞাগারে, একে  
 একে অঙ্গ-শঙ্গ পরিদর্শন করিলা ।  
 বাখানিলা বীরমণি, শিঞ্জিনী কৃপাণে,  
 তুরঙ্গ কুঞ্জরে, পুষ্পরথসম রথে ।  
 আনন্দ উল্লাসে চিত্ত-শতদল কত

প্রফুল্লিত ! ছিল বুঝি' আগে যোগবল,  
আছে কোথা বাহুবল ; দেখিয়া সকল  
বুঝিলা সমর-বল । বুঝিলা সে সঙ্কে  
অবশ্য জাগিবে পুনঃ পতিত মানব ।

দেখি সমুদয় আসি বসিলা আসনে  
পুনর্বার । কোন্ মন্ত্র বিষদন্ত সম  
ভুজঙ্গের, কিংবা দীপ্ত সৌদামিনী যথা,  
পশিয়া যে মন্ত্র অস্ত্রে নাচাইবে নাচি  
স্তম্ভিত ধমনী, সস্তাড়িত সঞ্চালিত  
হবে দেহ-যন্ত্র, ধাবে দ্রুত ইরম্মদ  
শিরাগুশিরাতে, জাগাইবে অবহেলে  
নিদ্রিত মানবে ; ছিঁড়ি, দস্তীরাজ যথা  
ছিঁড়ে বনলতা পায় জড়াইলে আসি,  
মোহপাশ, করি নৃত্য ব্যোমকেশ যেন  
ত্রিপুর সংহারে, কিংবা যবে যোগে মগ্ন  
ভাঙ্গিলে কুক্ষণে যোগ মন্থ অথবা,—  
হুঙ্কারে ঝড়ারে বিশ্ব চমকিত করি  
নিরমিরে কর্তিস্তম্ভ তুমুল সংগ্রামে  
সংহারি প্রাক্তনে, হরি বিধাতার তেজঃ,  
পতিত মানব । ভাবিছেন এইরূপ,  
আসি বিশ্বামিত্র ঋষি তেজঃপুঞ্জ যেন  
হতাশন, বিকর্তন যৌবনে অথবা,  
উপনীত তথা । বসাইয়া সমাদরে

আনন্দে প্রাচীন যোগী দিলা পরিচয়  
 দিয়া । প্রণমিলা ঋষি বৃদ্ধের চরণে ;  
 প্রণমিলা রাজপুত্রে । সুধিলা কুশল  
 আশীষি কুমার । যথাযোগ্য সন্তাষিয়া  
 উত্তরিল বিখ্যামিত্র—ঋষি-কুলোত্তম,  
 সুবিদিত বিশেষ যিনি ; সাধিলা অসাধ্য  
 কত যোগবলে ; বিধাতার সনে বাদ  
 বিবাদিলা হেলে । “কি কারণে আগমন”  
 কহিলা রাজর্ষি “হেথা আজ মম, গুন  
 মন দিয়া । উদ্ধারিতে পতিত মানবে—  
 কলিতে কলুষে মগ্ন,—অবতীর্ণ তুমি  
 ধর্ম-মূর্তি, ধরাধামে । সত্য ত্রেতা কলি  
 দ্বাপরে দলিতে হুণ্টে বর্তমান তুমি  
 দর্পহারী ; জান সব কি কব তোমারে  
 অন্তর্যামী ; আছ জ্ঞাত মম তপোবল ;  
 আছ জ্ঞাত বাসবের ছলনা চাতুরী ।  
 অমর-কলঙ্ক, বীর ! ইন্দ্র যদবধি  
 নহে হতদর্প, কালসর্প যথা মহা-  
 মস্ত্রবলে, মানবের মঙ্গল ভরসা  
 নাহি তদবধি । যুবা তুমি, অনভিজ্ঞ—  
 যদ্যপি ও দেহ নয় গঠিত মাটিতে,  
 অনন্ত সূর্য্যের ভাতি হৃদয়-অম্বরে,  
 গঙ্কিল হইবে স্বর্ণ নহে অসম্ভব,

দেশ-কাল-সঙ্গ-ভেদে, অসুর-মর্দন !—  
 নানা শাস্ত্রে ; লভিয়াছ সত্য তুষ্টি স্তবে  
 মহেশ্বরে, মনোমত বর ; কিন্তু বৎস !  
 এখনো কণ্টকাকীর্ণ মনোরথ পথ  
 তব । দিতে উপদেশ এসেছি হেথায়,  
 রাজকুজনিধি, মনোবাঞ্ছা হবে পূর্ণ—  
 কঠোর সাধনা সিদ্ধ কি প্রকারে হবে  
 অনায়াসে তব । দণ্ডি আগে পুরন্দরে  
 কর পথ পরিষ্কার । একতা, কুমার,  
 সর্ব মঙ্গলের মূল । মত্ত প্রভঞ্জন  
 প্রচণ্ড মার্ত্তণ্ড দীপ্ত বৈশ্বানর সনে  
 মিলে যদি উরে রণে, সে তেজ বিক্রম  
 সক্ষম সহিতে কেবা ? কলুষ-বিজয়ী  
 যোগে যারা, জিতেন্দ্রিয়, মিল তাঁহাদের  
 সহ ; হবে ভাগ্যজয়ী, কহিলু তোমারে  
 নীতিকথা ; কদলীর বাঁধি ভেলা যায়  
 মত্ত-বীচি-পূর্ণ মত্তা তটিনী তরিয়া  
 অবহেলে লোক যথা, মানস-সাগর  
 আরোহি একতা-তরী. তরিবে নিশ্চয় ।”  
 নীরবিলা ঋষি । উত্তরিল মঃহৃদাস,—  
 “জানি তপোনিধি ! বাদী বাসব মানবে  
 চিরকাল ; জানি ভাল একতার গুণ ;  
 জানি না কেমনে কিন্তু হব ইন্দ্রজয়ী ;

পরিব একতা-পদ্ম রত্ন অলঙ্কার  
 কণ্ঠদেশে । কর, মুনি, উপদেশ দান,  
 জাগিবে মানব যাহে, একতা-শৃঙ্খলে  
 হবে বদ্ধ ; জাগাইবে মানবের নাম  
 ধরাতলে ; আঁকি, স্থখে শারদ গগনে  
 কীর্তি রূপাকরে, দেখাইবে দেবলোকে  
 মনুষ্য-গৌরব । দীন আমি, মুনিবর,  
 ঐশ্বর্য্য সম্পদ পদ বান্ধব বিহীন ;  
 এই বাহুবল মম ভরসা কেবল ।  
 দীন দেখে দয়া, কহ, এ ভবমণ্ডলে  
 কে করিবে, ঋষিরাজ ? মহাত্মনু তুমি,  
 পুণ্যবানু অতি, তাই এসেছ সুধাতে  
 কুশল বারতা ; অসময়ে নহে, হায়,  
 কে করে সম্ভাষ ?” উত্তরিল রাজঋষি—  
 “ পরিহর পরিতাপ, ভাগ্যবানু তুমি  
 নরমণি । যথান্যায্য নিজ যোগবল—  
 যোগী আমি, বৃদ্ধ, নাহি বাহুবল, নাহি  
 জানি ধনু ধরিবারে,—তুমি তোমাঝে  
 করি দান । কিন্তু যাহে সুসিদ্ধ বাসনা  
 হবে, নৃপবর, শুন তাহা । বেদনিষ্ঠ  
 পিতা তব, ধর্ম্মমূর্ত্তি, নৃপ-কুল-রবি,  
 পূজি দেবে রাজ্যভ্রষ্ট হইলা যেমতি,—  
 বনবাসী ; দৈত্যরাজ বলি সেই রূপ

হইলা পাতালবাসী !—বিধাতার এই  
 সুনিয়ম ! যোগবল জানহ বলির—  
 সক্ষম করিতে সৃষ্টি নূতন জগৎ !  
 দেখিলেন এতকাল নরক-বন্ত্রণা  
 সহিয়া অসহ্য, হয় কি না কেশবের  
 দয়া তাঁর প্রতি । সুসজ্জিত তিনি রণে  
 বুঝিবারে দেববল ; যদি বাঞ্ছা হয়,—  
 এ সুযোগ পরিত্যাগ করা অহুচিত ;—  
 কহি তাঁরে, আসি তব সনে মহামতি  
 মিলি অবতীর্ণ হন সংগ্রাম প্রাঙ্গণে ।  
 অবশ্য পূরিবে তবে মনের বাসনা ।”

নীরবিলা তপোনিধি । প্রশংসি কুমার  
 কহিলা “ রাজর্ষে ! কহ মঙ্গল-কলসে  
 কে ঠেলে চরণে ? আগুগতি—আগুগামী  
 তুমি যোগবলে—যাও দৈত্যরাজ যথা  
 রসাতলপুরে । কহ গিয়া আছে মম  
 সম্পূর্ণ সম্মতি, সাজি তিনি, লয়ে সঙ্গে  
 দৈত্য অনীকিনী স্বরা আসুন এখানে ;  
 সূর্য্য সহ অগ্নি যথা, মিলি দুই জনে  
 বুঝিব ত্রিদশ-বল । যাও স্বরা করি ;  
 জাগাই এখানে আমি নিদ্রিত মানবে  
 পারি যদি ।” গেলা চলি ঋষিকুলমণি ।  
 হেথা দিলা হুহুঙ্কারে কষুতে ফুৎকার

চমৎকারি স্বর্গ মর্ত্য, ঋণৎকারি অসি  
 গরজিল কোষে, তীব্র । সাগরে পবনে  
 ভূধরে গহ্বরে বৃক্ষে অশ্বরে বাধিয়া  
 সে ধ্বনি ভীষণ, উঠাইল প্রতিধ্বনি  
 পুলোমঙ্গা সহ যথা বসিয়া নিজ্জনে  
 বৃত্ত-নিম্নদন ইন্দ্র, ত্রিলোক-ঈশ্বর  
 রত্ন সিংহাসনে ! কাদম্বিনী নাদে নাদি  
 নাচে নিতম্বিনী । ঐরাবত-গলে যথা  
 সম্তানক-মালা ; ভাগীরথী-স্রোত কিংবা  
 অলকা-অচলে, কুমারের সঙ্গে রঙ্গে  
 নাচি গাই সুরঙ্গিনী হাসি অট্টহাস  
 চলিলা চঞ্চলা কিংবা মত্ত মেঘকোলে  
 বরাস্বিনী । যথা ধরে ভীষণ গম্ভীর  
 বজ্রপাতপূর্বে ভাব গগনমণ্ডল,  
 নীরব গম্ভীর কিংবা আগ্নেয় অচল  
 অগ্নি ধূম ধাতুস্রব উদগীরণ আগে—  
 সেরূপ ধরিল ভাব নীরব গম্ভীর  
 প্রকৃতি ; নিশ্চল তরু পল্লব বল্লরী  
 বনলতা । বসিলেন আসি বাগীশ্বরী  
 ফুল্ল কুবলয়ে যেন, পরম আনন্দে  
 কুমারের রসনায়, মনুষ্যাজগতে  
 চীৎকারি রাজেন্দ্র-ইন্দু কহিলা সম্বোধি—  
 “ শুনেছ মানবগণ ! দেখেছ পুরাণে



বেদব্রত বিষ্ণুশঃ চরিত্র আখ্যান ।  
 সেই সে মানবশ্রেষ্ঠ ধার্মিক-প্রবর  
 রাজ্যভ্রষ্ট বনবাসী অদৃষ্টের দোষে  
 হইয়া পাইলা কত কষ্ট অনিবার !  
 যে রাজা বসিত স্মৃথে হৈম-নিকেতনে  
 সেই রাজা পদব্রজে আতপ-উত্তাপে  
 পর্যাটীলা বনে বনে ; কুসুম-শয্যায়  
 কুসুম কস্তুরী মাখি অগুরুচন্দন  
 পরি রত্ন-অলঙ্কার, করিত বিরাজ  
 পরী বিদ্যাধরী মাঝে, বাজিত চরণে  
 কণ্টক যেমনি যার ফুল্ল-কমলিনী,—  
 সেই সে রাজেন্দ্ররাণী ধরণী-ঈশ্বরী  
 অনাহারে বনে বনে করিলা ভ্রমণ !  
 কি দোষে ভ্রমিলা বনে জনকনন্দিনী ?  
 কি দোষে হে বনবাসী নৈমধ্য অথবা,  
 হরিশ্চন্দ্র, যুধিষ্ঠির, শৈব্যা বা বৈদর্ভী ?—  
 এ সব অদৃষ্ট-দোষে । অদৃষ্টের দোষে  
 সতত মনুষ্য কত ভুঞ্জে পরিতাপ  
 আছ সবে স্মবিদিত ; ষোঁবনে যুগতী,  
 হায়রে সংসার শোভা, পতিহীনা কেন ?  
 কেন, কাঁদে কমলিনী নয়ন-নন্দন  
 হৃদয় নন্দন-নিধি অকালে হারায়ে ?  
 কেনরে সাধের শিশু কৃতান্তের মুখে ?

কেন রাহু গ্রাসে পূর্ণ পূর্ণিমার শশী ?  
 সকলি অদৃষ্টদোষে ! ছুঁতিক্ষ বা জরে  
 কেন লোক কষ্ট পায় মরে অনশনে ?  
 কেন বিস্মৃতিকা রোগে বসন্তে অথবা  
 লক্ষ লক্ষ মরে বৃদ্ধ যুবক যুবতী,—  
 সকলেই মহাপাপী ? দৈবদোষে ঘোর  
 এ যাতনা সহে লোক ; মানব জগৎ  
 মরু-ভূমি স্বর্ণ-ভূমি ; বলির পতন  
 দৈবদোষে রসাতলে জান তা মানব ।  
 জান যদি, কেন তবে কারণ জানিয়া,  
 উন্মূলিতে কারণের বিশ্লেষণে মূল  
 সকলে না মিলি' যত্ন কর একবার ?  
 অবশ অলসভাবে জড় প্রায় হয়ে  
 অদৃষ্ট ভাবিয়া সবে রবে কতকাল ?  
 হে মানব জীবশ্রেষ্ঠ ! মনুষ্যত্ব তব  
 প্রকাশিবে কবে বল ? অদৃষ্টের দোষে  
 পেতেছ নিয়ত নানা ক্লেশ ভয়ঙ্কর ;  
 সে ছুঁই অদৃষ্টে কেন না কর দমন ?  
 কেন না জানাও দেবে সংশোধিতে দোষ ?  
 কার ভয়ে অপ্রকাশ রাখিতে বাসনা  
 দেবোপম, হে মানব ! মহিমা তোমার ?  
 বলি না পূজ না দেবে, বলি না মানব  
 নিন্দা কর দেবতার । কামনা আমার

হয় হও ভাগ্যজয়ী, উদ্যম উৎসাহে  
 প্রকাশি মহিমা নিজ সাহস বিক্রম ;  
 নতুবা দেবেরে কহ 'ত্রিদশমণ্ডল,  
 পুরাণ বিধির পুনঃ করহ সংস্কার ।'  
 না যদি শুনেন দেব, কহ প্রকাশিয়া  
 ব্রাহ্মণ্য বা যোগ-তেজে হয়ে অধিষ্ঠান  
 যথা পদ্মাসনে বসি দেব পদ্মযোনি  
 দেব সভা মাঝে, কিবা তব অভিপ্রায় ।—  
 মানব ! প্রকাশি বল, ব্রহ্মা বা নিয়তি  
 অথবা দেবেতে শ্রেষ্ঠ ইন্দ্র বা কেশব,—  
 মানব জগৎরাজ্য শানিবে মানব ;  
 চন্দ্রলোক সূর্যালোক সুরলোকে যথা  
 বসেন স্বাধীন জীব মর বা অমর—  
 নিজ নিজ ভাগ্যপট নিজ করতল,  
 মানব জগৎ হয় সে সূত্রে বন্ধিত  
 কোন্ অপরাধে ? বিধাতার কোন্ বিধি  
 সুবিধি যে বিধি, রাখিয়াছে নরলোকে .  
 আবদ্ধ করিয়া এই দাসত্ব-শৃঙ্খলে ?  
 জাগ হে মানবজাতি ! ক্ষত্রিয় ব্রাহ্মণ,  
 শূদ্র বা চণ্ডাল, বৈশ্য, হিন্দু, মুসল্মান—  
 সিয়া, সন্নী ; শিখ, বৌদ্ধ, অগ্নি উপাসক ;  
 রসিয়া, প্রসিয়া রোম ফরাস ইংরাজ  
 এস হে খৃষ্টান গত, বারেক ভুলিয়া

জাতিভেদ ধর্মভেদ দেশ বর্ণ নীতি,  
 বাদ ঘেব বিবাহাদ, সৌহার্দ-শৃঙ্খলে  
 আনন্দে আবদ্ধ হরে, নিদ্রা ত্যজি উকি,  
 হিমাশ্তে উরগ কিংবা ক্ষুধার্ত কেশরী,—  
 পদদন্তে বীরনাদে, আয়ুধ আলোকে,  
 প্রতিজ্ঞা গাঙ্গীর্যা পণে কাঁপাও জগৎ !  
 মানবে মানবে নিত্য আহব বিবাদ ;—  
 সমানে সমানে জয় সম পরাজয় ;  
 কি কীর্তি বা যশঃ তাহে ? প্রবলে দুর্বলে  
 বিবাদে দুর্বল যদি রিপুজয়ী হয়—  
 সেই কীর্তি সেই যশঃ ; যে পারে তাহার  
 ধন্য জন্ম ধরাভলে ! অথবা দুর্বল  
 অমর হইতে মর জানিলে কেমনে ?  
 মনেতে দুর্বল ভাবি কেন অচেতন ?  
 বলাবল ভেদাভেদ না কর পরীক্ষা  
 কেন একবার ? মর নর কে তোমাঝে  
 কহিলা, অজ্ঞান নর ? অজর অমর  
 প্রবল মানবজাতি, হৃদয়-নয়ন  
 উন্মীলি মানব অহে দেখ একবার !  
 মরে না মানব, যাহা দেখহ প্রত্যহ ;  
 অমর নিহর আত্মা, বুঝিতে ত্রিদিবে  
 কি গুণে ত্রিদশ শ্রেষ্ঠ, স্মৃততমরূপে  
 যায় তারা বৈজয়ন্তে । চাই না আমর

সেরূপ গোপনে সেই সশক্তি ভাবে  
 পশিতে অমরাপুরী ; জাগাব যদ্যপি  
 মানব-গৌরব, যাব আড়থরে সাজি ।  
 যদি বল অসমর্থ মানবমণ্ডল  
 অমব-মণ্ডল-তেজঃ সহিতে সমরে :—  
 অসত্য, হে অর্কচীন, সে কথা তোমার ।  
 বাসব কেশব শিব পরাভব যথা,  
 গাণ্ডীবী, বিক্রম, রঘু, নর দশরথ  
 বিজয়ী সেখানে তাহা নাহি কি স্মরণ ?  
 নাহি কি স্মরণ বধে নিবাত কবচে  
 কোন্ বীর নরবর ? কি কাজে হুগ্নস্ত  
 গিয়াছিল বৈজয়ন্তে, প্রাণের প্রতিমা  
 মিলিলা যখন তাঁর শকুন্তলা যথা ?  
 কে সৃজিতে সমুদ্যত নূতন জগৎ ?  
 মানব প্রভাব তেজঃ,—প্রয়াস করিলে  
 অজর অমর নর ব্রহ্ম-সমতুল,—  
 জ্ঞান ত নিশ্চিত কেন ? এসহে বারেক  
 আনন্দে একতা-হার কর্ণদেশে পরি  
 সংগ্রাম প্রাঙ্গণে ভাগ্যে করি আলিঙ্গন ।”  
 টঙ্কারি কোদণ্ড কষু বাজায় গম্ভীরে  
 নীরবিলা নরসিংহ । যোগেতে মজিয়া  
 ক্ষণেক প্রকৃতি যেন নীরব গম্ভীরা  
 নিশীথে নিদ্রিত যবে বিশ্ব চরাচর,

আবরিয়া অনন্বর জীমূতমণ্ডল  
 নাদিলে সহসা, সেই সঙ্গে সৌদামিনী  
 খাবিলে বজ্রাঘি সহ, চমকি ত্রিলোক  
 উঠে যথা জাগি, অকস্মাৎ সেইরূপ  
 উঠিল তুমুল ঝড় জগৎমণ্ডলে,—  
 ভীম শব্দে স্তব্ধ সব ! জাগিল মানব !  
 ব্রাহ্মণ ক্ষত্রিয় শূদ্র বৈশ্য বা চণ্ডাল  
 হিন্দু মুসল্মান বৌদ্ধ পাঠান মোগল  
 খৃষ্টান বিষ্ণাণ ঘোর নিনাদি গম্ভীর,  
 টঙ্কারি কোদণ্ড, অসি আক্ষালি বিক্রমে,  
 বাজায়ে ছন্দুতি ভেরী তুরি ভয়ঙ্কর  
 সমর ভূষণ পরি মোহ পরিহরি  
 শাইল উল্লাসে, যথা প্রভঞ্জন-বলে  
 সম্ভাড়িত রত্নাকর তরঙ্গে তরঙ্গ  
 আঘাতি উন্নতভাবে আবর্তে ঘুরিয়া  
 নিমগ্ন পাহাড়ে বায়ু বিপরীত দিকে  
 যায় রোলে কোলাহলে ! গভীর গর্জনে  
 কামানে ছুটিল গোলা, ইরম্মদ যথা,  
 অনন্বর ধাঁধি ; খেলে অসি, চন্দ্রহাস,  
 গরজে বন্দুক, গদা, শক্তি, শরজাল ।  
 আকাশ ঢাকিল কোটি নেতের পতকা ।  
 কোসা লয়ে জপতপ ত্যজিয়া তর্পণ  
 শাইল ব্রাহ্মণ, যোগী, ব্রহ্ম-জটাধারী ।

ছুটিল কত্রিয়দল—দেবাসুর-ত্রাস ।  
 আছিল নিষাদ জাতি—শিব-বংশোদ্ভব—  
 নিদ্রিত পর্বত-গর্ভে, ধনুর্ধ্বাণ লয়ে,  
 সবল সুদীর্ঘ দেহ, জটিল কুন্তল,  
 পাটল পিঙ্গল বর্ণ, ছুটিল উল্লাসে ।  
 বসিয়া প্রেয়সী-পাদে প্রমোদউদ্যানে  
 প্রেম-সরোবর-তীরে গীরিতি-দর্পণে  
 নিরখিতেছিল প্রিয়া-পঙ্কজ-আনন  
 বঙ্গীয় যুবক যথা, নাচিল সহসা  
 সেখানে কি মন্ত্রে তার হৃদয় জীবন ;—  
 ছিঁড়ি ফুলহার, ফেলি কুঙ্কুম কস্তুরী  
 ছুটিল উন্মত্তভাবে ; একান্ত যাতনা  
 অসহ্য হইলে যথা সংসার-বিরাগী  
 নিরীহপ্রকৃতি ধীর শিখযোগিদল  
 দমিতে যবনদলে—ফরকসিয়ারে—  
 হইল প্রতাপে দর্পে সাহস বিক্রমে  
 অদ্বিতীয় বীরজাতি, কুঞ্চিত কেশর  
 কেশরীর যাহে ; আজি ভীক বঙ্গভূমি  
 খণ্ডিতে বিধির বাদ নাছিল উৎসাহে ।  
 ছুটিল বিধবা বালা ষোড়শী রূপসী  
 বিধবা বাসরে, রক্তোৎপল জিনি আঁধি  
 শ্যামল কুন্তলভার পৃষ্ঠেতে লব্ধিত,  
 সম্মার্জ্জনী করে ! ত্যজি শয্যা, বল পাই

যেন, অশ্লীল রোগী ধাইল সবেগে ;  
 যজ্ঞাশ্রম—কাশি কাশি উচ্ছ্বাসি শোণিত ;  
 কুষ্ঠরোগী যষ্টি আকর্ষিয়া ; মাতৃহীন  
 শিশু ; পুত্রহীন মাতা, আকর্ষিত মহা  
 আকর্ষণে ! কোলাহলে পূরিল অবনী ।  
 কোনিদার ধ্বনি শুনি প্রমত্তের প্রায়  
 ধায় যথা লোক, আসিয়া মিলিল সবে  
 সত্যব্রত কঙ্কী যথা অয়স্কান্ত মণি ।  
 দেখিলা বিশ্বয়ে ইন্দ্র মানব প্রতাপ,—  
 সহস্র-নয়ন বৃষ্টি করিল অনল !

ইতি শ্রীঅদৃষ্টবিজয়ে কাব্যে আবাহনো নাম নবমঃ সর্গঃ ।

## দশম সর্গ ।

বসিয়া বিবাদে তমঃপুঞ্জের মাঝারে  
 ঘোরতম, রসাতলে হেথা বলিরাজ  
 তেজঃপুঞ্জ অগ্নিসম, রাজসভা মাঝে  
 মণিময় । অমানিশা রজনীতে যেন  
 উদ্ভিত পূর্ণিমা-শশী ; বসি চারিদিকে  
 ঘেরি নৃপবরে পাত্রমিত্র সভাসদ,  
 দানব-মণ্ডল, তেজে বীৰ্য্যে প্রভাকর,



হৃদ্বর্ষ সমরে, তারাপুঞ্জসম । বসি  
 অংগুমালী, বিশ্বজিৎ, প্রচণ্ড, কেশরী,  
 পুত্রগণ তাঁর, রূপে, বলে অতুলিত  
 তিন পুরে । বসি শুক্র গম্ভীর মূরতি  
 দৈত্যগুরু ; কি ভাবে সমরে সাজি সবে  
 অমরে করিবে জয় করিছে মঙ্গলা  
 একমনে । চক্রপাণি—চক্রে চক্রপাণি—  
 অমাত্য রতন । আসি বিশ্বামিত্র ঋষি,  
 আশার আকাশে চারু ইন্দ্রধনু যথা,  
 উপনীত তথা । দেখি বলি ঋষিবরে  
 প্রণমি স্তম্বিলা—“ কি সংবাদ, তপোধন,  
 কহ ত্বর করি ;—কিংবা যে কাজে আপনি  
 ব্রতী, সত্যব্রত, তাহা অসিদ্ধ কখন ? ”  
 আশীষিয়া ঋষি—“ মনস্কাম, দৈত্যপতি,  
 পূর্ণ তব । জানিলাম এতদিন পরে  
 হইবে ধর্মের জয় ; দাসত্ব নিগড়  
 ছিঁড়ি জীব, নিজ রাজ্য শাসিবে আপনি ।  
 সাজি রণে লয়ে সঙ্গে ভুবনবিজয়ী  
 দৈত্য অক্ষৌহিনী, যাও আর্য্যভূমে চলি  
 সমীরণ গতি । ঢালে যথা চলি চলি  
 প্রবাহিণী কুল স্রোত সাগর তরঙ্গে,  
 এ দৈত্য প্রবাহ, তব যোগবল স্রোত  
 নৃপবল সিদ্ধজলে ব্রাহ্মণ্য প্রভাবে

ঢাল গিয়া ; স্বর্গ মর্ত্য দেখিবে ডুবিবে ।”

নীরবিলা ঋষিরাজ, মার্ত্তণ্ড যেমতি  
মধ্যাহ্নে কৃষাণু ঢালি প্রসন্ন সায়াছে ।  
চিন্তি কতক্ষণ বলি সুদীর্ঘ নিশ্বাস  
তাজিয়া কহিলা—“হায়, ভগবন্ ! মম  
ভাগ্য নিদারুণ অতি । বৃথা চেষ্টা তব—  
বৃথা পরিশ্রম, মনসাধ পূরিবে না  
মম । তুযানলে কলেবর জ্বলে যথা  
দিবা বিভাবরী, গুমে গুমে প্রাণ মম  
মনস্তাপে হবে দগ্ধ ! না বুঝি প্রথমে  
মজি মোহবশে বৃথা, আনন্দ প্রবাহে  
ভাসায়েছি প্রাণ । করিয়াছি ত্রিভুবন  
দান জনার্দনে, নাহি অধিকার মম  
যাইতে অবনীপরে ! অদৃষ্ট কঠিন !  
এই কি তোমার মনে ছিল অবশেষে ?”

বিবাদে নিশ্বাসি বলি হইলা নীরব ।  
সুখদ শরতকালে স্ননীল আকাশে  
সুধাংগু মিলনে বিশ্ব আমোদিত যবে,  
প্রমোদিত কুমুদিনী ; সহসা অম্বর  
আবরিলে, ঢাকি চাঁদে, জলধর দল,  
ডোবে সমুদায় যথা তিমির অর্ণবে ;  
বিবাহ দিবসে কিংবা কন্যার আলয়ে  
পূর-বধু পূর-কন্যা প্রতিবেশীগণ

আনন্দে বাজায় শব্দ উলুধ্বনি দিয়া  
 সাজি মনোমত বস্ত্র রত্ন অলঙ্কারে,  
 মঙ্গলাচরণ করে যবে মহোল্লাসে,  
 মহোৎসবে পূর্ণ গৃহ ; সহসা যদ্যপি  
 বর-মৃত্যু-বার্তা আনি কহে কোন জন ;—  
 শোকের সাগরে ডোবে সকলি যেমতি,  
 তেমনি বলির বাণী শুনিয়া সকলে  
 হইলা মলিন ! কারো মুখে নাহি কথা ;—  
 ধর্ম্মের মস্তকে করি চরণ প্রহার  
 কে পারে কহিতে “লও দত্তধন ফিরি ?”  
 আপনি সচিবশ্রেষ্ঠ ধীর চক্রপাণি  
 তিরস্কৃত—পরাজিত—চিত্রপট প্রায় !  
 কতক্ষণ তীক্ষ্ণ-বুদ্ধি নীরবে থাকিয়া  
 অধোমুখে শুক্রাচার্য্য, নখে লিখি মহী,  
 উঠিলা উল্লাসে হাসি ; কঠিন প্রতিজ্ঞা  
 বহু পরিশ্রমে সাধি পরীক্ষার্থী যথা  
 পরীক্ষা-গম্ভীর-গৃহে । হাসিল উল্লাসে—  
 উষার হাসির সনে প্রকৃতি যেমতি,  
 দেখিয়া রবির ছবি অথবা নলিনী,  
 সম্ভাসিত সকলের বদনমণ্ডল ।  
 “ভগবন্ !” দৈত্যরাজ সুধিলা বিনয়ে  
 প্রণমিয়া গুরুপদে—“হে ভবকাণ্ডারি !  
 পেয়েছ কি তরী কোন, যে তরী আরোহি

তরিব তারকব্রহ্ম নাম উচ্চারিয়া  
 সঙ্কটসঙ্কুল তুঙ্গ-তরঙ্গ-রঙ্গিত  
 ছস্তর মানসসিন্ধু ? তরণী-তনয়ে  
 করি তিরস্কৃত বাহি ত্রিলোক পুলকে  
 গোলকে আশ্রয় পাব ?” আচার্য্য কহিলা —  
 “ হাঁরে বৎস প্রাণাধিক ! করি বন্ধ অন্ধ  
 যাদব নন্দন, বৎস ! স্পর্গদ্বার তব  
 বিধিমতে, এক ধারে সুরঙ্গ অদ্বুত  
 আছে এক, ব্রহ্ম ক্রমে নারিলা দেখিতে ।  
 অনায়াসে তাহা দিয়া, মণি মধ্যে যথা  
 যায় সূত্র, যাবে মর্ত্যে, পশিবে অমরা ;  
 এবে চিন্তা পরিহর, আন মনঃশিলা ।”  
 বলি মনঃশিলা লয়ে লাগিলা গঠিতে  
 যতনে প্রতিমা এক । দেখিতে লাগিলা  
 কোতূহলাক্রান্ত চিতে সভাস্থ সকলে ।  
 গঠিলা বামনমূর্ত্তি—যে মূর্ত্তি ধরিয়া  
 ছলিলা বলিরে কৃষ্ণ ; জুড়িল আকাশ  
 একপদ, একপদ মানব-মেদিনী ;  
 আবরি বলির শিরঃ লৌহের কিরীটে,  
 চুষক বসায়ৈ শেষ বামন চরণে  
 দিলা কলে বলি সনে সংযোজিত করি  
 গুহ্র—গুরুকুলমণি ! বলির মস্তকে  
 রহিল বামন-মূর্ত্তি, বামন মস্তকে

রহিল তরল বায়ু—যে বায়ু প্রভাবে  
 উড়ে ব্যোমযান । ব্রহ্মতেজে বিশ্বামিত্র  
 চমৎকৃত হয়ে দেখি বুদ্ধির প্রভাব  
 প্রশংসিরা শতমুখে গুরুমহাশয়ে,  
 পড়ি মন্ত্র করিলেন জীবন প্রদান  
 প্রতিমা বামনে ! লয়ে পদে দৈত্যরাজে  
 উড়িলা বামনদেব, উঠিলা অবনী,  
 ভেদি ধরাগর্ভ, ভেদি ধরাগর্ভ যথা  
 উঠে গর্জি কালফণী । বাজিল গভীর  
 আনন্দ বাজনা । সবিস্ময়ে পরাভব  
 মানি মনে মনে নিরখিলা নারায়ণ  
 থাকিয়া গোলকে বলী বলির উত্থান ।  
 গভীর ভূধর গর্ভে প্রস্তুরে বাধিয়া  
 প্রাবৃটে সলিল-স্রোত গর্জন তর্জনে  
 ঘুরে যবে আবর্তনে, সে প্রস্তুর যথা  
 অকস্মাৎ আসি অপসারিত করিলে  
 চীৎকারি ফুৎকারি ফেনা উদ্গারি বিক্রমে  
 প্রবল প্রবাহ ধায় ডুবাতে ধরণী ;—  
 বিদারি মেদিনী-বক্ষ দশনে কামানে  
 উঠিল দানববৃন্দ ছুকারি ঝুকারি  
 টুকারি কার্শ্নুক ঘোর ঘর্ষর নির্ধোষে,  
 বলির পশ্চাতে, শংখ বাজায়ে গভীর,  
 নাচি হাসি, মদোন্মত্ত বসন্তে যেমতি

যুথপতি ! মন্ত্র পড়ি অগ্নিকুণ্ডে যথা  
 দিলে ঘৃতাহুতি সর্প-যজ্ঞে রাশি রাশি  
 উদ্ধর্ষণ ভুজঙ্গম গর্জি তর্জি বেগে  
 লাগিল পড়িতে, চতুর্দিক হতে আসি  
 দানব মানব—শূদ্র ব্রাহ্মণ ক্ষত্রিয়—  
 পুরুষ প্রকৃতি, উপনীত সাজি রণে,  
 ধরি ধনুর্ঝাণ অসি, সম্মেলনগরে ।

হেথা উপনীত শত্রু চক্রপাণি যথা  
 পদ্মালয়ে ছিলেন দেখিতে নরদৈত্য  
 রণ-সজ্জা । না কহিতে কথা শতক্রতু  
 কহিল পুণ্ডরীকাক্ষ—“তাজ, সহস্রাক্ষ,  
 ক্রোধ তব, অপ্রকাশ মম পাশ নাই  
 মন তব । তাজ পাপচিন্তা শচীকান্ত ;  
 নহি বাদী আমি, নন বাদী কিম্বা বিধি  
 তব প্রতি, সুরনিধি । তব অপমান  
 নহে করা সাধ মম ; স্বর্গে মর্ত্যে কিংবা  
 রসাতলে, কার সাধ্য করে অবহেলা  
 মরুত্মানে ? নহি রুষ্ট স্বাধীন কল্লনা  
 ভাবি তব ; কার সাধ নয় ভবধামে  
 স্বাধীন সতত নিত্য থাকে আশঙ্কল ?—  
 নাহি সাধ পারিজাত তব, পুরন্দর,  
 হরি পুনর্বার ; কিংবা গোবর্দ্ধন গিরি  
 ধরি করে করি মরি লীলা খেলাছলে

গিয়া ব্রজে । এই বিশ্ব মম লীলাস্থল ;—  
 যা ইচ্ছা, মধবা, পারি করিতে সাধন !  
 পূজিবে না ভাব তুমি, হৃদয় তোমার  
 শোনে কই ? বাহুবলে, নমুচি-স্বদন,  
 কভু কি দেখেছ পূজা করিতে গ্রহণ  
 নারায়ণে ? কিন্তু লোক না পূজি আমারে  
 থাকিবারে পারে কই ? হতেছে তোমার  
 ব্রহ্মার পরম ব্রহ্ম এ ব্রহ্মে দেখিয়া  
 সম্পূর্ণ বিশ্বাস কিনা বলনা বাসব ?  
 তব উচ্চতম শিরঃ মুকুট মণ্ডিত  
 অথবা অজ্ঞাতে কেন পড়িছে নমিয়া ?  
 ব'স ইন্দ্র, মনে কভু ভেবনা স্বপনে,  
 বাসবের অপমান কেশব করিবে  
 কোন কালে । পরিহর ভিন্নভাব যত  
 ক্লেশকর । করিয়াছ যে বিধি-বন্ধন  
 অবশ্য মানিবে সবে ; নাহি বজ্রধরে  
 পূজি, চক্রধর-পদে পাবে না আশ্রয় ।”

এত কহি করে ধরি বসাইলা পাশে  
 বাসবে কেশব । বাক্যহীন সুনাসীর,—  
 এমনি গাম্ভীর্য তেজঃ জগৎ পতির !  
 এসেছিল য়া ভাবিয়া মহাদম্ভ করি,  
 মিশাইল সে ভাবনা অন্তরে আপন,  
 দম্ভহারী হরি-দণ্ডে সে দম্ভ মিশিল ;

নশ্বর সমরে শর-অমোঘ-সঙ্কানে  
 প্রাণশূন্য বৈকর্তন ধূলাশায়ী হলে  
 ভাস্করে ভাস্কর-কর বিলীন যেমতি ।  
 কহিলা—“তবে কি, দেব, দানব দুশ্মতি  
 দেবগর্ভ খর্ব করি নিশ্চল হৃদয়ে  
 আঁকিবে সে পদরেখা ? কেন এ করিলে  
 দেবের সৃজন তবে, দেবকীন্দন,  
 কহ বৃথা ? নর যদি অমরের করে  
 এ লাঞ্ছনা, শ্রীবৎসলাঞ্ছন ! বিধে আর  
 আরাধিবে দেবে কেবা ?” নিশ্বাসি বিষাদে  
 নীরবিলা স্বরীশ্বর ; হাসিরা সূস্বরে  
 উত্তরিল। বিশ্বস্তর—“সত্যই মানব,  
 ভেবেছ কি, পুরুহৃত ! অদৃষ্ট-বিজয়ী  
 হইবে অমরে দলি ? ভীষণ কল্পনা !  
 যোগবলে লোক, ইন্দ্র, নীরোগ হইয়া  
 হইবে অমর তুল্য, পবিত্র নিশ্চল,  
 ষোণেতে লভিবে মোক্ষ জিনি দেবতায়,  
 বিধাতার এই বিধি, হে মেঘবাহন,  
 কহিহু তোমারে । তপ জপে হয়ে তুষ্ট  
 জিহু বিহু কি অদৃষ্ট করিবে প্রদান  
 মনোমত বর, এই বিধির বিধান ।”  
 নীরব গোরিন্দ । তুষ্ট হয়ে অরিন্দম  
 বন্দিয়া পদারবিন্দ গেলা পুরন্দর ।



সম্বলনগরে হেথা মহামহোৎসব ।  
 আরস্তিলা মহাযজ্ঞ রাজেন্দ্রনন্দন,—  
 পুরোহিত বিশ্বামিত্র, সুবিজ্ঞ মাধব  
 হোতা, ব্রহ্মা শুক্রাচার্য্য, সদস্য শঙ্কর,  
 তন্ত্রধার চক্রপাণি—বুধ-বংশ-রবি ।  
 সম্বৎসর-ব্যাপী যজ্ঞ । দেশে দেশে হেথা  
 জাগ্রতে নিদ্রিত জীব-হৃদয়ে অনল  
 জ্বালিতে বীরেন্দ্র বৃন্দ বাগ্মী বিচক্ষণ,  
 লাগিলা ভ্রমিতে ; বঙ্গে বিষ্ণুশর্মা মুখো,  
 মুখে ধীর স্বরস্বতী বর্তমান সদা,  
 দক্ষিণে মাধব রাও ; বীরেন্দ্র কেশরী  
 বীরসিংহ মধ্যদেশে—রাজপুতানায় ;  
 পঞ্জাবে গোবিন্দ সিংহ ; মেধি আলিখান  
 নবাব কোশলে ; মহাবীর্য্য জর্জ রোমে ;  
 রুষো, পেন, মিল কত জর্মনী বটনে ।  
 প্রবল প্রবাহরূপে আন্দোলিয়া ভব  
 কল্লোল হিল্লোলে হলি জুটিল আসিয়া  
 ক্রমে ক্রমে নানা দেশ নানা রাজ্য হতে  
 সম্বল নগরে ষত বীর ধনুর্ধর ।

যজ্ঞ সাজে যজ্ঞ-ফোঁটা পরিয়া ললাটে  
 বিভূতি লৈপিয়া অঙ্গে, যথা মেঘনাথ  
 নিকুস্তিলা যজ্ঞ অস্ত্রে, নাদি সেই মত  
 ত্রিলোক-বিজয়ী-বেশে আরোহি স্যন্দন

স্তখে চতুরঙ্গ দল—পঞ্চপাল যথা—  
 মথিতে ত্রিদশসিদ্ধ উড়িবে অঙ্গরে,—  
 মেঘেতে বিজলী ঢালি । সম্বৎসর পরে  
 পূর্ণ হল মহাযজ্ঞ, যুগমেঘ ছাগ  
 লক্ষ লক্ষ হল বলি, করিল ভক্ষণ  
 স্ত্রধাসহ বীরদল সে মাংস বিমল ।  
 প্রথম বৈশাখ আজ, নতন বৎসর ;  
 শুভদিন, শুভক্ষণ, একে একে গণি  
 বিশ্বামিত্র, শুক্রাচার্য্য, বুধ কত আর  
 করিলা নির্ণয় । দাঁড়াইল সারি সারি  
 আরোহি পুষ্পকসম স্ত্রন্দর স্যন্দন ।  
 দানব মানব, বৃদ্ধ যুবক যুবতী,  
 খ্রীষ্টান পোপীস, গ্রীক, হিন্দু, মুসলমান,  
 রথ, রথী, সাদী, শুলী, প্রস্কেড়নধারী ;  
 দাঁড়াইলা শ্রেণীবদ্ধ বাদ্যকর যত ;  
 দাঁড়াইল সবে সূর্য্য গোলাকৃতি রূপে,  
 মধ্যেতে দাঁড়ায়ে রাজরাজেন্দ্র-কুমার  
 স্থিরনেত্রে নিরখিলা বারেক সকলে  
 আন্দোলিত প্রাণে । বামভাগে বরাজিগী  
 দৈত্যবিষাতিনী রূপে হাসিলা উল্লাসে ।  
 সভয়ে দেখিলা দিবে সৈন্য সমাবেশ  
 দেবতা মণ্ডল—ইন্দ্র । দেখি কতক্ষণ  
 গন্তীরে গন্তীর শব্দে দিলেন ফুৎকার ।

অমনি গর্জিল শঙ্খ লক্ষ লক্ষ কোটি  
 এককালে ; মধুমাসে গম্ভীর গহনে  
 গম্ভীর গম্ভীরবেদী মাতঙ্গ নির্ঘোষ,  
 একসঙ্গে কিংবা লক্ষ অশনি সম্পাত,—  
 উঠিল নিনাদ । তরুলতা জলস্থল  
 বাধি সে ভীষণ ধ্বনি ভূধর অশ্বরে  
 সমুথিত প্রতিধ্বনি সপ্ত স্বর্গভেদী ।  
 আবার নীরব সব । আবার উঠিল  
 সমর হুন্দুভি রব । আবার নীরব ।  
 নাদিল জগৎভেদী তূর্য্য তিনবার ।  
 প্রাচীনা রমণী বেশে ক্ষীরাক্তি নন্দিনী  
 যুবতী ভারতীসঙ্গে বরষিয়া লাজা  
 করিলা বন্দনা ; দিলা ভালে দধি ফোঁটা ।  
 চর্চিলা চন্দন চারু অনঙ্গ মোহিনী ;  
 বন্দিলা বলিরে আর ধনুর্দ্ধরে যত ।  
 আবার বাজিল কষু অশুরাশি নাদে ;  
 আরোহিয়া হীরস্ফদে—সুদিব্য স্যন্দন—  
 উড়িলা অশ্বরে কঙ্কী ; বামন প্রতিমা  
 উড়িল বলিরে লগ্নে ; আর রথ যত ;  
 উড়ে চূড়ে স্বর্গধ্বজা ! ঝাঁকে ঝাঁকে যেন  
 আবরি'ল অনন্তর কলঙ্ক কুল ;  
 অথবা সারসপুঞ্জ ; পূর্বেতে অথবা  
 পরশে ত্রিদিব-গঙ্গা-তরঙ্গ আবলী

অনিলা মায়েরে যবে সাধি যোগবলে  
 মর্ত্যভূমে ভগীরথ মুক্তিলাভ করি  
 চতুর্ভুজ রূপধরি অপূর্ব উজ্জল  
 সুরঙ্গে স্যন্দন রাজি আনন্দে আরোহি  
 গঙ্গা গঙ্গা বলি চলি যাইলা যেমতি  
 পতিত সাগরগণ ! দেখিলা বিস্ময়ে  
 ধরাতল বাসী লোক উদ্ধৃষ্টেচাহি  
 সমরী স্যন্দনপুঞ্জ লাগিল উঠিতে  
 কমে দূর শূন্যপরে ; শুনিলা মধুর  
 মধুর মধুর বাদ্য বাজিছে অশ্বরে !

ইতি শ্রীঅদৃষ্টবিজয়ে কাব্যে রণযাত্রা নাম  
 দশমঃ সর্গঃ ।

প্রথম খণ্ড সমাপ্ত ।

## ভ্রম সংশোধন ।

পত্র	পঙ্ক্তি	অশুদ্ধ	শুদ্ধ
৩৪	৮	অকালে	যথাকাল
৩৫	১	ভায়ে	ভাসায়ৈ
৩৬	২০	ধ্যানকরি	ধ্যানধরি
৫১	১	পালইতি	পলাইত
৫২	১৮	সম্ভবকারণ	সম্ভব কথন
১০৩	১৪	করিব	কবির





